

WANTOK

NIUSPEPA BILONG OL PAPUA NIUGINI STRET

40 pes

Namba 776

18 - 24 Me, 1989

30 toea

Ol Viles Kot i kalapim lo

OL VILES KOT i kalapim lo na givim bikipela mekim save na kalabusim ol man em ol liklik kot i no gat rait long mekim.

Jastis Wood i mekim dispela toktok long Nesenel Kot long Mt Hagen na autim

tupela man na wanpela meri i go fri. Viles Kot long eria bilong oli bin salim ol i go kalabus.

Nem bilong meri ya em Yongo Mondo. Dage Mitna Viles Kot long Simbu i bin salim em i go kalabus inap 84 wiks. Em i no bin bekim K840 kompens-

esen mani bilong man bilong em.

Dispela kot i bin kirap taim meri Mondo i lusim man bilong em long 1984. Na ol lain bilong man i bin kisim kot pepa long 1985 tasol Oda bilong go kalabus i bin kamap long Novemba 1988.

Arapela man i kisim taim long han bilong ol Viles Kot em Moki Nikints. Ulga Viles Kot i bin salim em i gokalabus inap 24 wik long taim man i grisim meri bilong arapela man long stap wantaim arapela man.

Viles Kot i bin askim long baim K250 kompensesen na tu K50 kot mani tasol em i no baim. Olsem na kot i salim em i go kalabus.

Butibat Viles kot long Baiyer i salim Kopa Kaipa i go kalabus inap 40 wik. Em i sakim toktok bilong Viles kot na i no baim K400.

Kot i kirap taim Kaipa i no baim pe bilong meri. Was papa bilong meri i askim long kompensesen bikos long ol helpim em i givim long meri taim em i liklik.

Jastis Wood i painim olgeta tripela kot i no inap kamapim kalabus. Viles Kot i ken helpim long stretim dispela hevi. Em i no samting bilong Viles Kot long salim ol man i go kalabus.

Em i tokaut olsem Pe bilong Meri (Braidprais) na Bekim Dinau em i no Kriminel. Olgeta samting em sivel. Ol man yet i ken stretim long pasin kastam. Na em i no samting bilong kalabusim ol man.

Stail bilong Tabubil



•Thoa Ravu bilong Mosbi i kisim taim long birua bilong Tabubil long Saten zon resis las wiken. Mosbi i win.

Lukim moa stori long Ragbi Lig Nius.

Hagai i primia yet o ?

LONG Tunde 16 Me i kam inap nau ol pipel bilong Morobe i no save husat i primia bilong ol.

Hagai Joshua i tok em i primia tru bilong Morobe provins na long wankain taim Jerry Nalau i tok em i nupela primia.

Tutumang i bin makim Mande 15 Me i taim bilong holim vot i nogat bilip long gavman bilong Mista

Hagai.

Tasol long Mande, Mista Hagai wantaim ol lain bilong em i no bin kamap long Tutumang. Ol i bin opim wanpela Tea Fektor long Garaina. Mista Joshua i no bin tokaut bilong wanem dispela kamap.

Long konstituensen bilong i go long pes 5

Spakman i bikhet



Wanpela spakman i bin laik soim strong bilong em long holim wanpela propela bilong Dash-8 balus. Dispela balus i ran namel long Tabubil to Mosbi.

Dispela spak man m wanpela pasindina em i bikhet long sindaun na pasin let sia. Olsem na ol i autim em. Em i belhat na traिम long stapim balus.


Ol boskru na wokman bilong Talair i bin traिम tasol i hat. Em i strong moa. Olsem na pilot i go singautim ol plisman long autim em. Ol plisman tu i kisim taim liklik ya. Tasol bihain em i sore na em i go bek na slip long Kiunga.




• Porgera gohet nau - pes 11



• Moa Soka Nius na piksa insait



Coleman
continental trading co. pty. ltd.
(associated with the theodor wille group hamburg west-germany)



KISIM WANPELA
NAU LONG...

EM I SAN BILONG NAIT

IPI - Bldg. P.O. Box 2020, Lae, Papua New Guinea
Tel: 42 5500 Telefax: 425867

Wanpela meri tu i putim nem

PLIS

Ripot



KIMBE - Wanpela pait i bin kamap namel long ol pipel bilong Galewale na Porapora long Wes Nu Briten long wikem.

Provinsal Plis Komanda i tok long Kimbe olsem pait i bin kamap long kros bilong graun. Em i tok i no gat sampela bikpela bagarap.

Komanda i tok dispela long wanem ol plis i bin stap klostu long stapim pait.

POT MOSBI - Wanpela man i dai bihain long em i pundaun long ka bilong ol plis long Fraide.

Plis ripot i tok dispela man wantaim pren bilong em i bin tokim ol plisman long Gordons olsem sampela man i brukim wanpela haus long OTC graun. Orait ol plis i tokim ol long kalap long plis ka na bai ol i go wantaim na painimaut.

Tasol dispela plis ka i kisim narapela ripot bilong wanpela trabel gen long Gordons.

Plis ka i tanim long go long Gordons tasol ol plisman antap long ka i kirap nogut taim tupela man ya i kalap.

Wanpela bilong ol i dai olgeta na narapela i ranawe.



• Kimela Ondalan (antap) i putim mak bilong em long tokorait pepa long Mosbi las wik. Long poto daunbilo ol arapela papa bilong graun i sambai long putim mak bilong ol tu.



Wantok i bin askim mi long go kisim ripot bilong bikpela de bilong ol lain Porgera we ol papa bilong graun i sainim agrimen. Dispela agrimen i stap namel long Nesenel, Provinsal na kampani Porgera Joint Venture (PJV), na ol papa bilong graun yet.

Mi wet i go i go inap 12 klok long belo. Mi pilim hangre tasol mi tok em i orait, apinun em pe de ya. Mipela i wet i stap na ol papa bilong graun i stat long kamap. Ol i 30 olgeta

Planti bilong ol i ran long Rent a Car, (Avis na Budget). Mi tok pilai long bos Neville. "Man, pipia bilong gol ya!"

Namel long ol man ya mi lukim wanpela meri tasol. Nem bilong em Kimela Ondalan. Em tu i papa bilong graun. Man bilong em i no gat graun. Em i laki em i gat graun na em tu i bin kamap long putim mak bilong em long pepa. Em i no save long rait.

Taim em i putim mak pinis long agrimen, mi bin askim em sapos em i amamas.

Mama Ondala i tok, em i amamas tru long ol toktok i kamap long agrimen. Em i laik gavman na kampani na ol papa bilong graun i mas wok wantaim. Tasol em i tok kampani i no ken giaman.

Em i gat bikpela wari tru long graun. Bikos man bilong em i no gat graun. Na ol i sindaun long graun bilong em.

Ondala em i wanpela meri tasol. Em i bilong Yangua wanpinis husat i papa bilong graun we Porgera gol main bai kamap.

Wok bilong Porgera nau i stat pinis.

Klinik i pas inap 3-pela wik

I LUK olsem no gat man o meri i laik save wanem taim bai ol i opim Gordons klinik long Mosbi.

Dispela klinik i pas inap tripela wik nau. Tasol i no gat wanpela toksave i kam long ol lain husat i lukautim dispela klinik.

Ol pipel bilong Gordons i mas painim narapela klinik long kisim marasin o pasim sua. Ol i ken go long ol klinik long 6-mail, Hohola na bikpela haus sik long Taurama.

Meri husat i bosim wok bilong ol klinik long Mosbi Dokta Reaia Taufa i sik na namba tu bilong em Mista Kopi i tok olsem Dokta Taufa yet i save

long taim Gordons klinik bai op gen.

Em i tok olsem nau ol wokman bilong Wok Dipatmen i stretim klinik, tasol em i no save wanem taim bai ol i pinisim wok bilong ol. Ol klinik long Nesenel Kapital Distrik i kam aninit long wanpela han bilong Provinsal Afeas Dipatmen. Na Dokta Taufa i lukautim ol.

Gordons klinik i bin pas bikos sampela hevi i bin kamap long ol toilet. Em i no bikpela toilet tumas, tasol tripela wik i pinis na ol i no stretim yet ol dispela hevi.


Ol nes na sista bilong klinik i wok yet long klinik tasol ol i givim marasin long ol lain husat i gat sik TB

tasol. Ol narapela sikman i mas go long ol arapela klinik long Mosbi.

Gordons em i namba wan klinik i stap namel long Hiritano Haiwe na bikpela haus sik long Mosbi. Olsem na planti sikman long Haiwe save kam kisim marasin long Gordons klinik. Tasol nau ol i mas go daun long Mosbi haus sik.

Planti sikman i ting olsem klinik bai op gen tumora, tasol tumora i kamap na klinik i past yet.

Ating bai gutpela sapos ol i tokaut long ol pipel bilong Gordons long wanem samting i kamap nau long Gordons klinik na long wanem taim ol bai opim klinik gen.



• Gordons klinik. Dua i op tasol yu no inap kisim marasin o pasin sua long hap. Poto JOSEPH KAU.

Tek Titbras

Bilong klinpela na strongpela tit na maus.

Brasim tit bilong yu wantaim Tek Titbras bai rausim ol hap kaikai i pas long tit na em bai pasim ol sua i no ken kamap long tit bilong yu.



TRADE MARK - J. & J. 1988 HRD 8823

Johnson & Johnson

Memba egensim stet ov imejensi

MEMBA bilong Porobere long Not Solomons provinsal-savman Aloysius Nake i tok stet ov emegensi i no gutpela long ol pipel bilong provins.

Em i askim nesenal gavman long lukluk gut long tingting bilong en bihain long em i wokim wanem samting.

"Mi ting olsem dispela stet ov emegensi i bilong lukautim kopa kampani. Gavman bilong tede i

wokim ol wok bilong em bikos BCL i stap," Mista Nake i tok.

Em i tok stet ov emegensi bai ino inap stretim hevi long Not Solomons. Mista Nake i tok gavman i mas bihain im tingting bilong ol Not Solomons pipel. Ol i laikim BCL i mas pas na ol plis na ami i mas lusim provins.

"Mi sori tru olsem gavman i lus tingting pinis long ol dispela tingting bilong pipel na nau em i wok long bihainim bilong em," Mista Nake i tok.

Not Solomons i laikim stet gavman

Ol pipel bilong Not Solomons i toktok strong nau olsem ol i laikim Stet Gavman. Na ol i tok Nesanel Gavman i mas senis na kamap olsem kain gavman bilong Australia ol i kolim Federel Gavman.

Provinsal Selekt Komiti i bin givim ripot bilong ol i go long Komes Minista John Bika long dispela wik. Na dispela ripot i soim olsem ol pipel i no wari tumas long bruk lusim Papua Niugini. Tasol bikpela askim bilong

ol em long Not Solomons i mas gat Stet Gavman. Na ol i mas gat moa pawa long mekim ol wok insait long provins.

Dispela ripot i tokaut olsem ol pipel i laik stap independen. Ol i no laik Nesanel Gavman i lukautim ol wok olsem edministrativ, ekonomi, fainens na tekseesen, foren tred, plis rejistresen, pablik sevis.

Tasol ol arapela wok

em ol i laik stap yet long Nesanel Gavman em Difens, Mani na Foren Eksens na Foren Polisi.

Ol mausman bilong wan wan komyuniti i bin kamapim dispela Selekt Komiti. Komiti ya i go raun na kisim tingting bilong ol pipel na kamapim ol tingting i ken helpim long stretim ol sindaun long bihaintaim.

Ol helpim i kamap long main em Haus,

pawa saplai, kamapim ol gutpela sosel sevis, kamapim ol wok, na tu kisim mani long profit bilong kopa main.


Ripot bilong Selekt Komiti i laik Nesanel Gavman i mas kamapim lo long stapim ol skwata setelmen, putim tambu long Fridom ov Muvmen na autim olgeta wokman bilong ol arapela provins i go bek.

Dispela ripot tu i no laikim dispela Leba Rikruting sistem.

Olgeta bisnis i mas go bek long han bilong ol Not Solomon. Na tu dispela ripot i laik BCL i no ken kirapim ol arapela bisnis. Ol i mas mekim wok bilong main tasol.

Ol pipel bilong Not Solomons i laik kisim 75 pesen long olgeta takis long ol samting i kamap insait long provins. Na wok bilong Tekseesen i mas go long han bilong ol provinsal gavman.

Taim Provinsal Gavman i oraitim dispela ripot ol bai salim i go long Nesanel Gavman.



Ya plis, Em husat! Sanguma o masalai i sindaun long hul bilong diwai na lukluk i stap. Long Goroka i narakain liklik. Taim san i pinis, Ren i save kisim ples bilong em. Hia yu ken lukim Avara i givim siksti i go na painim ples bilong hait insait long wanpela hul bilong diwai long Goroka taun. Poto na stori Sape Metta.

Ol memba sutim tok long Pangu

FOAPELA Oposisen memba long nesanel gavman i no bin amamas long wanem samting i kamap long Morobe provinsal gavman.

Ol i bin autim wari bilong ol long tupela hap pepa Wantok Niuspepa i kisim long Trinde 17 Me.

James Pokasui (Manus), Albert Kipalan (Wabag), na Parry Zeipi (Not Flai) i tok Pangu Pati tasol i kamapim ol hevi long Morobe.

Ol i tok Pangu Pati i bin stap baksait long Mista Jerry Nalau wantaim ol lain bilong em long rausim gavman bilong Mista Joshua Hagai. Ol i tok Timothy Bonga (Yut & Hom Afeas) na Peter Garong (Leba & Emploimen) i bin stap insait long dispela

hevi.

Tripela memba i tok Pangu Pati i wok long sapotim ol vot i no gat bilip long provins na long wankain taim i sutim tok long oposisen long kirapim ol hevi long nesanel gavman.

Ol i tok minista bilong Provinsal Afeas Pater John Momis i sapotim tu Pangu Pati long tingting long rausim provinsal gavman.

"Mipela i bilip olsem ol kot i mas go insait na traim long painim olsem Hagai i primia yet o nogat," ol i tok.

Namba foa memba Utula Sanama (Morobe Regional) i tok Mista Hagai Joshua i primia tru bilong Morobe provins.

Mista Samana i tok wanem samting Tutumang spika Aeron Meya i wokim i no stret long lo.

"Wanem samtin gutpela i wokim i bagarapim nem bilong yupela na ol pipel bilong Morobe bai inap bilip moa long yupela," Mista Samana i tok.

Em i askim tu Provinsal Afeas Minister Pater John Momis long sapotim gavman bilong Joshua na em i tok strong long Momis long noken bagarapim politiks bilong Morobe.

"Ol lida bilong Morobe inap long stretim ol hevi bilong ol yet, na Pater Momis i no ken kisim wanem samting i kamap long Bougainville i go long Morobe," Mista Samana i tok.

Mista Samana i tok tingting bilong Pater Momis long rausim provinsal gavman i soim minista i no save long wok bilong em.

Pe bilong bensin go antap

PRAIS KANTROLA Morea Vele i tok orait pinis long prais bilong bensin bai i stat go antap long 18 Me, 1989.

Dispela i kamap bihain long wanpela wok painimaut long prais bilong bensin long Janueri, Februeri na Mas bilong dispela yia.

Ol prais bilong bensin nau i stap olsem: petrol 1.7, disel 1.4, kerosin 2.8 na ges 1.5. Olgeta bai i go antap long ol dispela namba long wan lita.

Mista Vele i tok i gat ol sampela

samting i wokim ol dispela prais long go antap i stat long Desemba 1988 inap long Mas 1989.

Ol dispela samting ya em long prais bilong petrol i 9.0 pesen na ges 4.7 pesen Eksens ret tu i go antap long 2.5 pesen. Tasol freit bilong ol ovasis sip i go daun long 22.3 pesen.

Mista Vele i tokaut olsem ol prais bilong fiul nau ui stap olsem: petrol 42.7 toea long wan lita, disel 25.9 toea wan lita, kerosin 32.6 toea wan lita na ges 50.9 toea long wan lita.

To'o
TORO LAIK PROVIM WANEM NA GO LONG NOMADS KLAB!!!

EM I TING OLSEM WANPELA PORO BAI GIVIM EM LIFT I GO LONG HAUS BIHAIN OLIDRING PINIS...
PORO! YU LUSIM MI LONG HAUS BIHAIN A?
NO WARIS!

EM I SPAK NOGUT TRU...
DRINK AP!! (MCK) MI BAIM BIA... YU DRAIV MI GO HAUS!!
NO WARIS BRO... YU SAUTIM BIA!

PORO BILONG TORO TU I SPAK NOGUT TRU NA RONAWA LONG TORO...
BLARY (MCK) WETIM TORO LONG WANEM... MI GO!!

TARANGU TORO PAINIM PORO LONG KARIMEMI GO LONG HAUS... TASOL PORO I NO STAP...
GX?? MI BAIM BIA BILONG EM NAEM GX!!? LUSIM MI!!
NAU EM WOKABOUT I GO LONG HAUS...

HIA EM OLTOKAIT BILONG
WANTOK

Ol asples i mas klia gut

Bikpela hetpen bilong nesanel gavman na Porgera Joint Ventsa kampani i pinis nau. Las wik Fraide ol papa bilong graun i sainim tok orait. Na wok bilong kamautim gol bai stat nau long Porgera.

Ol asples i no amamas tumas long sampela likik askim bilong ol em kampani i no bin givim ansa long en. Tasol ol i luksave tu olsem bai bikpela senis i kamap long laip na sindaun bilong ol.

Husat ol lain i go pas long kamapim wok long nem bilong ol asples Porgera na Enga provins i gat bikpela wok i stap yet. Wanem kain ol toktok na kontrak na wok i kamap long dispela hap i mas kamap long helpim ol pipel. Ol pipel i klia long pasin bilong kisim bekim long askim bilong ol.

Dispela ol rot i ken bagarapim wok bilong kampani na gavman tu. Olsem na sapos yumi laik olgeta wok i gohet gut, orait mobeta ol pipel i luksave long wanem kain samting i kamap nau long dispela main. Nogut kain kain promis i kamap na long taim promis i no karim kaikai bai trabel i kamap.

Ol asples givim tokorait long timba

OL PAPA bilong graun long Blok 4 Eria long Vanimo Is Kos i no amamas tumas long wok bilong Vanimo Fores Prodaks. Ol i tok planti agrimen kampani i mekim pinis wantaim gavman bilong Papua Niugini i mauswara tasol.

Kaunsil bilong ples Ningra insait long Blok 4 eria William Abusi tokim *Wantok* olsem ol tok orait

olsem kampani bai i wokim Aitape/Vanimo rot i no kamap yet. Na ol liklik han rot i go insait long ol ples, wara saplai, stretim ol etpos, helpim long sanapim klasrum bilong ol skul na helpim pipel long wanem kain samting we kampani i lukim olsem em inap long helpim i no kamap yet.

Em i tok, "Kampani i gat laik mipela i givim ol tok orait long katim timba i go insait long Risev Eria na

wankain taim bai ol i wokim rot i go insait long ples Ningra. Mipela i no amamas long dispela bikos kampani i bin kalapim mak bilong ol em gavman i makim. Na ol i katim pinis timba i go insait long Risev Eria. Taim ol i bin katim timba ol i no wokim rot na watpo bai ol i askim mipela long tok orait long ol gen long katim timba long dispela hap na wankain taim bai ol i wokim rot".

Kaunsil abus i tok ol

i wetim yet wanpela miting ol i laik bai kamap wantaim ol bosman bilong Vanimo Fores Prodaks na Forestri Dipatmen long Vanimo.

Em i tok sapos ol i no amamas long wanem samting i kamap long dispela miting, bai ol papa bilong graun insait long Blok 4 eria i tok tok wantaim provinsal gavman long rausim kampani long taim ol i sindaun long lukluk gen long agrimen bilong Vanimo Fores Prodaks.

Tasol Ekting Asisten Seketeri bilong Fores Divisen long Vanimo Mark Martin i tokim *Wantok* olsem ol papa bilong graun long ples Ningra i kamapim pinis tok orait insait long wanpela miting wantaim ol opisa bilong Forestri na Vanimo Fores Prodaks long 12 Me. Na ol i orait long larim kampani i katim timba na wokim rot em op bilong em bai inap 20 mita i go insait long Risev Eria na kamap long ples.

Sandaun stretim yet mani ripot

TRIPELA yia olgeta Opis bilong Odita Jenerel long Mosbi i wok long wetim Sandaun Dipatmen long stretim mani ripot bilong 1986 na salim i go long opis bilong em.

Bihain long dispela ripot bilong Odita Jenerel, Minista bilong Provinsal Afeas, Pater John Momis i bin askim Primia bilong Sandaun Egbert Yalu long hariap na stretim

1986 mani ripot bilong provins. Na salim i go long opis bilong em (John Momis).

Ripot i kam long Vanimo i tok olsem ol gavman opisa nau i wok hat tru long stretim dispela mani ripot bilong 1986 long salim i go long opis bilong Provinsal Afeas Minista.

Mani ripot bilong ol narapela yia i stap pinis long opis bilong Odita Jenerel long Pot Mosbi

Kilage i patron bilong Lo Komiti

GAVANA Jenerel bilong Papua Niugini, Sir Ignatius Kilage i petron bilong PNG Law Awenes Komiti. Siaman bilong komiti, Ted King i bin askim Sir Ignatius Kilage long kamap petron bilong Komiti. Sir Ignatius i tok em i amamas long mekim

dispela wok. Bikos em i luksave long bikpela wok komiti i mekim nau long daunim hevi bilong lo na oda insait long kantri.

Em i tok Komiti i ken mekim wok bilong helpim na daunim dispela hevi. Tasol em i samting bilong wan manmeri insait long komyuniti long givim han.

Ol bikman lukim kem



• Ol bikman long dispela poto long lephan i go raithan em Ambasada bilong Frans, Ambasada bilong Amerika, Hai Komisina bilong Nu Selan, narapela bikman na depiti hai komisina bilong Australia. Poto IAN KAKARERE.

Wantok

P.O. Box 1982, Boroko.

Telephone: 25 2500,

Teleks: NE22213, Faks 25 2579.

PE BILONG WANPELA YIA, 52 NIUSPELA

PLES	AIR
Port Moresby	
PNG	K31
Australia & New Zealand	K78
Asia/Japan	K109
Amerika & Europe	K140

Printed and published by Anna Bernadette Solomon, of Bitten Place, Gordons, at Allotment 2, Section 209, Hohola.



PTC givim K2.5 milien long gavman

POS na Telekomunikesen Kopresen (PTC) i givim pinis K2.5 milien i go long Nesanel Gavman. PTC i givim dispela mani long Trinde (17 Me).

Dairekta bilong Riliesen bilong PTC Dale Kamara i tok 1989 bai kamap gutpela yia. Em i mekim dispela toktok taim em i givim dispela mani i go long Deputi Seketeri bilong Fainens na Plening, Rupa Mulina. Ol bai givim hap mani long Novemba long dispela yia.

Dispela mani K2.5 milien em hap pe bilong 1988. Mani ya i kam yet long profit em PTC i bin

wokim las yia.

Mista Kamara i tok man em PTC i save givim i go long Nesanel Gavman i wok long go antap. Long 1975 PTC i baim K700,000, na long 1986 em K2.0 milien, 1987 PTC i tromoi K3 milien na long 1988, PTC i bin givim K3.9 milien.

Em i tok PTC i bin givim moa long K32.5 milien stat long 1983. Ol dispela mani em kain kain ol takis em PTC i save kisim mani long en.

PTC i wokim bikpela mani bikos i bin gat gutpela sevis namel long Telecom na Postal Sevis.

Ol wokman bilong BCL kisim bagarap

OL WOKMAN bilong wanpela kampani i winim kontrak long Panguna i bin kisim bagarap. Ol man i bin sutim ol long banara.

Long Mande, sam-pela wokman i bin

wok long Sauten eria bilong bikpela main. Ol man wantaim banara, gan i bin sutim ol na tupela i kisim bagarap na go long haus sik.

Bihian liklik tripela ol yut i kukim wanpela ka na tu ol i

askim sampela wokman long lusim dispela ples. Ol i askim ol wokman long lusim dispela ka.

Kampani i bin autim ol dispela wokman na i putim ol long narapela hap. Na long belo, kampani (BCL) i

bin askim ol plisman na Difens long dispela birua i kamap long ol.

Na long Mande apin-un yet, ol memba bilong Bougainvil Workers Union i vot na stapim olgeta wok long main. Ol i vot long Tunde.

Kampani i bin kibung wantaim ol lida bilong Yunion long Tunde na tu Trinde (aste), dispela stap wok bai stap yet inap Fraide moning.

BCL i bin stretim olgeta wok sekyuriti long Panguna main.

Olgeta wokman i stap long bus nau i bin kamap pinis na stap klostu long bikpela eria.

Mausman bilong kampani i tokaut olsem bai i nogat ol birua i kamap long ol wan wan man.

Vot i no gat bilip long Dako

PRIMIA bilong Wes Nu Briten i tok asde Trinde 17 Me olsem em i no sapotim tru dispela vot i no gat bilip long namba tu bilong em.

Mista Lawrence i mekim dispela tokok bihain long memba bilong Vitu, Baldwin Mahoney i muvim vot i no gat bilip long deputi primia John Dako long Tunde 16 Me.

Mista Mahoney i tok John Dako i no save long wok bilong em. Na Mista Mahoney i makim memba bilong Nakanai, Dennis Galia long kisim ples bilong Mista Dako.

Tasol Primia Lawrence i tok em i ting olsem ol nesener memba bilong provins i bin kirapim tingting bilong Mista Mahoney long muvim dispela vot.

"Mi bai i no inap sapotim dispela mosen. Bai mi sanap strong long sait bilong deputi bilong mi. Mi bilip olsem mi gat namba long rausim dispela mosen," Mista Lawrence i tok.

Kas bilong papa na pikinini

pela yia long Nesenel Ats Skul na kisim hap pepa ol i kolim diploma long 1989.

Em i tokim *Wantok* olsem ol wok bilong i

soim ol stori na ol samting tumbuna.

Dispela em i wanpela pasin mipela i ken strong tingting bilong ol yangpela

long ol pasin tumbuna.

Ol droing bilong Chris na papa bilong em i stap long so long Nesenel Ats skul nau.



WANPELA papa na pikinini bilong Simbu provins i brukim rekot pinis na kamap nambawan lain long bung na autim ol droing bilong ol long Papua Niugini.

Dispela lain em papa Mathias Kawage na pikinini man bilong em Chris.

Mathias em i wanpela lapun bilong autim kain kain droing long Papua Niugini na ol ovasis tu.

Tasol dispela em i nambawan taim pikinini bilong em Chris i autim ol droin bilong em.

Chris i no kisim bikpela save long skul. Em i pinis long gret 4.

Papa bilong em Mathias i bin pinis long gret 3.

Mathias yet i bin strongim pikinini bilong em long kisim savel long Nesenel Ats Skul.

Ol pipel husat i lukim ol droing bilong Chris i tok olsem em i gat namba tu.

Chris i bin stap 4



• Ol pipel i baim ol droing bilong Mathias Kawage (long raithan) long Nesenel Ats Skul.

Ol Panguna asples tok ol i nogat tok

OL PAPA bilong graun long Panguna i tokaut pinis olsem ol i no save long wanem samting i kamap long ol ami long Sipuru long wiken.

Namba tu sekreteri bilong asosiesen Philip Miriori i tok em i no bili ol paitman bilong Panguna i kamapim dispela

hevi. Em i tok "Panguna i longwe long Sipuru. Na ol papa bilong i no ken kisim hevi long dispela birua. I luk olsem dispela em i wok bilong ol arapela lain man."

Mista Miriori i mekim askim bilong em i go long ol lida bilong Kongara Namba 1 na 21long tokim ol yangpela

long noken mekim dispela kain pasin.

Em i tok ol dispela hevi bai i bagarapim dispela bilong gavman long dispela helpim. Mista Miriori i askim tu ol bikman bilong Not Solomons lon luksave long dispela bikos em no inap helpim ol papa bilong graun tasol, em bai helpim olgeta pipel bilong provins.

Hagai i primia o?

i kam long pes 1

Morobe provinsal gavman bai no gat miting long Tunde. Tasol long dispela as tasol Tutumang i bin bung ken na spika i askim Mista Joshua wantaim ol minista bilong em long kamap.

Spika bilong Tutumang Aeron Meya i rausim Mista Hagai wantaim 13 memba bilong em na stapim miting bilong Tutumang inap long tripela mun. Na em i makim memba bilong Yabim Mopoa Jerry Nalau olsem primia.

Tasol wanpela mausman bilong Joshua Hagai i tok dispela vot i no gat bilip bai i no inap wok.

Em i tok long wanem konstituensi bilong Morobe i tok sapos Nalau i laik rausim Joshua, em i mas gat

24 memba na i go antap. Nau long dispela taim Joshua i gat 13 na Nalau i gat 22 memba.

Morobe i narakain konstituensi olgeta. Em i narakain long ol esem-bli ileksen bilong ol narapela provinsal gavman na nesanel gavman wantaim.

Mista Samana i wokim dispela konstituensi taim em i stap primia bilong Morobe provins.

Tupela nesanel memba bilong Morobe Timothy Bonga na Peter Garong i tok Mista Joshua i wok long bihainim wanem samting Mista Samana i bin wokim bipo.

Tupela i bin askim Provinsal Afeas minista Fr John Momis long rausim Morobe provinsal gavman.

SKELIM TOK...
Josephha Namsu



Sande 14 Me i de bilong ol mama. Em i wanpela kastam bilong ol waitman i kam pas nau olsem kastam bilong PNG nau.

Long dispela de olgeta man, meri na pikinini i mas tingim na amamasim mama bilong ol.

Ol waitman i save kirap kwik long moning taim na redim brekfes bilong famili, na larim mama i silip na no ken wari long kuk. Ol i save givim presen long ol mama long soim amamas long mama.

Mi harim tripela kain amamas pasin i kamap long dispela de we mi pilim mining bilong amamas de i kamap tru.

Wanpela Papua Niugini famili i bung wantaim na baim wanpela ges stov na karim i go long ples na givim long mama bilong ol. Mama ya i amamas long em i gat planti bubu na planti ol pikinini na ol tambu bilong em.

Dispela bung wantaim pasin long dispela spesel de i strongim famili bilong mama ya i stap pas wantaim olsem wanpela family tru.

Wanpela mama, i no tingim em yet. Em i tingim ol narapela mama, na helpim long kamapim wanpela bikpela bung wantaim bilong kaikai na danis.

Mama ya i gat liklik bebi i sik nogut tru. Maski nau, mama ya i stap bek long haus na was long bebi bilong em, na i no go long dispela bikpela bung bilong amamasim ol mama.

Long ol dispela kain hatwok na sakrifais em ol mama i save mekim long ol pikinini, i save kamap oltaim. Maski sapos Praim Minista o Kwin i singautim mi long i go long dispela bung, sapos pikinini i sik, mama tru bai i stap wantaim pikinini long haus.

Na tu stori, planti ol pikinini bilong yumi i lusim mama na papa tru na i go long wok o skul long narapela ples. Tingting bilong ol pikinini i go pas long mama long dispela de.

I mas ol mama yet i ken luksave long ol kain pikinini olsem na traime mekim ol no ken wari tumas long mama bilong ol yet.

Wanpela ol grup mama bilong narapela provins i singautim na bungim ol pikinini bilong provins bilong ol husat i stap long Yunivisiti hia long Mosbi long kam amamas wantaim ol long bung bilong ol mama.

Ol lain sumatin i katim tru lewa bilong ol lain mama taim ol i kamap wantaim tupela mamas De Keik long makim nem bilong ol pikinini Is na Wes Sepik long amamas ol mama bilong Is na West Sepik husat i stap long Mosbi.

Em ol dispela tripela stori i soim tru mining bilong mama na mining bilong pikinini olsem yumi olgeta i gat mama, gutpela o nogut, naispela o pes nogut, bilakpela o waitpela, mama i spesel meri.



AMSTERDAM Holan - Ol sekyuriti i sekim ol pasindia husat i laik kalap long ol balus long Amsterdam ples balus. Ol sekyuriti i sekap bihain long ol i bin lukim wanpela TV ripot i soim wanpela pasindia i karim wanpela giaman bom i go insait long balus.



BONN Wes Jemani - Ambasada bilong Cameroun long Wes Jemani Jean Melaga (raithan) i bungim presiden bilong Wes Jemani Richard von Weizsacker. Tupela i bin bung long wanpela bung bilong ol ambasada long Bonn.



WASHINGTON Amerika - Wanpela wokman i rausim plak bilong Ijip na putim plak bilong Israel. Long dispela taim presiden Hosni Mubarak bilong Ijip i lusim Amerika na Praim Minista bilong Israel, Yitzhak Shamir i kamap.

Rasia poromanim Saina gen

LONG Tunde 16 Me, Presiden bilong Rasia Mikhaïl Gobechev i go long Saina. Dispela i brukim belkros na birua i stap namel long dispela tupela bikipela komis kantri inap long 30 yia olgeta.


Las yia Foren Afeas Minista bilong Rasia i bin go lukluk raun long Saina tasol dispela raun bilong Gor-

bachev em i autim tru tingting bilong Rasia long kamapim gutpela sindaun wantaim Saina na ol arapela kantri long wol.


Taim Mista Gorbachev i bin kamap lida bilong Rasia em i bin kamapim planti tingting long poromanim ol arapela kantri long wol. Dispela tingting yet i mekim em i poromanim gen Saina.

Wanpela mausman bilong Gorbachev i tok olsem i laik toktok wantaim ol bikman bilong Saina na tu em i laik toktok wantaim ol liklik lain.

Long dispela taim tu ol studen long Saina i mekim wanpela bipela protes mas long soim olsem ol i laik senisim komis gavman. Ol i laik Saina i kamap wanpela demokratik kantri.



PASHAWAR Pakistan - Lida bilong ol rebel paitman bilong Afganistan Sibghatullah Mojaddidi i bekim ol askim bilong ol ripota long wanpela bung. Ol i mekim ol toktok long kamapim nupela gavman bilong Afganistan nau.



DARMSTADT Wes Jemani - Tupela haus lotu bilong ol Juda long Wes Jemani. Daunbilo em nupela haus lotu long Darmstadt. Antap em haus lotu long Essen. Ol i bin bagarapim dispela haus lotu long taim bilong Namba tu Wol Woa. Ttasol ol wokman i bin sanapim gen.

Takeshita lukluk raun long ASEAN

PRAIM MINISTA bilong Japan Noburo Takeshita i pinisim lukluk raun bilong em long 5 pela kantri i stap insait long long Asosisen bilong ol kantri long Saut Is Asia (ASEAN) las wik (7 Me).

Mista Takeshita i bin raun long Malaysia,

Tailan, Indonesia, Filipins na Singapo na i bin toktok wantaim ol lida bilong dispela kantri long strongim ol wok bilong stretim sindaun bilong ol pipel insait long Saut Is Asia.

Ol bikpela toktok bilong em wantaim ol lida bilong ol dispela kantri em long strong ol kain kain wok namel long Japan na


ol dispela kantri na lukluk tu long ol samting i kamap long Asia Pasifik rijon.

Long dispela taim ol hevi i kamap yet long Kambodia na Mista Takeshita i bin toktok wantaim ol bikman bilong Tailan long stretim ol dispela trabel. Ol i bin pasim tok long helpim Kambo-dia i kirap gen bihain long ol hevi i bin

kamap long hap.

Long Malaysia Mista Takeshita i oraitim sampela toktok long larim o studen bilong Malaysia i go skul long Japan.

Mista Takeshita i bin pasim tok tu wantaim Presiden Sohar to bilong Indonesia na Presiden Aquino bilong Filipins long sampela helpim Japan i givim long ol.



BERLIN Wes Jemani - Wanpela mausman bilong gavman, Friedrich Ost i opim wanpela so i soim ol poto bilong ol wok i kamap long Jemani bihain long Namba tu Wol Woa. Liklik poto i stap baksait long em i soim ol meri i wok long biktaun Berlin.



BONN Wes Jemani - Meya bilong Bonn, Hans Daniels i kisim wanpela posta long mausman bilong wanpela lain i lukautim wok bilong amamasin 2,000 yia bilong Bonn siti Dieter Bebecke.

Ol Palestain rausim plen

Ol bikman bilong ol Arab long ol ples Israel i lukautim i no amamas long wanpela plen gavman bilong Israel i bin kamapim long stretim ol trabel i bin kamap namel long ol Arab na ol Israel.

Ol mausman bilong ol Arab i bin tokim wanpela bung wantaim ol bikman bilong Israel olsem dispela plen i no inap kamapim wanpela kantri bilong ol Palestain.

Las wik ol bikman bilong Israel i bin tok olsem olgeta pipel bilong Israel bai laikim dispela plen tasol ol i no save long tingting bilong ol Arab.

Praim Minista Yitshak Rabin i tok olsem dispela em i rot bilong statim wok long givim ol lain Palestain wanpela hap graun ol i ken kolim kantri bilong ol.

Ol trabel i kamap long Israel i kamap bikos ol palestain i tok olsem graun ol Israel i stap em i graun bilong ol.

Ol Israel i bin strong na rausim ol Palestain long dispela graun.

Praim Minista Yitshak i tokim ol lida bilong ol Palestain olsem sapos ol i no oraitim dispela plen em bai yusim ani bilong Israel long stapim olgeta trabel i kamap long hap nau.



AFRIKA - Dispela Poto i soim wanpela liklik meri i gat sik smolpoks. Dispela sik i pinis olgeta long wol. Tasol i gat ol arapela sik i stap yet long wol na Wol Helt Ogenaisesen (WHO) i pait yet long stapim olgeta.

SHOWA ARCO Solar  solar energy systems png pty ltd Ph: 25 3555



Leopard Lam na Ol Liklik Paket Lait i stap long ol lain i save salim ol samting bilong Solar Energy Systems i stap long lis bilo. Solar Frisa Kit, TV, Vidio Kit na Redio Kit tu i stap.



9810

Distributed by **HiTRON Pty Ltd** PH: 72 2311 (Goroka)

HiTRON c/o R.H.C.T.V. PH: 92 2995 (Rabaul)

ELECTRICAL WHOLESALERS Pty Ltd. PH: 25 6066 (POM)

Salim buai long maket tasol

Dia Edita, Mi wanpela manki bilong Nembileto, Mendi long Saten Hailans. Tasol nau mi stap long Kundaiwa insait long Simbu Provins. Mi lukim olsem ol kaunsil long Kundaiwa i no wok gut tumas. Long wanem planti man i save kaikai buai na spet nabaut na bagarapim taun. Mi bin lukim olsem buai tasol i wokim na taun na i bagarap.

Long stapim dispela pasin ating mobeta ol i salim buai insait long maket tasol. Olsem na ol kaunsil i mas wok strong long putim wanpela lo bilong stapim ol manmeri i salim buai autsait long maket. Em tasol liklik wari bilong mi.

Michael Kupi, Grace Baptist Church, Box, 89, Kundaiwa.

Painim penpren

Dia Edita, Nem bilong mi em Janet Kos na mi gat 17 krismas. Mi laik wokim penpren wantaim wanpela manki long PNG. Mi save laikim penpren olsem na mi raitim dispela pas long Wantok Niuspepa. Ol hobi bilong mi em

raitim pas, ritim buk, pilai basketbal wantaim voliball na stori long ol pren. Tenkyu tru long putim nem bilong mi long pepa.

Janet Kos, Kiam Nasarin Sios, P.O.Box, 456, Mt Hagen, W.H.P.

Rausim NSP gavman

Dia Edita, Mi laik autim sampela toktok ya taim mi stap long Not Solomons provins. Ol asples man i no singaut long mani long graun bilong ol.

Mi givim ful sapot i go long ol asples man. Tasol gavman bilong Rabbie Namaliu i no stretim kwik na ol samting bilong kampani i bagarap. Arapela samting tu em planti man i dai pinis.

Mi laik gavman i mas senis. Sapos yumi wet liklik moa bai bikpela woa i kamap. Mi harim olsem Primia Kabui bilong Not Solomons i laik bruk lusim PNG. Ol i laik rausim tripela grup CRA, ol plisman na ami na ol retskin.

Dispela kain pasin i no gutpela tumas. Olsem na Nesenel gavman i mas saspending Not Solomons gavman. Na nesenel gavman yet i mas lukautim provins.

Mark LD, Panguna Kem, Not Solomons.

Skelim gut tingting pastaim

Dia Edita, Mi laik bekim pas bilong Ijap Luap bilong BCL. Pas bilong em i bin kamap long Wantok namba 1773. Em i askim long stretim wari bilong asples.

Em i bin tok olsem gavman i mas baim K10 bilien i go long lain bilong Francis Ona.

Mi laik Luap i mas save, PNG i no gat inap mani. Baset bilong em i bin kamap long K1 bilien tasol. Em i tok long Australia long helpim tasol Australia i gat ol wari bilong ol yet.

Mista Luap i no ken ting mirakel bai kamap long heven na pinisim wari bilong yu. Planti ol pipel i bin kisim bagarap long haus na tu gaden bikos long ol sapota bilong Ona tasol.

Sapos yu laikim kompensesen orait askim long gutpela spirit. Yu mas tingting long ol narapela lain wantok na meri na pikinini bilong yu tu.

Sapos yu man tru na laik defendim graun bilong yu, no ken wokim dispela pasin long hait. Kam long ples klia na pait. Yu mas soim strong bilong yu long ai bilong ol ami. Na maski long hait olsem ol kidam long bus.

Yu bin tok olsem ol ami i kam na ples i bagarap. Ol i kam bikos long rong bilong ol pipel. Ol ami i no kam long mekim wanpela samting. Ol i laik kam stretim tasol birua i wok long kamap namel long tupela lain.

Las toktok bilong yu, yu bin skelim ol bikman. I no gat wanpela bikpela i stret. Olgeta man i wankain tasol long dispela graun. Ol i man bilong mekim asua.

John Mathias Kange, PNGDF IRPIR, Taurama Barracks, FMB, Boroko.

Bilas gut na kam wok


Dia Edita, Mi laik autim wari bilong mi long Wantok Niuspepa. Mi no amamas tumas long ol kain klos ol man i wok long ol haus kaikai i save putim. Ol i save putim ol doti siot na trausis na kam wok.

Ol bai i tuhat nogut tru tasol ol i no save wari long ol kastoma bilong ol. Dispela kain pasin i no gutpela tumas long bikpela siti olsem Mosbi.

Sampela long ol dispela stua em long 4-mile bas stop, ol narapela long 4-mile trefik lait, Kone Lowes Road, Snuka Haus stua na ol narapela nabaut long sitit.

Plis yupela i mas waswas gut na putim gutpela klos na kam wok. Mi no lukim ol dispela stua i senis liklik olsem na mi raitim dispela pas.

Savuta Inaieva, Kosi Express, Box, 568, Boroko, NCD.



Tenk yu Primia Lain

Dia Edita, Mi makim maus bilong sampela lain Enga i stap long Not Solomons na mi laik tok tenk yu long primia Ned Lain long stretim wari bilong ol pipel bilong Enga. Mi laik tok tenk yu tu long ol nesenel,

memba Tom Amaiu, Albert Kipalan na Masket Iangalio long sapot bilong yupela.

Hat wok ol dispela lain i mekim i no bilong stretim sindaun bilong ol pipel bilong Enga tasol. Ol i helpim olgeta pipel bilong Papua Niugini.

I luk olsem ol pipel bilong Enga na Papua Niugini bai kisim gutpela kaikai long Porgera Joint Venture (PJV) nau.

Mi ken tokim yu, Mista Lain olsem hatwok bilong yu i no inap lus nating. Ol pipel i luksave pinis.

Na mi ken tokim yu olsem yu no inap hatwok long sanap gen long provinsal gavman long bihaintaim.

T E Lemben, Tapunda Konomanda, P O Box 303, Arawa, NSP.

Gabensis i dia tru

Dia Edita, Mi wanpela manki Gabensis long Wau long Morobe Provins. Mi no amamas tumas long ol prais bilong ol samting nau long ol stua. Ol prais bilong ol samting nau i go antap tumas.

Ol samting olsem rais 90t, sugar K1.40, bikpela tinpis 50t, bikpela smok K1.80 na liklik 90t na ol bisket 40t. Man ating ol man long Gabensis i ris tru ya.

Ol sampela stua long ol narapela hap i go daun tasol long Gabensis i go antap tru. **Jonathan Aroma, Gabensis Village, Lae Wau Dusty Road.**

Painim singsing o?

Dia Edita, Mi wanpela manki Sepik tasol mi stap long Not Baining long Is Nu Briten provins.

Mi laik toktok liklik pastaim olsem i go long stua bilong Chin H Meen long Rabaul. Mi harim wanpela singsing em i kam long Mobia na singsing bilong em. Pater i wasim em nem katolik Juliana.

Mi laik tok olsem lotu Katolik i no kamapim dispela singsing. I luk olsem ol ben memba i mas painim singsing. Plis tingting gut pastaim na brukim singsing.

Husat man o meri i laik sapotim pas bilong mi orait rait long Wantok na mi ken ritim.

Emmanuel Hubert, P O Box 326, Rabaul, ENB.

Rausim kefiu long NSP

Dia Edita, Mi no amamas tumas long dispela kefiu ol i kolim "Tampara 89" em i amap nau long ol taun bilong Not Solomon provins. Bikos ol plisman husat i kari-maut dispela kefiu i no mekim gut wok bilong ol.

Ol plisman i save olsem PNG em i wanpela kristen kantri. Tasol ol yet i save bagarapim na brukim lo bilong kantri long kain pasin olsem.

Long Mande 30 Janueri, ol plisman i paitim wanpela lapun man na studen. Na long dispela de yet, sampela plisman i go antap long Kongara eria na pait wantaim ol man long hap.

Ol plisman i mekim bikpela rong stret long go long dispela eria. Bikos dispela eria i no stap insait long eria em gavman i putim kefiu long en.

Yupela ol plisman husat i mekim dispela i mas yusim het bilong yupela long lukautim lo na

oda insait long kantri.

Dispela kain pasin i soim olsem yupela i no fit long mekim gut wok bilong yupela. Long kain pasin tasol na raskol pasin i bikpela moa insait long kantri. Bikos yupela i no save mekim gut wok bilong yupela long helpim daunim hevi bilong lo na oda.

Long lukluk bilong mi ating gavman i mas stapim kefiu "Tampara 89". Dispela kefiu i karamapim taun eria, Toniva, Kieta na Arawa.

Kefiu i mas stap long wanem dispela i stapim fridam bilong ol manmeri na pikinini husat i no gat rong.

Sapos ol plisman laik holim pasim Francis Ona orait oli mas go antap long Mt. Bagana na painim em. Na maski long hambak nating long yunifom wantaim sotgan na-raun nating long taun eria.

Nickel Havini, Pokseco Express, Kieta - NSP

Dia Edita, Mi laik autim bikpela wari bilong mi i go long ol bikman bilong mipela olsem Michael Somare, Sir Julius Chan, Paias Wingti, Rabbie Namliu na ol arapela memba long palaman.

Yupela ol memba i save lus tingting olgeta long mipela ol gras rut pipel husat i save stap long bikbus tru na long ol liklik Ailan. Mipela ol dispela pipel i save painim hat stret long lukim pes bilong mani.

Yupela i save lus tingting olgeta long mipela na tingim sindaun bilong yupela tasol. Yupela i kamap bos na sindaun long opis na raun long gutpela ka na balus olgeta taim. Yupela mas lus tingting long pilai politik na tingting long developim bilong mipela.

Oposisen na Gavman i mas wok bung wantaim na developim kantri bilong mipela. Rot em wanpela bikpela samting bilong bringim developmen i go long ol rurel eria.

Bikos rot i ken amamasim ol pipel bai ol i tingting long wok bisnis. Na tu rot bai mekim isi long ol pipel i salim kaikai bilong ol long maket na ol kain samting olsem.

Bikpela as long wari bilong mi em gavman i mas lukluk na stretim sindaun bilong ol

Ol pipel laikim rot

pipel long rurel eria. Bikos hia em we planti populesen bilong kantri i stap long en.

Olsem na rot em wanpela developmen gavman mas lukluk pas long en. Na bihain long rot em Helt sevis na skul.

Mipela ol pipel i save baim takis nating i go long Gavman. Inap long Gavman i yusim dispela mani long bringim moa developmen we i ken kamapim planti wok insait long kantri?

Bikos nau yet planti Gred 10 studen bilong mipela i save stap nating bikos i nogat inap wok.

Ol dispela yangpela manki i save stap nating na mekim raskol pasin insait long kantri. Olsem na raskol pasin i kamap bikpela nau insait long kantri.

Dispela em wanpela samting gavman i mas lukluk moa na stretim hariap.

Em tasol wari bilong mi. Yu husat man o meri i laik sapotim o egensim pas bilong mi orait rait tasol long Wantok niuspepa bai mi lukim.

Amo Lai Longap Parage, P.O. Box 569, Arawa-NSP.

SPESEL BILONG OL KOPI BAIAS K500 KES MONI BEK



TRADIM NAU LONG WANPELA
STRONGPELA NA NIUPELA
TOYOTA STOUT IKAM LONG
ELA MOTORS MT HAGEN NA
BAI YUMI TU BAI GIVIM YU
EKSTRA K500 KES MONI BEK !

Dispela spesel istap long ol dispela stok
tasol inap long 30, Jun, 1989.

Makim nambawan kopi trak insait long
PNG TOYOTA STOUT. Wok gut tru
insait long PNG long OVA 25 KRISMAS!

ELA MOTORS TOYOTA

WILS BILONG OLGETA HAP LONG PNG

RINIM 521888 • 521885. PHIL ARMSTONG • JOE UNAGE • CONRAD WETTEO • MICHAEL MACKAY • JOE TEP • FRANCIS GUNUA • KASPAR KAPI.

MEMBA BILONG BURNS PHILP (PNG) LIMITED

Sotim taim bilong wetim NPF mani

Dia Edita,
Mi no amamas long tingting bilong ol bikman bilong NPF long kamapim ol haus bilong ol memba long Mosbi. Planti memba bilong NPF i no stap long Mosbi.
Olsem wanem long mipela ol memba bilong NPF long ol arapela hap bilong kantri? Bai yupela helpim mipela long kamapim ol haus bilong mipela tu o nogat? INap yupela ol

bikman bilong NPF i bekim dispela askim bilong mi?
Narapela samting em ol bikman bilong NPF i mas givim tok orait long ol memba long olgeta mani bilong ol taim ol i pinis wok. Ol memba i save wet longpela taim tru na dispela i no gutpela tumas.
Sapos wanpela memba i dai long taim em i wetim mani bilong em, hatwok bilong em bai lus nat-

ing. Yupela i mas tingim dispela na traime na sotim taim liklik.
Yupela mas save olsem dispela em i no mani bilong ol bikman bilong NPF o mani bilong gavman. Em i mani bilong memba. Sapos mi wanpela memba i laik kisim, orait mi ken kisim. Bikos em i mani bilong mi.
**S.T. Anian,
P.O. Box 168, Lae.**

Skelim tok pastaim

Dia Edita,
Mi wanpela manki bilong Mendi insait long Saten Hailans provins. Tasol nau mi stap long Hagen.
Mi laik bekim pas bilong brata John Liruru Ruri em i bin kamap long Wantok Niuspepa.
Brata Ruri i tok olsem hevi bilong ol trabel em i kamap insait nau long kantri i bilong ol olupela

gavman. Ating dispela toktok bilong brata ya i no tru.
Olsem na neks taim yu mas skelim gut ol samting na raitim pas i go long Wantok Niuspepa.
Em tasol liklik toktok bilong mi.
**Michael Pili Nu,
P.O. Box 1021,
Mt Hagen-WHP.**

Painim gol bagarapim ples

Dia Edita,
Mi wanpela boi Sinasina long Simbu provins tasol nau mi stap long Goroka, Isten Hailans Provins.
Mi harim olsem ol i painim planti gol long Porgera na tu long ol arapela liklik ples long kantri. Ol manmeri na pikinini wokhat tru long painim gol. Ol i brukim graun, katim gras diwai, daunim ol maunten na bagara-

pim wara long dispela wok.
Planti lain husat i mekim bikpela wok long gavman na tu long ol bisnis i lusim wok bilong ol long go na painim gol. Ol dispela pasin i gutpela o wanem?
Mi ting olsem dispela em i no gutpela pasin bikos yumi bagarapim ples bilong yumi na sindaun bilong yumi. Graun, diwai, gras, maunten

na ol enimal i stap na kantri bilong yumi i stap. Na ples i luk nais stret.
Gutpela wokman bilong gavman i lusim gavman long painim gol na wok bilong gavman i no inap ron gut.
**Joseph Nimey
St Mary's
P.O. Box 662,
Goroka.**

Pasin bilong jeles nating

Dia Edita,
Mi save lukim planti ol maritmeri i save jeles nating long singel meri.

Long taim meri bilong wanpela man i harim liklik toktok tasol, em i save kirap i go long pait wantaim narapela meri ya. Dispela kain pasin i strong tru long hap bilong Hailans. Tasol ol arapela provins tu i save gut long dispela kain pasin.

Pasin bilong jeles na pait nating i no gutpela. Bikos planti taim ol maritmeri i save karim naip i go na sutim nating narapela meri o man bilong ol yet.

Tingting gut pastaim bipo long yupela i pait. Bikos dispela jeles pasin i save kamapim pait tu namel long ol wanpisin. Wanpela meri tasol i jeles na bringim pait i go insait long ol ples. Mekim olsem na planti ol manmeri i save kisim bagarap.

Mi bilong ples Lufa long Isten Hailans tasol nau mi stap long Mosbi.

**Savuta Inaeva,
P.O. Box 568
BOROKO**

Sapotim askim bilong ol asples

Dia Edita,
Mi sapotim singaut bilong Francis Ona olsem watpo na Nesenel Gavman i no stretim hariap askim bilong em.

Ona i laikim BCL i mas givim gutpela kompensesen mani long graun we Panguna Kopa Main i sanap nau.

Francis Ona em i wanpela papa bilong graun. Na em wantaim ol arapela papa bilong graun i no amamas tumas long hamas mani ol i save kisim nau long dispela main.

Bikos mani ol i kisim nau i go inap taim olgeta kopa long graun i pinis bai i no inap bikpela tumas. Olsem na dispela em i wanpela bikpela wari o askim bilong ol.

As bilong dispela hevi i stap long Nesenel Gavman. Bikos gavman i no kamapim gutpela agrimen long taim BCL i go insait long wok.

Ol papa graun i no luksave long dispela hevi. Tasol nau wantaim helpim bilong ol saveman olsem Francis Ona, ol i painimaut olsem dispela agrimen i no inap bringim gutpela helpim long bihaintaim.

Dispela em taim olgeta kopa long graun i pinis.

Long dispela hevi tasol na nau Not Solomons i gat bikpela bagarap. Na tu, planti manmeri i bin kisim bagarap na sampela soldia i bin dai.

Mi ting olsem hevi bilong dispela i stap long Nesenel Gavman. Dispela hevi i no mas go long gavman bilong Praim Minista Rabbie Namaliu tasol.

Ol gavman bilong bipo tu i mas kisim hevi long dispela. Bikos ol i mekim ol krangki disisen na dispela hevi i kamap nau.

Planti pipel i ting olsem hevi i stap long gavman bilong Namaliu.

Mi laik sapotim gavman bilong tude long kamap long gutpela nupela agrimen em i ken stretim dispela hevi long go daun hariap.

Em tasol toktok bilong mi. Yu husat man o meri i laik sapotim o egensim mi orait rait tasol long Wantok Niuspepa na bai mi lukim.

**Sony Taken,
P.O. Box 323, Kieta-NSP.**

Amamas long bia faktori

Dia Edita,
Mi wanpela man bilong Enga provins. Mi laik tok amamas long primia bilong Isten Hailans, Walter Nombe. Long wanem em i sapotim dispela Bia Faktori long kamap long Kundiawa, Simbu provins. Na i no long Enga.

Dispela em i wanpela gutpela disisen Primia Nombe i bin mekim. Long wanem planti manmeri tru insait long Enga i no bin sapotim dispela faktori long kamap insait long Enga.

Dispela Bia Faktori i kamap long strongpela toktok bilong ol Hailans primia tasol.

Planti kain kain trabel i save kamap long

Hailans tude. Na dispela em long as bilong bia tasol. Olsem na mi amamas tru olsem dispela rabis developmen i no kamap long Enga.

Tasol bikpela tenkyu i mas i go long Primia Walter Nombe. Olsem mi tok pinis, em tasol i strong na dispela bia faktori i kamap long Simbu. Na i no long Enga.

Em tasol toktok bilong mi. Yu husat man o meri i gat sampela moa toktok long skruim orait rait tasol long Wantok Niuspepa bai mi lukim.

**Limbson Peter,
Kalane Village,
P.O. Laiagam,
Enga Provinces.**

Soim gutpela pasin

Dia Edita,
Mi wanpela man Amele long Madang provins na mi laik autim wanpela liklik wari i go long mejistret bilong ples bilong mi.

Bikman ya i bin kamapim wanpela sem pasin stret taim tupela bikman bilong Madang, nesenel memba Paul Kamod na provinsal memba John Gosiba i kam raun long ples bilong mipela.

Ol i bin kam autim sampela gutpela toktok tasol mejistret i bin kam bikmaus nabaut na mipela i no ting em i gutpela pasin.

Yu wanpela bikman bilong ples na tu yu save long lo. Bai gut-

pela sapos yu respektim dispela tupela bikman. Dispela pasin em i no gutpela piksa long ol yangpela bilong ples.

Mi laik yu kamapim ol gutpela pasin na ol yangpela bilong ples i ken bihainim.

**Keikei Nicholas,
Madang.**



Salim pas i kam long:

**WANTOK
NIUSPEPA
P.O. BOX 1982
BOROKO**

Painim kandere

Dia Edita,
Mi painim wanpela kandere bilong mi, nem bilong em, Lala Binai. Lala i bin lusim mipela long Oksapmin long 1974 na i bin go wantaim famili bilong em long Is Sepik provins. Long 1974 i kam inap nau mi no bin harim wanpela nius long wantok bilong mi.

Sapos wanpela man meri o pikinini long Is Sepik i save long Lala Binai, inap yu toksave long em long rait i kam long mi. Na Lala sapos yu lukim dispela toksave inap yu rait long mi.

**Gabriel Tinapit,
Poon Brothers Pty
Ltd,
P O Box 417,
Tabubil,
Westen provins.**

Tingim ol lapun bilong yumi

Dia Edita,
Mi laik autim wari bilong mi long wanpela samting em i no stret tumas long ai bilong mi.

Watpo tru na yumi ol pipel bilong PNG i no save malolo long ANZAC De. Dispela em de yumi olgeta i mas stap wok na tingim ol lapun bilong

yumi husat i bin dai long Wol Wo II.

Long strong bilong ol dispela lain tasol na yumi i bin kam aninit long lukaut bilong Australia. Na bihain Australia i givim yumi independens isi tasol.

Dispela em i wanpela bikpela de tru

long yumi ol pipel bilong PNG.

Olsem na Palamen i mas kamapim wanpela tok orait olsem i mas i gat pablik holide long dispela de.

I no gutpela long yumi sampela i wok na sampela tasol i malolo long tingim dispela de.

Em tasol wari na tingting bilong mi. Yu husat manmeri i laik toktok moa long dispela samting orait rait tasol long Wantok Niuspepa bai mi lukim.

**Sony Taken,
P.O. Box 323,
Kieta-NSP.**



Gavman i sainim tok orait bilong Porgera

Wok bai gohet nau

LONG Fraide 12 Me 1989 ol pipel bilong Porgera, Enga provinsal gavman na gavman bilong Papua Niugini i givim tok orait long bikipela wok maining i kamap long Enga provins.

Ol i givim tok orait long Porgera Joint Venture (PJV) i statim wok bilong ol long kamautim gol long Porgera.

Long 11 klok long moning ol papa bilong graun i sainim tokorait wantaim nesanel gavman. Dispela tok orait i tokim gavman long gohet na sainim tok orait wantaim PJV.

Long apinim 3 klok nesanel gavman i sainim tok orait wantaim PJV.

Gavana Jenerel Sir Ignatius Kilage na Praim Minista Rabbie Namaliu i makim nesanel gavman na Primia Ned Laina i makim ol pipel bilong Enga.

Ol toktok bilong sainim dispela tok orait i bin kamap las yia, namel long Enga provinsal gavman, ol papa bilong graun na nesanel gavman. Em i namba wan taim dispela pasin i kamap. Bipo nesanel gavman i no save toktok wantaim ol papa bilong graun o provinsal gavman.


Ol i sainim tok orait na wok bai stat nau. Kampani bai salim gol na kisim bikipela mani. Ol papa bilong graun na ol pipel bilong Papua Niugini bai kisim bikipela helpim long dispela wok o nogat? Yumi bai wet na lukim.




• Ol bikman bilong PJV.



• Mista Namaliu na Mista Laina.



• Ol bikman bilong PJV, nesanel gavman na Enga gavman i redi long sainim tokorait long haus bilong Gavana Jenerel.



• Sir Ignatius i sainim tok orait.



• Ol papa bilong graun i kamap.

Ol papa bilong graun i no amamas tumas

OL PAPA bilong graun long Porgera Gol Main i no amamas tumas long tok orait i bin kamap namel long ol na nesanel gavman.

Siaman bilong grup i makim ol papa bilong graun Jolsen Kutato i tok olsem i no gat wanpela toktok long tok orait i tok olsem Porgera Joint Venture (PJV) bai

helpim ol papa bilong graun. Kutato i wanpela memba bilong Enga provinsal gavman.

Tok orait namel long gavman na ol papa bilong graun i tok olsem ol papa bilong graun bai kisim 23 pesen long royalti mani em provinsal gavman bai kisim long wok bilong PJV.

Olgeta mani ol papa bilong graun bai kisim

bai kam long mani provinsal na nesanel gavman bai kisim long wok bilong PJV.

Enga provinsal gavman na ol papa bilong graun i askim PJV long kamapim wanpela taun long Porgera. Tasol PJV i no tokaut yet sapos ol bai bihainim laik bilong provinsal gavman o nogat.

Ol papa bilong graun i tok olsem gavman i

sainim tok orait wantaim PJV tasol ol i askim kampani long tingim ol papa bilong graun long taim bilong givim kontrak bilong olkain wok.

"Ol i mas givim ol kam long balus na taim wok bilong ol i pinis bai ol i karim ol dispela wokman i go bek gen.

Mista Kutato i tok olsem em i laikim PJV

liklik kontrak long ol papa bilong graun. Na sapos ol papa bilong graun i no inap mekim dispela wok, orait ol i mas givim i go long ol lain Enga o ol kampani bilong Papua Niugini", Mista Kutato i tok.

Mista Kutato i tok olsem ol i laikim PJV i mas kamapim wanpela taun long Porgera na ol i no laikim PJV i karim ol wokman i

i mas skulim sampela lain Porgera long teko-va long sampela bikipela wok long kampani tu.

Em i tokim ol lain bilong PJV olsem ol

lain bilong em i no inap kamapim wankain hevi i kamap nau long Not Solomons sapos PJV i harim ol toktok bilong ol.

Ol studen tingim ol mama



• Sande 14 Me em i de bilong tingim ol mama. Planti famili i baim presen o wokim spesel kaikai long amamasim mama bilong ol. Long Mosbi ol Is na Wes Sepik studen long Yunivesiti i bin baim tupela spesel kek na givim long ol Sepik mama long wanpela liklik bung bilong ol. Poto long lephan i soim Bill Rogers na Jacinta Warakai i karim kek i go long givim ol mama. Long raithan ol studen i hatim kuk.

CALLING ALL BANDS

Mipela salim samting bilong Musik...

Emplifaia
Spika
Miksa
Dram
Kibod
Maut Ogen
let bilong Gita
Skin bilong Dram
Ol Songbuk na Kodbuk
Mekim pairap bilong gita nating olsem pawa gita wantaim pick-up bilong gita.
K33.50 tasol.



Bateri Emplifaia bilong Gita LID na BEIS K140.00 tasol Post Nating.

Rook's Radio, P.O. Box 191, Lae. P.N.G. Telefon: 424616

Toksave long wok bilong Sensasip Bot



• Bisop Hand long lephan i kisim K45 tausen sekmani long minista bilong Home Afeas, Timothy Bonga.

SENSASIP Bot em i wanem samting? Dispela askim i stap long planti manmeri long-taim ol i harim dispela nem.

Oltaim i gat nius i tok Sensasip Bot i tambuim dispela buk o ol i tambuim dispela video o dispela muvi.

Ating wan wan manmeri i gat liklik save long wok bilong Sensasip Bot tasol planti manmeri i no save.

Long Trinde 10 Me Sensasip Bot i kamapim wanpela bikpela wok long tokaut long ol pipel bilong dispela kantri

long wok bilong ol.

Siaman bilong bot, Bisop David Hand i tok olsem bot i gat bikpela wok long skulim ol manmeri bilong dispela kantri long kamapim gutpela sindaun.

"Mipela i tambuim dispela buk, o dispela video o dispela muvi bikos mipela i luksave olsem em bai bagarapim tingting bilong ol pipel bilong dispela kantri long bagarapim sindaun o tingting bilong narapela".

Bisop Hand i tok olsem i gat 7-pela samting bot i save

JOSEPH KAU raitim

tingim taim ol i skelim ol buk, ol video na ol muvi. Ol dispela samting em, dispela muvi, video o buk,

1. i tok bilas long ol arapela manmeri

2. i kamapim ol tingting nogut long ol pipel

3. i soim ol sempasin

4. bai bagarapim gutpela tingting bilong ol pipel

5. bai sutim bel long ol pipel long kamapim trabel

kantri husat i pren bilong Papua Niugini

7. i no gutpela long tingting bilong ol pablik.

"Wok bilong Bot em long kamapim gutpela tingting na sindaun long ol pipel bilong Papua Niugini," Bisop Hand i tok.

Ministrial Lo na Oda komiti i bin givim Sensasip Bot K65,000 long strongim dispela wok toksave bilong ol. Bisop Hand i bin amamas tru long dispela helpim bilong gavman na i tok olsem bot bai yusim dispela mani long skulim ol pipel

long wok bilong Bot.

Bai ol i yusim mani long kamapim ol toksave pepa na ol posta long soim long ol pipel bilong Papua Niugini.

Bisop Hand i tok tu olsem em i laik skelim wok bilong Bot i go long wan wan provins insait long kantri.

"Ating bihain long pinis bilong dispela wok toksave bilong yumi, planti pipel long dispela kantri bai save olsem wok bilong bot em long helpim ol pipel i kamapim gutpela sindaun long kantri", Bisop Hand i tok.

Arawe timba projek i gohet nau

Wok bilong katim timba long Arawe Timba Projek long Wes Nu Briten provins i ken go het nau.

Nesenel Minista bilong Fores Karl Stack i bin salim wanpela pas long Primia bilong provins Robert Lawrence long Tunde 4 Me. Dispela pas i karim tok orait bilong minista long givim timba pemit long Arawe Investments Pty Ltd.

Primia Lawrence i tok olsem ol las tok-tok bilong projek bai i kamap long 15 Me. Na wok i ken stat long 27 Me.

"Wok i no stat hariap long wanem dispela tupela lokal kampani Arawe Investments na Arawe Logging i no tok orait namel long ol yet husat bai i kisim timba pemit," Mista Lawrence i tok.

Em i tok tupela wik i go pinis wanpela grup bilong Arawe Logging i bin go long

SAM VULUM i raitim

Mosbi long askim minista long givim ol timba pemit.

Wantok i traim long askim minista long wanem samting i kamap bihain long dispela toktok, tasol em i no laik long tokaut.

"Arawe Logging i bin wok 6-pela yia olgeta nau. Long dispela taim em i stat i kam inap nau kampani i bin wok wantaim ol bikpela timba kampani olsem Timbersales (PNG) na ol narapela kampani," Primia Lawrence i tok.

Em i tok gavman bilong em i makim Arawe Investmems long kisim timba pemit. Long wanem em i wanpela nupela kampani na tu gavman bilong em i bilip olsem Arawe Investments i kampani tru

bilong ol pipel bilong Is na Wes Arawe.

Timbersales (PNG) em i wanpela long ol 22 timba kampani i aplai long Arawe timba projek taim Fores Dipatmen i putim kontrak long tenda.

Dipatmen i bin rausim 14-kampani bihain long em i lukluk long eplikesen bilong ol. Long dispela etpela i stap, dipatmen i salim i go long provinsal gavman long skelim.

Provinsal gavman i makim tripela na salim i go bek long dipatmen. Ol dispela tripela kampani em Arawe Timber Development Pty Ltd (A.T.D), Cakara Alam (PNG) na Timbersales (PNG). Fores dipatmen i wokim stadi bilong em na las tru em i makim Cakara Alam.

Nesenel Fores Minista Karl Stack i tokaut long dispela long 22 Mas, 1989. Em i bin tokaut tu olsem provinsal gav-

man i bin amamas long dispela kampani.

Minista i tok dipatmen i no bin makim ol narapela kampani long wanem ol i no bin gat ol sampela bikpela samting long eplikesen bilong ol.

Dipatmen i lukluk long ol kain samting olsem pe bilong graun, hamas man bai kmapani i givim wok long ol na wanem kain mani bai ol pipel o provinsal gavman i kisim.

Long eplikesen bilong Cakara Alam kampani i bin tok long baim K1,250,000 long graun, givim wok long 676 man na baim 20 pesen i go long ol pipel na provinsal gavman.

Long lukluk bilong Fores dipatmen ol dispela samting i gutpela moa long ol narapela kampani i gat long ol eplikesen bilong ol.

Narapela lain gen laik senisim tok orait

I LUK olsem bai i gat narapela hevi i kamap gen long Arawe Timba Projek long Wes Nu Briten provins.

Long wanem narapela grup gen bilong lokal kampani Arawe Logging Pty Ltd nau i stap long Mosbi long lukim Minista bilong Fores Karl Stack.

Primia bilong Wes Nu Briten provins Robert Lawrence i tok em i no amamas tru long wanem samting dispela grup i wokim. Em i tok dispela grup i no bin lukim provinsal gavman bipo long ol i go long Mosbi.


Dispela 26 man i bin hait tasol na taim primia i no save ol i stap pinis long Mosbi. Mista Lawrence i

ting olsem ol i bin go long Mosbi long tok-tok strong long minista long givim ol timba pemit bilong Arawe Timba Projek.

"Mi no save husat i askim ol long go daun tasol mi ting olsem ol sampela kampani bilong narapela kantri i bin strong long ol long lukim minista.

"Mi no nap sapotim wanem samting ol dispela lain man i wokim bikos ol i no bin bihain stretpela rot bilong paitim ol tok-tok," Mista Lawrence i tok.

Em i tok Mista Stack i givim pemit pinis long Arawe Investments Pty Ltd na em bai i sainim dispela pepa long Fraide 19 Me.



Tupela bikpela wok i kamap long Mosbi


TUPELA bikpela wok i kamap nau Mosbi. Long poto antap em ol wok i kamap long ol nupela haus slip long Mosbi Haus Sik.

Wanpela kampani ol i kolim Kum Ghai i mekim ol dispela wok. Gavman bilong Japan i bin givim sampela mani long helpim gavman bilong Papua Niugini i kamapim ol dispela haus slip.


Daunbilo em ol wok i kamap long nupela spots stadium long Mosbi. Ol i wokim dispela pilai graun long bikpela Saut Pasifik Gems bai kamap long Mosbi long 1991.

Gavman bilong Saina bai givim mani na ol save man bilong kamapim dispela nupela pilai graun.

Poto na Stori JOSEPH KAU



**YOU WILL
KNOW
ITS GRIP**
WHEN YOU SEE ONE!




You won't be disappointed!
When seeking Best performance on the road!

PICK-UP SPECIAL

Ultra-Light/Light Truck Tyres,

FOR DURABILITY, COOLER RUNNING AND LONGER WEAR

FOR PMVs.



IMPROVED TREAD WEAR AND WEAR PATTERN

The Pickup Special tyre with five continuous ribs distributes wear over a wide area for even pattern and longer mileage.

SURER TRACTION

The increased footprint gives better road holding.

RESISTS CUTS AND IMPACT BREAK

Sturdy shoulders absorbs kerb shock and impact.



GOODYEAR
The Choice of Champions

See the complete line of quality truck tyres by GOODYEAR



**BOROKO MOTORS
TYRE CENTRES:**

- PORT MORESBY Ph: 25 5255 ● LAE Ph: 42 1144
- ARAWA Ph: 95 1565 ● POPONDETTA Ph: 29 7175
- MT HAGEN Ph: 52 1715 ● MADANG Ph: 82 2433
- RABAU Ph: 92 2777 ● KIMBE Ph: 93 5540

WANTOK - Fonde 18 Me, 1989

MAMMOTH COURTS Superstores

THE POWERHOUSE

PEI LIKLIK GIVIM YU MOA!

COURTS 3 PELA BIKPELA SUPA DRO

K15,000 NARAPELA DRO BAI KAMAP LONG JUNE 15th. YU KEN WINIM K2,500 LONG KES PRAIS NA OL PRAIS TU!

3 GRAN PRAIS 3 DIPREN DRO

KISIM SANS LONG WIN SOP LONG COURTS NAU!

Mis Courts Mammoth Superstores i droim Bruce Yatap Laki Tiket. Em i winim K2,500 moni wantaim ol prais.

KISIM LAKI TIKET BILONG YU TAIM YU SPENIM K100 TASOL!

SAMSUNG CB504 Kala Televisen 1 Wik K8.00. Kes Prais K475.

GUTPELA PRAIS

ROYALE 2011ME 51cm Kala Televisen 1 Wik K6.20. Kes Prais K369.

ROYALE 2011VR 51cm Kala TV Rimot Kontrol 1 Wik K6.70. Kes Prais K399.

INTEGRITY 51cm Kala TV 1 Wik K6.35. Kes Prais K379.

SANYO M9703K R/Kaset Rekoda. Isi long Rekod. KES PRAIS K99.

SANYO M9709K R.K.R. 4-Ben. 2-Wei, 4 Spika. KES PRAIS K109.

SAMSUNG V K R Rimot Kontrol 1 Wik K9.20. Kes Prais K549.

DAIGO Video Kaset Pilaia tasol 1 Wik K6.55. Kes Prais K389.

PROTECH V K R Rimot Kontrol 1 Wik K8.85. Kes Prais K529.

DIPOSIT K55

GUTPELA PRAIS

DIPOSIT K39

GUTPELA PRAIS

INTEGRITY Twin Tab Wasin Masin 1 Wik K4.30. Kes Prais K289.

DIPOSIT K59

HOVER T4400 Twin Tab Wasin Masin 1 Wik K7.40. Kes Prais K495.

DIPOSIT K99

SAMSUNG PD65 Radio Kaset Rekoda 1 Wik K2.45. Kes Prais K159.

DIPOSIT K29

SAMSUNG PD75 R.K.R. dabol dek, h/spid dabin. 1 Wik K2.60. Kes Prais K175.

DIPOSIT K35

GUTPELA FRISA NA OFIS BAR TU

PACIFIC 6 140 Lita Singel Dua Frisa 1 Wik K3.00. Kes Prais K199.

DIPOSIT K39

PACIFIC P10 270 Lita Dabol Dua Frisa. Frisa i stap narawai. 1 Wik K6.95. Kes Prais K469.

DIPOSIT K95

GARANTIM PRAIS EM I LOU STRET!

PACIFIC P9 230 Lita Singel Dua Frisa. Gutpela Frisa bilong ol familii. 1 Wik K4.95. Kes Prais K329.

DIPOSIT K65

PACIFIC 7175 Lita Singel Dua Frisa 1 Wik K4.20. Kes Prais K279.

DIPOSIT K55

PACIFIC 310 Lita Frisa 1 Wik K7.90. Kes Prais K529.

DIPOSIT K105

BABY BELLING Pawa Stov 1 no hat long putim pawa 1 Wik K5.05. Kes Prais K339.

DIPOSIT K69

SIMPSON 61-812 Pawa Stov 1 Wik K6.70. Kes Prais K449.

DIPOSIT K89

SAMSUNG W580 R.K.R. Supa beis saun. 1 Wik K2.05. Kes Prais K135.

DIPOSIT K27

SAMSUNG RCA 17 R.K.R. 4 ben, FM/AM/SW1/SW2. KES PRAIS K49.

DIPOSIT K119

PACIFIC 410 Lita Frisa 1 Wik K8.95. Kes Prais K599.

DIPOSIT K95

SPESOL MT HAGEN GOROKA KWIK PEIMEN SKIM

ASKIM STOA LONG TOKSAVE

Sapos yu go long Mt Hagen na Goroka stoa, plis askim ol wok man na men long Spesol Kwik Peimen Skim we bai yu peim.

33% Diposit tasol na 12 Mun Peimen

Ol diposit na toksave long we bilong peim i stap long Port Moresby na Lae. Biais tasol i nogat long Mt Hagen na Goroka.

Mipela i laik long lukim you ken long bhain taim.

ESC JAMBO Radio Kaset Rekoda 1 Wik K3.00. Kes Prais K199.

DIPOSIT K39

MOUNTAIN BIKE Bilong Hevi Wok 1 Wik K2.25. Kes Prais K149.

DIPOSIT K29

51cm BMX BAIK.

CASH PRICE K89

30cm BAIK GUTPELA PRESEN

KES PRAIS K49

TEIBOL FEN

FEN BILONG SANAP

KES PRAIS K59

BUTTERFLY HAN SOWING MASIN

KES PRAIS K69

MURKURIA DRAI AIN

KES PRAIS K23

INTEGRITY TOSTA

KES PRAIS K29

MIPELA IGAT SIKSPELA STA SEVIS BILONG YU TASOL!

- ★ **Prais i Lou**—Mipela i garentim ol dispela lou prais bilong mipela!
- ★ **Planti Samting**—Mipela igat planti long kainkain fenis na elektrikal samting long PNG!
- ★ **Isi Kredit**—Peim liklik diposit na hamamas long ol samting yu baim taim yu peim ol dinau bilong yu!
- ★ **Ino Hat Wok long Diliverim**—Mipela diliverim ol samting long olgeta hap bilong PNG!
- ★ **Prodak Waranti**—Yu ken bilipim ol samting mipela i salim em i top kowaliti!
- ★ **Fri Gift**—Kisim fri prais taim yu baim ol sampela samting!

FRI GIFTS

—wantaim ol samting antap long K100!

TAIM YU SPENIM MOA GIFT BILONG YU BAI I MOA BETAI!

OL PRAIS IS STAP ANINIT LONG - GARENTI!

Mipela save ol prais mipela i putim i nogat wanpela bai bitim! Mipela oraitim sapos yu painim prais bilong aitem i daun long narapela stua taim yu baim long Courts, tokim mipela insait long seven-pela dei na bai mipela givim yu dipren long moni yu peim. Mipela i save prais bilong mipela i nogat narapela bai i bitim!

4 IS LONG PAINIM PLES

Ol Lumi laikim ilektoret bilong ol yet

OL PIPEL bilong Lumi Distrik long Sandaun provins i gat bikpela laik long ol i mas gat ilektoret bilong ol yet pastaim long 1992 nesenel ileksen. Ol i tok, sapos nogat, bai ol i no inap long vot long 1992 nesenel ileksen.



Mista Enda i tokim ol pipel olsem bai Sandaun gavman i traim long bringim dispela wari bilong ol i go long ilektoral Komisnin. Na bai Ilektoral Komisnin i skelim sapos inap long ol i mekim Lumi i kamap wanpela ilektoret bilong em yet, o nogat.

Ripot i tok olsem ol pipel bilong Lumi i gat laik long Yangkok na Edwaki sab distrik bai i mas kam aninit long Lumi na

kamapim wanpela ilektoret tasol. Nau long dispela taim Lumi na Aitape i kam aninit long wanpela r ilektoret em Aitape/Lumi Ilektoret long ol ileksen bilong ol Memba insait long Nesenel Palamen.

Lumi distrik i gat bikpela namba bilong ol pipel na dispela em i as bilong dispela singaut long ol i mas gat ilektoret bilong ol yet pastaim long 1992 Nesenel Ilekseen.

Deputi Primia na Memba bilong Imonda, Zachary Enda i

kisim dispela askim bilong ol Lumi pipel long taim em i opim

wanpela haus lotu long Lumi long 15 Epril.

Mi pret long ol meri

Dia Laiplain,
Mi wanpela Kristen studen na mi ting olsem mi no redi yet long painim wanpela gelpren. Mi bilip Jisas i stap long mi na mi wanpela holi tempel bilong em olsem na mi no laik bagarapim.

Mi mas bekim mani em papamama i bin lusim long baim skul bilong mi. Olsem na mi ting sapos mi gat gelpren nau, bai mi tingting tumas long em na mi no inap long bekim olgeta mani em papamama i bin tromoi long baim skul bilong mi.

Mi pret tu olsem sapos mi painim gelpren, bai mi tingting long slip wantaim Bikos Baibel i tok i tambu long slip wantaim man o meri sapos yu no maritim em. Kastam bilong mi tu i tambu long mekim dispela kain pasin.

Sapos meri i gat bel bai mi inap long lusim em tu bikos mitupela i no marit.

Mi lukm ol dispela kain hevi i wok long kamap nau long laip bilong ol yangpela manmeri. Olsem na sapos mi lukim ol meri, mi save ranawe bikos mi save gat krangki tingting. Mi no ting dispela pasin i gutpela bikos mi laikim wanpela gelpren long bihaintaim.

Dia Pren,

Planti yangpela manmeri i save gat wankain hevi olsem yu long taim ol i kamap ol yangpela man o meri. Na ol lain olsem yu husat i gat strongpela bilip na i holim strong ol skul bilong Baibel, i save painim taim tru long taim ol i tingting long painim gelpren o boipren.

Tasol Kristen bilip bilong ol i save givim stia long tingting bilong ol.

Dispela hap tok "gelpren" o "boipren" i no gat wanpela mining tasol. Sampela man i save tok "gelpren" long meri husat i wanpela gutpela pren tasol. Na ol meri tu i save mekim wankain tok "boipren" long ol man husat i gutpela pren tasol.

Sampela i save tok "gelpren" o "boipren" sapos meri o man gat bikpela laik na i pasim tok long raun wantaim o stap wantaim.

Sampela yangpela man i save ting em i orait long gat planti gelpren, na ol meri tu



i ken gat moa long wanpela boipren. Na sampela i save ting olsem em i orait long ol i slip wantaim. Tasol sampela i no laik mekim dispela kain pasin.

Dispela ol kain kain tingting i save kamapim hevi na paulim ol manmeri. Olsem na i gutpela long traim tok klia long mining bilong tok.

Em i tru olsem bodi bilong yu i tempel bilong God. Tasol em i tru tu olsem God i givim man na meri dispela presen bilong tupela i stap wantaim. Na long taim tupela i marit ol i ken amamasim bodi bilong ol.

Em i tru tu olsem bai i gat planti traim i kamap long laip bilong yu. Ol dispela traim i bilong lukim sapos yu inap long strong na tok nogat. Tasol God i save olsem em i no inap long givim ol dispela traim long yumi oltaim. Na em i givim ol narapela samting long mekim yumi lusim ting long ol dispela traim.

God i givim ol dispela traim long yumi. Na yumi ken strong na winim olsem bai bodi na spirit bilong yumi bai i kamap strong na helpim yumi long stap ol gutpela Kristen manmeri.


Yu tok olsem yu save "ranawe" long taim yu lukim ol meri bikos yu no laik kisim "ol tingting nogut". Ating bai gutpela sapos yu inap long painim wanpela Kristen meri husat i gat wankain tingting olsem yu. Sapos yu ken painim wanpela kain meri olsem, bai yu inap long stap strong na i no inap pundaun long taim ol traim i kamap long yu. Na yutpela inap long amamas long raun wantaim na tok tok na mekim ol samting yutupela i laikim. Ating bai yu inap long bungim wanpela kain meri olsem long Kristen felosip o long lotu bilong yu.

Mi Laiplain.

Long olgeta hap long PNG nau na taim bihain tu. Wanem haus moni na benk i ken halpim yu.



**YU AMAMAS LONG WESTPAC
BENK EM KEN HALPIM YU.**



Westpac ken halpim yu

BAIBEL KOMIK

Ol wok bilong ol APOSEL

Rom i paia

Long dispela taim em i yia 64 AD. Na Empira Nero i gat planti birua. Ol pipel i no laikim em na i gat tokwin long kilim em. Orait wanpela nait

taim olgeta man long Rom i slip paia i kirap na i kukim siti. Dispela paia i lait inap 9-pela de olgeta. Paia i bagarapim tru siti na ol manmeri i ranawe nabaut. Nero i sanap long haus bilong em na lukluk i stap...



Kain kain tokwin i kamap long as bilong dispela paia.

Nero! Ol pipel i tok yu yet i kirapim paia. Ol i belhat tru long yu ya...

Mi tok ol Kristen tasol i statim paia. Painim ol na kilim ol!

Mekim olsem bai ol pipel i no inap sutim tok long mi.



Ol soldia i kirap i go na kilim planti handet Kristen. Tok i go kamap long ol arapela ples na ol soldia i kalabusim Pol tu.

Mipela kalabusim yu long nem bilong Empira Nero.

Wantaim moa Pol i kalabus na i kam bek long Rom. Ol i pasim em long Mamertin haus kalabus. Luk i harim na i kam lukim em.

Mi ting mi no inap stap laip longpela taim. Yu mas kisim pepa na pen i kam na raitim ol toktok bilong mi i go long Timoti.

Orait, bai mi karim ol dispela samting i kam.



Wanem kain wok pasto long yia 2000

"WANEM kain pasto bai yumi skulim na kamapim insait long yia 2000?" Prinsipal bilong Martin Luther Semineri long Lae, Pasto Kasek Kautil i bin mekim dispela hap toktok.

Em i tok klostu bai Martin Luther Semineri i winim 25 yia nau. Na nau em i taim bilong Ewanjikal Lutheran Sios na Gutnius Lutheran Sios bilong Papua Niugini long lukluk gut na skelim wanem kain nupela samting ol bai kamapim insait long dispela bikpela semineri bilong ol.

Pasto Kautil i tok i tru olsem Lutheran sios i laikim moa pasto long mekim wok wantaim ol kongregesen. Tasol bikpela samting em sios i mas luksave long nau em; Wanem kain pasto bai sios i kamapim? Sios i skulim ol gut long wok wantaim planti bilong ol dispela hevi bilong tude o nogat? Ol dispela pasto inap long mekim gut wok bilong sios wantaim kongregesen o nogat? Wanem kain pasto bai sios i skulim na kamapim insait long yia 2,000?

Pasto Kautil i tok hevi bilong kongregesen bilong Lutheran sios tude, i stap aninit long tripela het tok. 1.) Bilip bilong ol pipel, 2.) Sindaun bilong ol pipel, na 3.) Wok bilong sios wantaim ol arapela sios.

Em i tok bipo ol pasto bilong sios i no save painim bikpela hevi tumas long wok bilong ol. Bikos i no bin gat planti ol nupela lotu i stap insait long eria we ol i wok. Tasol nau insait long ol taun na long ol asples tu i gat bikpela wok resis i kamap namel long ol olupela sios na ol dispela nupela sios. Na planti ol pasto nau i wok long painim bikpela hevi tru olsem na ol i save kam bek long kisim helpim.

Pasto Kautil i tok sapos Martin Luther Semineri i kamapim strongpela tingting bilong skulim gut ol arapela wokman na meri bilong sios, bai ol dispela wokman i ken helpim wok bilong ol pasto.

Martin Luther Semineri i save kamapim wanpela 6-pela yia stadi kos bilong ol pasto na 3-pela yia stadi kos bilong ol peris wokman na wokmeri.

Pasto Kasek Kautil i bilong Kasek Ailan long Madang provins. Em i bin kisim dispela wok prinsipal long taim em i kamapim bilong Dokta Willard Burce long yia 1969. Dokta Burce i bin belhat wok long yia 17 bilong Martin Luther Semineri long yia 1974.

Pasto Kautil i bin skul long semineri long 1969 we em i bin wanpela studen bilong Dokta Burce. Em i greduet long 1974 na kisim namba ol i kolim Digri long Tioloji. Na namba wan wok em i mekim em long wok pasto long Bumayong haikul long Lae.

Long 1976, Pasto Kautil i bin go long Amerika na skul moa long wok bilong pasto. Em i kisim namba ol i kolim Masta Digri bilong Diviniti long taim em i pinis skul long Wartburg Tioloji Semineri long biktaun Dubuque, Iowa.

Long 1983, Pasto Kautil i kism wok bilong tisa long Martin Luther Semineri. I kam inap nau, em i bin wok inap 6-pela yia olgeta long dispela semineri. Na em i mekim wok bilong ELCPNG inap 11-pela yia olgeta.

Narapela wok em Pasto Kautil i mekim nau tu em wok bilong seketeri bilong Melanesian Asosiesen ov Tioloji Skuls. Na dispela Asosiesen i makim olgeta bikpela Tioloji Skul insait long Papua Niugini na Solomon Ailan.

TU MINIT TINGTING FRANK MIHALIC I RAITIM

Ol tok hait bilong God

Wanpela de ol pis i swim nabaut long wara na ol i kibung na i kirap nogut. Ol i bin harim sampela man i tok olsem: laip bilong ol i hangamap long wara. Na ol i tok, "Husat bilong yumi i bin lukim wara?"

Ol i paitim tok i stap na wanpela save-man pis i kamap na i tok olsem, "Mi bin harim olsem, i gat wanpela bikpela pis tru i stap long solwara na em i gat bikpela save moa. Yumi swim i go lukim em na askim em, long soim wara long yumi."

Oke, ol i go nau. Ol i swim i go ausait long maus bilong wara na wokabaut long solwara inap planti de na nait. Nau ol i painim dispela lapun pis i save moa yet. Em i harim wari bilong ol na i tokim ol olsem, "Ating yupela ol longlong pis bilong bikbus tru. Olabo! Stat long taim yupela i kamaut long kiau inap long tude, yupela i stap insait long wara tasol. Nabaut long yupela i gat wara tasol i stap. Na yupela i tok, yupela i no save wara em i wanem samting? Man! Sapos i no gat wara, i no gat pis olgeta."

Orait, lain pis ya i hepi na i swim i go bek long ples. Ol i belgut nau, long wanem, long olgeta hap ol i gat wara tasol.

Olsem ol pis i save swim insait long wara, yumi man i save wokabaut insait long win. Olsem win tasol, God yet i stap nabaut long yumi insait long olgeta samting em i bin wokim. Em i stap insait long ol gras na tri na wara na maunten na binatang na enimal na pisin. Ol i stap bikos God i stap; olsem long stori, ol pis i stap bikos wara i stap. Tasol yumi no inap lukim God long ai bilong yumi, olsem ol pis i no lukim wara.

Ol i stori olsem; i gat wanpela king i putim bikpela hevi long lain saveman bilong em. Sapos ol i no soim God long em, olgeta ol i mas dai. Nau olgeta wantaim i wari moa moa yet na i brukim het long givim ansa long king. Tasol wanpela fama i kisim king i go limlimbur

long gaden. Em i poinim san na i tokim king olsem, "Lukim em gut!" Na king i traime na klostu em i aipas. Ai bilong em i pen, na em i singaut, "Yu laik mekim wanem samting long mi? Yu laik bai ai bilong mi i pas olgeta?"

Nau fama i tokim king olsem, "Bikman, san em i wanpela piksa tasol bilong God. Sapos yu no inap lukim san, olsem wanem yu inap long lukim God?"

Yumi ol manmeri bilong graun, yumi ol liklik binatung nating. Nogut yumi ting, sapos yumi no lukim God, em i no stap. Yumi olsem ol pis i swim insait long wara na ol i no bilip long wara bikos ol i no lukim. Olabo! I gat planti samting i stap, na yumi no lukim. Yu inap lukim win, o guria, o pen, o tingting i stap long kru bilong yu, o tok i flai long win, o lektrik pawa long waia? Yesa, yu save pinis ol i stap tru tru.

Olsem tasol na God i stap. God em i bikpela samting tru, em i antap tru long save bilong yumi. Bilip bilong yumi olgeta Kristen i stap insait long wanpela rait bilong Sen Pol. Em i go olsem: "Ola-man! Tingting bilong God na save bilong em i pulap tru, na i daun tumas olsem biksolwara! Yumi no inap tru long bihainim olgeta rot bilong em. Tru yet! Husat i save long tingting bilong Bikman? Husat i bin givim tingting long em? Husat i bin givim samting long em? Nogat! God em i as bilong olgeta samting. Em i papa bilong olgeta samting. Olgeta samting i bilong em wapela tasol. Yumi mas litimapim nem bilong em oltaim." (Rom 11:33)

Dispela God em i triwan. I gat God Papa na God Pikinini na God Holi Spirit. Olsem wanem na ol tripela i wanpela God tasol, yumi no save. Em i samting bilong God.

Baibel i tok olsem. Yumi i bilipim. Yumi daunim het na pinisim ol beten long dispela hap tok amamas. "Ona i go long Papa na long Pikinini na long Holi Spirit, nau na inap long oltaim oltaim. Amen."

WANTOK TELEVISION

THURSDAY FRIDAY SATURDAY SUNDAY MONDAY TUESDAY WEDNESDAY

EM-TV

THURSDAY 18TH MAY, 1989	FRIDAY 19TH MAY, 1989	SATURDAY 20TH MAY, 1989	SUNDAY 21ST MAY, 1989	MONDAY 22ND MAY, 1989	TUESDAY 23RD MAY, 1989	WEDNESDAY 24TH MAY, 1989
9.00 SESAME STREET (G) 3.57 EMTV STATION OPEN 4.00 BEWITCHED (G) 4.30 3-2-1 CONTACT (G) 5.00 KIDS KONA (G) 5.30 GENTLE BEN (G) 6.00 THE MUPPETS BABIES (G) 6.30 NATIONAL EMTV NEWS (G) 7.00 WEBSTER (G) 7.30 SIX MILLION DOLLAR MAN (PGR) 8.30 MASTER (AO) 9.30 MIAMI VICE (AO) 10.30 SYDNEY RUGBY LEAGUE (G) 11.30 STATION CLOSE	9.00 SESAME STREET (G) 3.57 STATION OPEN (G) 4.00 BEWITCHED (G) 4.30 3-2-1 CONTACT (G) 5.00 KIDS KONA (G) 5.30 THE JEETONS (G) 6.00 THE MUPPET BABIES (G) 6.30 NATIONAL EMTV NEWS (G) 7.00 THE EM REPORT (G) 7.30 FAME (G) 8.30 FRIDAY NIGHT MOVIE (PGR) "Northwest passage" 10.30 VFL - HIGHLIGHTS 11.45 STATION CLOSE	9.00 KOMYUNTI TELEVISION STATION OPEN 9.02 "TINGIM HELT" (G) 10.00 KOMYUNTI TELEVISION STATION CLOSE 2.57 EMTV STATION OPEN (G) 3.00 JAZZERCISE (G) 3.30 FRAGGLE ROCK (G) 4.00 ANIMALS, ANIMALS (G) 4.30 REAL GHOSTBUSTERS (G) 5.00 BATMAN (G) 5.30 DANIEL BOONE (G) 6.30 EMTV NATIONAL NEWS (G) 7.00 INCREDIBLE HULK (G) 8.00 LUCKY LOTTERY DRAW (G) 8.05 ROCKFORD FILES (PGR) 9.05 SATURDAY NIGHT MOVIE (PGR) "Hot millions" 11.00 STATION CLOSE	12.00 KOMYUNTI TELEVISION STATION OPEN 12.02 "TINGIM HELT" (G) 1.00 KOMYUNTI TELEVISION STATION CLOSE 2.57 EMTV STATION OPEN (G) 3.00 ADVENTURES OF TEDDY RUXPIN (G) 3.30 BONANZA (G) 4.30 SPORTS WORLD (G) 5.30 WONDERFUL WORLD OF DISNEY (G) 6.25 THE COLGATE TOOTHBRUSH FAMILY (G) 6.30 EMTV NATIONAL NEWS (G) 7.00 BILL COSBY SHOW (G) 7.30 SUNDAY NITE MOVIE: "Billy Rose's jumbo" (PGR) 9.30 DOCUMENTARY (G) 10.30 BISNIS (G) 11.00 STATION CLOSE	9.00 SESAME STREET (G) 3.57 EMTV STATION OPEN (G) 4.00 BEWITCHED (G) 4.30 3-2-1 CONTACT (G) 5.00 KIDS KONA (G) 5.30 CURIOSITY SHOW (G) 6.00 MUPPET BABIES (G) 6.30 NATIONAL EMTV NEWS (G) 7.00 FAMILY TIES (G) 7.30 FLYING DOCTORS (PGR) 8.30 MINI SERIES (AO) 10.25 STATION CLOSE 10.27 KOMYUNTI TELEVISION STATION OPEN 10.30 TINGIM HELT (G) 11.30 STATION CLOSE	9.00 SESAME STREET (G) 3.57 EMTV STATION OPEN (G) 4.00 BEWITCHED (G) 4.30 3-2-1 CONTACT (G) 5.00 KIDS KONA (G) 5.30 THE FLINTSTONES (G) 6.00 MUPPET BABIES (G) 6.30 NATIONAL EMTV NEWS (G) 7.00 MONK AND MINDY (G) 7.30 HARDCASTLE AND MCCORMICK (PGR) 8.30 TUESDAY NIGHT MOVIE (PGR) "Baby Blue Marine" 10.30 BUSINESS WEEK (G) 11.30 STATION CLOSE	9.00 SESAME STREET (G) 3.57 STATION OPEN (G) 4.00 BEWITCHED (G) 4.30 3-2-1 CONTACT (G) 5.00 KIDS KONA (G) 5.30 PINK PANTHER "PINK PHINK" (G) 6.00 MUPPET BABIES (G) 6.30 NATIONAL EMTV NEWS (G) 7.00 MR MERLIN (G) 7.30 SPORTS SPECIAL STATE OF ORIGIN RUGBY (PGR) 9.30 LIFE STYLE (G) 10.30 MCCLOUD (PGR) 11.30 STATION CLOSE

G - GENERAL EXHIBITION
PGR - PARENTAL GUIDANCE REQUIRED
AO - ADULTS ONLY

ABC

THURSDAY 18TH MAY, 1989	FRIDAY 19TH MAY, 1989	SATURDAY 20TH MAY, 1989	SUNDAY 21ST MAY, 1989	MONDAY 22ND MAY, 1989	TUESDAY 23RD MAY, 1989	WEDNESDAY 24TH MAY, 1989
4.00 PLAY SCHOOL (G) 4.30 SWAP SHOP (G) 4.50 EMMA AND GRANDPA (G) 5.02 INSPECTOR GADGET (G) 5.30 ALIENS IN THE FAMILY (G) 6.00 THE OZ GAME (G) 6.30 T.B.A. (G) 6.35 T.B.A. (G) 7.00 ABC NEWS (G) 7.30 7.30 REPORT (G) 8.00 IN REAL LIFE (PGR) 8.28 NEWS UP-DATE (G) 8.30 THE BILL (PGR) 9.22 NEWS UP-DATE (G) 9.25 BACK CHAT (G) 9.30 THE ROADS TO XANADU (G) 10.25 ABC NEWS (G) 10.45 TALKING PICTURES (PGR) 11.15 AUSTRALIAN MOVIE: TBA (PGR) 12.30 CLOSE (G)	4.00 PLAY SCHOOL (G) 4.30 SWAP SHOP: DRIPS (G) 5.02 INSPECTOR GADGET (G) 5.30 ALIENS IN THE FAMILY (G) 6.00 THE OZ GAME (G) 6.30 T.B.A. (G) 7.00 ABC NEWS (G) 7.30 7.30 REPORT (G) 8.00 COUNTRY WIDE (G) 8.28 NEWS UP-DATE (G) 8.30 HILL STREET BLUES (G) 9.25 NEWS UP-DATE (G) 9.30 HOWARDS' WAY (G) 10.20 ABC NEWS (G) 10.40 N.B.A BASKETBALL (G) 12.00 RAGE (G)	12.00 MOVIE "TBA" (G) 1.15 ARTISANS OF AUSTRALIA (G) 1.35 LORNE GREEN'S NEW WILDERNESS (G) 2.00 ENGLISH SOCCER, 1988/89 (G) 3.00 SATURDAY SUPER LEAGUE, 89 (G) 4.45 SPORTS NEWS (G) 5.00 SOCCER (G) 6.00 ABC NEWS (G) 6.30 HORIZONS (G) 7.25 COME AND GET IT WITH PETER RUSSELL-CLARKE (G) 7.30 UPSTAIRS, DOWNSTAIRS (G) 8.25 ABC NEWS (G) 8.30 RUMPOLE OF THE BAILEY A VERY PECULIAR PRACTICE (PGR) 9.30 JOHN HINDE PRESENTS (AO) 12.15 RAGE (G)	12.00 COMPASS (G) 1.00 SUNDAY AFTERNOON WITH (G) SALLYANNE ATKINSON 5.00 SUNDAY RUGBY (G) 6.00 ABC NEWS (G) 6.30 ALL CREATURES GREAT AND SMALL (G) 7.25 BACK CHAT (G) 7.30 LIVING PLANET (G) 8.25 ABC NEWS (G) 8.30 BLIND JUSTICE (AO) 10.00 SOCCER (G) 11.00 SKORPION (PGR) 11.30 TRIPPER'S DAY (PGR) 11.55 CLOSE	4.00 PLAY SCHOOL (G) 4.30 SWAP SHOP: ALIENS (G) 5.02 DANGER BAY (G) 5.30 THE NEW ADVENTURES OF BEANS BAXTER (G) 6.00 THE OZ GAME (G) 6.30 KEEP IT IN THE FAMILY COME AND GET IT WITH PETER RUSSELL-CLARKE (G) 6.55 ABC NEWS (G) 7.00 ABC NEWS (G) 7.30 7.30 REPORT (G) 8.00 DEARST ENEMY (G) 8.28 NEWS-UPDATE (G) 8.30 FOUR CORNERS (G) 9.15 MEDIA WATCH (G) 9.28 NEWS UP-DATE (G) 10.00 FOR LOVE OR MONEY (G) 11.15 SNOOKER (G) 11.15 ABC NEWS (G) 11.15 JOHN HINDE PRESENTS (AO) 12.7 CLOSE	4.00 PLAY SCHOOL (G) 4.30 SWAP SHOP: AIR (G) 5.02 DANGER BAY (G) 5.30 THE NEW ADVENTURES OF BEAN BAXTER (G) 6.00 THE OZ GAME (G) 6.30 KEEP IT IN THE FAMILY COME AND GET IT WITH PETER RUSSELL-CLARKE (G) 7.00 ABC NEWS (G) 7.30 7.30 REPORT (G) 8.00 THE INVESTIGATORS (G) 8.28 NEWS UP-DATE (G) 8.30 GP (G) 9.28 NEWS UP-DATE (G) 9.30 THE BIG GIG (G) 10.30 ABC NEWS (G) 10.50 REVIEW (G) 11.30 THE HEART OF THE DRAGON (G) 12.20 CLOSE	4.00 PLAY SCHOOL (G) 4.30 SWAP SHOP: CHOPSTICKS (G) 5.02 DANGER BAY (G) 5.30 THE NEW ADVENTURES OF BEANS BAXTER (G) 6.00 THE OZ GAME (G) 6.30 KEEP IT IN THE FAMILY COME AND GET IT WITH PETER RUSSELL-CLARKE (G) 6.55 COME AND GET IT WITH PETER RUSSELL-CLARKE (G) 7.00 ABC NEWS (G) 7.30 7.30 REPORT (G) 8.00 QUANTUM (G) 8.28 NEWS UP-DATE (G) 8.30 ABC SPECIAL (PGR) 10.20 COUCHMAN (G) 11.00 ABC NEWS (G) 11.20 PLAYED IN AUSTRALIA (G) 12.15 CAROL BURNETT AND FRIENDS (G) 12.40 CLOSE (G)

NQ-TV

THURSDAY 18TH MAY, 1989	FRIDAY 19TH MAY, 1989	SATURDAY 20TH MAY, 1989	SUNDAY 21ST MAY, 1989	MONDAY 22ND MAY, 1989	TUESDAY 23RD MAY, 1989	WEDNESDAY 24TH MAY, 1989
4.00 WOMBAT (G) 4.30 CURIOSITY SHOW (G) 5.00 NEIGHBOURS (G) 5.30 NQTV NEWS & WEATHER (G) 6.00 NATIONAL NINE NEWS (G) 6.30 A CURRENT AFFAIR (G) 7.00 SALE OF THE CENTURY (G) 7.30 FLYING DOCTORS (PGR) 8.28 NQTV WEATHER UPDATE (G) 8.30 JACK AND THE FAT MAN (PGR) 9.30 DALLAS (G) 10.30 NEWSWORLD (G) 11.30 ALLO ALLO (AO) 12.00 EASY STREET (G) 12.30 EPILOGUE (G) 12.35 STATION CLOSE	4.00 WOMBAT (G) 4.30 KIDS ARMY (G) 5.00 NEIGHBOURS (G) 5.30 NQTV NEWS & WEATHER (G) 6.00 NATIONAL NINE NEWS (G) 6.30 A CURRENT AFFAIR (G) 7.00 SALE OF THE CENTURY (G) 7.30 NEWS WEEK (G) 8.00 FAMILY TIES (G) 8.28 NQTV WEATHER UP-DATE (G) 8.30 FRIDAY NIGHT MOVIE: "Ullora" Starring: Cindy Williams (G) 10.30 NEWSWORLD (G) 11.30 LATE MOVIE (PGR) "Head on" Starring: Sally Kellerman and John Huston (G) 1.00 EPILOGUE (G) 1.05 STATION CLOSE (G)	12.00 FABULOUS CENTURY (G) 12.30 DIFFERENT STROKES (G) 1.00 WIDE WORLD OF SPORTS (G) 5.00 BURKE'S BACKYARD (G) 6.00 NATIONAL NINE NEWS (G) 6.30 HEY HEY IT'S SATURDAY (G) 8.28 NQTV WEATHER UP-DATE (G) 8.30 GOLD LOTTO DRAW (G) 8.35 SATURDAY NIGHT MOVIE "Chase" (AO) 10.30 SPECIAL: "John Clessie First Farewell" (AO) 11.30 SPORTS SPECIAL (G) 2.30 EPILOGUE (G) 2.35 STATION CLOSE	11.00 WIDE WORLD OF SPORTS (G) 1.00 THE WALTONS (G) 2.00 SPORTS SPECIAL (G) 5.00 FIVE MILE CREEK (G) 5.50 POINT OF VIEW (G) 5.57 QUEENSLAND 2000 (G) 6.00 NATIONAL NINE NEWS (G) 6.30 THE WORLD OF DISNEY (G) 7.30 SIXTY MINUTES (G) 8.28 NQTV WEATHER UPDATE (G) 8.30 SUNDAY NIGHT MOVIE "Mona Lisa" (AO) 10.45 SPORTS SPECIAL (G) 1.00 EPILOGUE (G) 1.50 STATION CLOSE	4.00 WOMBAT (G) 4.30 MUPPET BABIES (G) 5.00 NEIGHBOURS (G) 5.30 LOCAL NEWS, WEATHER (G) 6.00 NATIONAL NEWS (G) 6.30 A CURRENT AFFAIR (G) 7.00 SALE OF THE CENTURY (G) 7.30 A COUNTRY PRACTICE (G) 8.28 WEATHER (G) 8.30 MOVIE: TBA (AO) 11.30 THE PROFESSIONALS (AO) 12.30 EPILOGUE (G) 12.35 CLOSE	4.00 WOMBAT (G) 4.30 MUPPET BABIES (G) 5.00 NEIGHBOURS (G) 5.30 REGIONAL NEWS, WEATHER (G) 6.00 NATIONAL NEWS (G) 6.30 CURRENT AFFAIR (G) 7.00 SALE OF THE CENTURY (G) 7.30 COSBY (G) 8.00 THE GOLDEN GIRLS (PGR) 8.28 WEATHER (G) 8.30 BEYOND 2000 (G) 9.30 BRONX ZOO (PGR) 10.30 NEWSWORLD (G) 11.30 SCARECROW AND MRS KING (PGR) 12.25 EPILOGUE (G) 12.30 CLOSE	4.00 WOMBAT (G) 4.30 MUPPET BABIES (G) 5.00 NEIGHBOURS (G) 5.30 REGIONAL NEWS, WEATHER (G) 6.00 NATIONAL NEWS (G) 6.30 A CURRENT AFFAIR (G) 7.00 SALE OF THE CENTURY (G) 7.30 GOLD LOTTO (G) 7.35 A COUNTRY PRACTICE (G) 8.33 WEATHER (G) 8.35 MOVIE: TBA (AO) 10.30 NEWSWORLD (G) 11.30 SHADOW CHASERS (AO) 12.25 EPILOGUE (G) 12.30 CLOSE

(G) - GENERAL EXHIBITION (PGR) - PARENTAL GUIDANCE REQUIRED (AO) - ADULTS ONLY

TAIM YU PILAI TUHAT NA NEK I DRAI O TAIM BILONG AMAMAS....

Swing Wantaim Dixi Cola

I Kam Long

HOHOLO

softdrinks

Wosungku i trikirim ol sanguma

BIPO BIPO tru long wanpela ples long Maprik, Is Sepik provins, i gat wanpela meri i save stap. Nem bilong dispela meri em Wosungku.

Wosungku em i wanpela naispela meri stret. Papa na mama bilong em i bin dai bipo. Na em wanpela i save stap.

Olgeta de ol manmeri i save kirap long bikpela moning tru na go wok gaden. Na long apinun tru ol i save go bek long ples.

Wanpela moning taim kakaruk i no karai yet, olgeta manmeri i kirap na go pinis long gaden.

Wosungku i pilim les liklik na em i slip yet. Em i kirap bihain tru na redim ol kaikai bilong em. Bihain em kisim ol samting bilong wok gaden na wokbaut isi isi i go.

Long rot sampela sanguma man i lukim em na ol laik kilim em. Ol i mekim singsing na skin bilong em i dai na bihain ol i laik kilim em.

Tasol dewel bilong papamama bilong Wosungku i save stap na was long em. Olsem na pawa bilong ol dispela sanguma i no wok. Ol sanguma ya i bihainim em tasol i go na kamap long gaden.

Klostu long gaden i gat wanpela wara. Nem bilong dispela wara em Kepma. Em go daun arere long wara Kepma na em i kisim wanpela kuka. Em pasim gut han bilong dispela kuka na putim long bilum bilong em.

Bihain em i kalapim wara na wokabaut i go long gaden bilong em. Em i kamap long gaden na putim olgeta samting long liklik haus gaden na em i stat long kamautim ol gras long gaden.

Em i kamautim ol gras i go na katim han bilong em long lip bilong suga. Tarangu em i lusim planti blut tru long han bilong em.

Hariap tru em i ran i go long haus gaden na kisim wanpela hap stik. Bihain em dikim wanpela hul na planim han bilong em i go daun long dispela hul.

Em i mekim olsem long stapim planti blut i lus hariap long han bilong em. Bihain em i pasim han long hap lip na em i go sindaun long gaden haus.



Ol sanguma i bihainim em i kamap long gaden na was gut i stap. Olgeta tingting bilong ol long kilim em i lus nating. Olgeta i tingting tasol long prenim em. Tasol bikpela blakpela klaut i skai na ren wantaim win i kam. Ol arapela manmeri i lukim olsem na ol i go bek pinis long ples.

Wosungku i kisim ol samting na em i laik wokbaut i go bek tu long ples. Tasol long taim em i kamap long wara Kepma, em lukim olsem tait i karim bris i go pinis.

Em i go daun long wara na laik brukim tasol tait bilong wara i strong tumas. Em i mekim nogat na em i tanim i go bek long gaden bilong em na slip i stap.

Em i slip i go na driman olsem sampela kain birua bai i kamap long skin bilong

em. Em i kalap nogut long driman na pret olgeta.

Wanpela gutpela tingting i kamap long em na em i rausim olgeta paiawut pinis na em go insait na hait long ol dispela paiawut.

Ol sanguma ya em ren tu i wasim ol na ol i painim ples bilong hait. Ol i go long ol arapela long ol gaden haus tasol ol dispela haus i no gat ol paiawut.

Ol i bihainim olgeta gaden haus i kam na kamap long gaden haus bilong Wosungku. Ol i amamas tru long taim ol i lukim ol paiawut i stap insait.

Wosungku i slip indai olgeta na em i no save olsem ol dispela sanguma man i kamap pinis long haus bilong em.

Ol sanguma ya i mekim bikpela paia tru na redi long slip. Orait wanpela

sanguman i wokabaut i go long kisim sampela moa paiawut na em i kirap nogut long lukim Wosungku i slip i stap.

Em i amamas nogut tru na i no tokim ol arapela sanguma man. Lewa bilong em i pas olgeta. Em i tingting tasol olsem dispela bai i wanpela gutpela sans bilong em stret.

Ol arapela sanguma i redi long slip na ol i tok wan wan bilong ol bai was long taim ol arapela i slip. Na sanguma man ya em i sanap hariap tru na tok olsem em bai i was pastaim taim ol arapela i slip.

Em i wetim ol arapela sanguma i slip pinis na isi tasol em i wokabaut i go long kisim ol paiawut. Em i rausim ol paiawut i na laik holim Wosungku.

Tasol Wosungku i lukim em pinis na em i giaman long slip indai olgeta. Long taim sanguma ya i putim han i go long holim em, isi tasol em i lusim rop long dispela kuka em i bin kisim long wara. Em i lusim rop long tupela han bilong kuka na putim stret long bol bilong dispela sanguma.

Man, kuka i kaikaim dispela sanguma na em i singaut nogut tru. Dispela pen i winim tru ol arapela kain pen. Olsem na trangu sanguma man ya i kalap kalap wantaim na krai nogut tru olsem liklik manki stret.

Ol arapela sanguman man i harim olsem na i kirap. Ol i ting olsem sampela birua i kam holim pasim pinis dispela wasman bilong ol.

Ol i kirap na ranawer nabaut i go insait long bus. Wosungku tu i kirap na bihainim ol na ranawe i go bek long ples.

Em i kamap long ples na kalap nogut long lukim wanpela naispela yangpela man i wetim em i stap long haus. Man ya i tokim em olsem em i kamap long blut bilong Wosungku. Dispela blut em i bin planim long graun long taim em i katim han bilong em long lip bilong suga.

Tupela i marit na i stap amamas wantaim long dispela ples.

Em tasol liklik stori bilong mi.

Willie Wanda, Maprik Station, Wewak

Ol EM TV muvi bilong neks wik

Mande 22 Me 8.30pm - "The Glass babies". Part 1 (AO)

Dispela muvi i bihainim stori em wanpela dokta na loya i bin raitim. Em i stori long wanpela rot we ol meri husat i no inap karim pikinini, i ken kisim pikinini bilong ol yet. Mama i larim ol dokta i putim wara bilong man bilong em i go insait long bel bilong narapela meri. Na long taim narapela meri ya i karim bebi em i givim long mama tru bilong pikinini.

Plantu meri i bin mekim olsem na nau ol i gat pikinini. Tasol i gat plantu tu we ol meri i karim bebi i kisim papamama tru bilong bebi i go long kot. O we meri i karim bebi i no laik givim bebi i go long papamama tru bilong bebi.

Dispela muvi Glass Babies i stori long wanem kain samting i save

kamap long pasin bilong kamapim bebi long dispela rot ol i kolim invitro fertilization.

Trinde Nait Muvi 8.30pm - "Baby Blue Marine". (AO)

Dispela muvii stori long wanpela yangpela soldia. Ol i bin rausim em long trening kem na em i go bek long ples bilong em long Kalifonia we em i giaman na tok em i bin go pait long woa na em i kam bek. Dispela muvi i wanpela gutpela muvi long lukim bikos long dispela taim long Amerika ol pipel i bilip olgeta yangpela man husat i kamap soldia i mas stap strong na kam bek olsem ol strongpela man bilong pait.

Ol lain i ekt long dipsela muvi em Dan Michael- Vincent na Richard Gere.

MELVIN AND HOWARD (1980)

★★★★

Paul Le Mat
Jason Robards, Jr.
Mary Steenburgen



. Jason Rogers na Paul Le Mat long muvi Howard Hughes and Melvin Dummar.

MEGAFORCE (1982)

★

Barry Bostwick
Michael Beck
Persis Khambatta



. Barry Bostwick na Persis Khambatta long muvi Megaforce

MIDWAY (1976)

★

Charlton Hestor
Henry Fonda
Glenn Ford
James Coburn
Hal Holbrook



. Henry Fonda (namel) em i Admiral Chester Nimitz long muvi Midway.

MIDNIGHT EXPRESS (1978)

★★★★

Brad Davis
John Hurt
Randy Quaid



. Brad Davis em i Billy Hayes long muvi Midnight Express.

WANTOK

OKSAVE

**BOKIS
252500**



Neugini Didiman

Supplies

Importers, Distributors & Stockists of

- FERTILIZERS
- STOCK FEED
- AGRICULTURAL CHEMICALS
- HARDWARE
- PASTORAL SUPPLIES
- FENCING MATERIALS
- GENERAL PLANTATION SUPPLIES
- DAY OLD CHICKENS

MOUNT HAGEN

RETAIL (1): 52 2104 — CHINATOWN
 RETAIL (2): — 52 1051 MOKA PLACE
 W/SALE: 55 1562 — KAGAMUGA
 ADMIN: 52 1106 — WAGHI KLOS HAUS
 TELEX: NE55121 WAGKLOS FAX: 52 1330
 P.O. BOX 1362, MOUNT HAGEN.

**new
nation**

**ON
SALE
NOW!**



Your provincial Flag in full colour AND People's views on wife beating ALSO Find out:

- The magic behind the 1988 Cambridge Cup Winners and will they continue to reign this year?
- More about popular musician John Wong and EMTV newsreader, Eva Arni.
- 1989 health pointers for young people.

25-5255

**BOROKO MOTORS LIMITED
USED CARS PORT MORESBY**

25-5255

ALL VEHICLES SHOWING THIS SIGN (*) MUST BE SOLD BEFORE JULY 1ST. DON'T MISS OUT

	LAUREL K10,250		PATROL DIES 4WD K10,500		CRESSIDA WAGON *
B/BIRD WAGON K6,950		929 * SEDAN		TOYOTA CORONA K7,950	
	626 MAZDA SEDAN *		A/C TELSTAR MANUEL K5,900		TOYOTA STARLET *
MITS * LANCER		LITE ACE VAN *		CRESSIDA SEDAN K7,950	


**PRICES ARE NEGOTIABLE,
BUT THEY MUST BE SOLD
BEFORE JULY 1ST.**



Pablik Notis

Sapos yu laik edvataisim
Toksave, Painim Wok,
Pablik Notis, Ringim
Miria Ravao
Telepon: 25 2500
Ext. 217.

PABLIK NOTIS



BIKPELA TOKSAVE - BEKIM MANI BILONG OL MEMBA

Olgeta memba i ken kisim bek mani bilong ol long taim ol i pinis wok tasol ol i no inap long kisim pensin.

Insait long wanpela senis em i bin kamap long lo i karamapim wok bilong Public Officers Superannuation Fund, bai i gat intres i stap tu long mani bilong ol memba. Dispela lo i kamap long 1 Janueri, 1989.

Ol dairekta bilong POSB i pasim tok pinis long skelim intres olsem:-

**MANI EM OL MEMBA I BIN
BAIM I KAM INAP LONG 1.189:**

**6 3/4% wan yia bai i mas go bek
long taim memba i stat givim mani,
i kam inap long 1.1.89.**

**Olpela Ritrensmen Benefit
Fan:**

Ol memba Intres i go long RBF
mani long taim ol i senisim i
go long POSF, na ol i putim 6
3/4% intres wan yia i kam inap
long 1.1.89.

Ol memba husat i pinis wok long 1989 bai i kisim 6 3/4% intres
long mani bilong ol stat long 1.1.89 i go inap long taim ol i
bin pinis long wok.


BIKPELA TOKSAVE

Fan yet i save baim takis long ol bisnis bilong en na ol ara-
pela wok bilong lukautim wok bilong Fan. Olsem na mipela i

Pablik Notis

Sapos yu laik edvataisim
Toksave, Painim Wok,
Pablik Notis, Ringim:
Miria Ravao
Telepon: 25 2500
Ext. 217.

PABLIK NOTIS



no inap rausim hap mani bilong ol memba long baim ol dispela takis. Na aninit long Lo i bosim ol Takis, i no gat takis long mani em memba i kisim bek na intres tu bilong dispela mani.

Husat inap memba

Ol memba bilong Fan:-

Ol dispela lain i mas memba: Olgeta pemanen man opisa na ol singel meri opisa i wok long Nesenel Gavman o ol Stetutori Atoriti.

Ol dispela lain i ken kamap memba sapos ol i laik:

Ol marit meri na ol no-pemanen wokman bilong Nesenel Gavman na ol Stetutori Atoriti husat i wok moa long 3-pel yia na i luk olsem bai ol i wok yet. Sapos yu laik kamap memba, orait toksave long pesenel manesa bilong yu, o Managing Director bilong Public Officers Superannuation Fund (POSF) long adres i stap daunbilo.

Toksave:

Ol ovasis wokman na kampani husat i memba pinis bilong ol kain Fan olsem i no inap long joinim POSF.

DAVID S. NELSON
MANAGING DIRECTOR,
PUBLIC OFFICERS SUPPERANNUATION BOARD,
P.O. BOX 7039,
BOROKO,
NCD.

Publik Notis

Sapos yu laik edvataisin
Toksave, Painim Wok,
Publik Notis, Rugin,
Mira Ravao
Telepon: 25 2500
Ext. 217

TOKSAVE

Toksave i go long ol gutpela kasta-
ma bilong mipela olsem Mista Fran-
cis Ali husat i bin wok olsem Credit
Controller bilong mipela stet i no
moa wok long mipela wantaim
Coca-Cola Bottlers long Port Mores-
by 18 - 19 Me 1989.

FOR SALE

1. JVC Video recorder K850
2. Technic Stereo sets 3 ways
speaker K800
3. Floor Rug size 270 x 180 cms
K100
4. Singer Electric Sewing
Machine K80
5. Spring Double Bed K25
6. Two Bin Bag K36
7. Manual Portable Type Writer
K30
8. Study Desk for children K7

Contact Julia 25 2500 Ext 228.

WANTOK

FAX
252579



LAKI LOTTO



PRIZE RESULT FOR DRAW NO. 16
TICKETS NO. A-006
WINNING NUMBERS:

1217	18	19	22	26
------	----	----	----	----

SUPPLEMENTARY NO:

11

PRIZES

- Division One — 2 Winners (each get K16,949)
- Division Two — K271.76
- Division Three — K 46.18
- Division Four — K 6.73
- Division Five — K 5.30

WOW!! We have two Division One winners now — check your
tickets carefully and if you have four or more numbers correct —
you have just won a prize. The two Division One winners are
advised to see the nearest Laki Lotto agent or contact us on
Phone 25-9666 or P.O. Box 1939, Boroko, NCD.

**GET YOUR LAKI LOTTO TICKET NOW
FOR THIS WEEK'S DRAW!!!**



Goroka Coffee

72 1245

HIGHLAND BLEND



HARD VACUUM

Ground Coffee



**GOROKA COFFEE PRODUCERS LTD
P.O. BOX 555 GOROKA. FACSIMILE 72 2692**

Ol referi i no kamap hariap long lukautim ol pilai

MADANG soka ripot

WANPELA strong-pela gem tru bin kamap long namel long Momase na Admiralty long Sande 14 Me long Madang.

Tupela tim wantaim i bin kamapim sampela stail we ol soka sapota long Madang i no save lukim bipo. Tasol Momase i soim olsem ol i strong moa na wanpela plaia bilong ol Subam i bin hetim gol bilong

Admiralty.

Siaman bilong Madang Gems Kaunsil Aron Mungalio i tok, "Alfred bilong Admiralty wantaim Subam bilong Momase i bin kalap wantaim long hetim dispela bal tasol Subam i gat sans moa bikos em i kalap bak-sait long Alfred."

Dispela em i wanpela gol tasol long dispela gem. Momase i traim long putim wanpela gol gen tasol Admiralty i luksave long dispela na i putim wanpela strongpela difens long beklain bilong ol.

Ol kain plaia bilong Admiralty olsem Bob Morris i no bin givim sans liklik long ol fowat lain bilong Momase long putim gol. Beklain bilong Momase tu i bin putim wankain strongpela difens. Tupela yangpela pilai bilong Under 19 i bin lukautim beklain bilong Momase.

Tasol dispela difens i no strong tumas long stapim ol kain plaia bilong Admiralty olsem Polki. Em i bin

wokim 3-pela stail kik long het bilong em tasol olgeta i go abrus tasol.

Narapela gutpela gem bilong Sande 14 Me i bin kamap namel long Mimlon na Madang Blues.

Mista Mungalio i tok Mimlon i wanpela olpela tim na i bin

givim hatpela taim tru long Madang Blues. Em i tok Blues em i wanpela nupela klap tasol na em i wok long kam antap yet. Tasol em i tok tim i gat ol sampela gutpela plaia tru. Wanpela samting em i lukim olsem i no strong tumas long tim em beklain difens

bilong ol.

Bikpela gem bilong Sande i bin pinis long 6 klok long nait. Dispela i no gutpela tumas long lukluk bilong Mista Aron Mungalio.

Mista Mungalio i tok em i no amamas tumas long ol referi bilong Madang Referi

Asosiesen. Long wanem ol i save kamap hariap long referi long ol gem Na planti taim ol gem i save pinis leit tru.

"Mi laik askim Madang Referi Asosiesen long lukluk long dispela na traim long stretim," Mista Mungalio i tok.

Madang Soka Primia Divisen Lata

13th/14th Me, 1989

Mimlon 9	DCA Ladden 5
Nambassa 9	Nambassa 5
Panifun 6	Gala Utd 4
Watabag 6	Mopi 1
Admiralty 5	Madang Blues 1.

Madang Soka Dro

SATURDAY 20TH, MAY, 1989

Time	Fixture
2.00	Mimlon v Panafun
4.30	Watabag v DCA Ladden

SUNDAY 21ST, MAY 1989

Time	Fixture
12:45	Madang Blues v Mopi
2:00	Momase v Gala
4:30	Admiralty v Nambassa

Skoa: Sarere 13 Me
Nambassa 2 def DCA Ladden 1
Gala Utd 2 def Mopi 1
Skoa: Sande 21 Me 1989
Watabag 4 def Panalun 1
Mimlon 2 def Madang Blues 1
Momase 1 def Admiralty 0

Taim bilong ol yangpela!



Simon Emmanuel bilong Guria i bosim bal. Emñi laki. Sapos nogat Milen Be bai autim ol ya. Poto Joseph Kau

Busu haiskul i sempian bilong Morobe

ELIZABETH SOLOMON i raitim

BUSU haiskul i holim taitel nau olsem sempian atletik skul long Morobe provins long dispela yia. Ol i bin autim 8-pela arapela skul na winim 4-pela sil.

Ol i winim ol dispela sil long junia bois, senia gels, namba tri sil ol i winim egensim Siassi haiskul long mas na namba foa sil ol i bin winim olsem skul i gat planti poin i winim ol arapela skul.

Dispela resis i bin kamap long ples pilai bilong Yunivesiti ov Teknoloji long Fonde, 4 Me. Na moa long 1,000 manmeri na pikinini i bin kamap long lukim dispela resis.

Nupela minista bilong Laipstok long Morobe provinsal gavman, Tukape Masani i bin opim dispela resis.

Mista Masani i bin tok olsem Morobe em i bikpela provins na i gat bikpela populesen. Na planti skul tu i save stap long bus.

"Tasol dispela i no save stapim ol long bringim ol tim bilong ol i kam pilai long ol kain resis olsem insait long taun. Ol papama yet i save strong long bringim ol pikinini bilong ol i kam bung wantaim na pilai long taun.

"Dispela i soim olsem i gat bikpela yuniti namel long ol pipel bilong Morobe," Mista Masani i tok.

Morobe provins i gat 11-pela haiskul. Olgeta yia i save gat tupela kain resis olsem i kamap. Wanpela i bilong atletiks na narapela em resis bilong pilai bal.

Long Fonde, Wasu na Menyamyha haiskul i no bin kamap long wanem ol i bin painim hevi long transpot. Olsem na Busu, Bugandi, Lae, Dregahafen, Lae International, Markham Valley, Wau, na Bumayong i bin paitim bun insait long dispela resis.

Busu i bin kamap antap stret long ol arapela long hatwok bilong tupela brata, Kaiva na Garoa Lerori long trek ivens na long-jam. Tupela tu i bin kisim gutpela sapot na helpim long ol narapela wanskul olsem Gedisa Pala, Doroubo John na Anna Musalu.

Ol dispela lain i bin ran strong long stat bilong resis i go inap long resis i pinis.

Long dispela resis, ol studen i bin ran strong tru. Na taim em ol i bin winim insait long dispela resis i gutpela moa. Yangpela meri,

Doromba i bin kisim 13.38 sekens taim em i ron long wanpela 100 mita resis. Narapela yangpela bilong Lae haiskul, Vivien Pase i bin kisim gutpela taim tu olsem 13.43 sekens. Em i kamap bihain long yangpela Dorombo.

Tisa i go pas long dispela spot, Richard Lerori i tok dispela tupela meri i soim olsem sapos tupela i kisim inap sapot long sprin, taim bilong tupela long ran bai i kamap gutpela liklik. Long wanem dispela taim em tupela i bin winim insait long dispela resis i no longwe long taim bilong meri i save makim Papua Niugini long ol atletik resis.

Em i bin tok tu olsem dispela kantri bilong yumi i pulap long ol smatpela pipel bilong ran i stap. Tasol taim ol dispela yangpela man na meri i lusim skul na go aut long ol arapela hap, yumi i save lus tingting long ol. Na i no save helpim ol long strongim dispela save bilong ol long ran na makim kantri bihain.

Wanpela Papua Niugini junia rana, Ngazila Kasi bilong Markham Veli haiskul i bin kisim 54.29 sekens taim em i ran long 400 mita resis.


Tasol dispela taim i no gutpela tumas. Dispela klostu bai i wankain long taim bilong Kaiva Lerori (55.12 sekens.) Na klostu Lerori i winim em.

Kosa bilong Ngazila, Lapule Tamion i tok olsem Ngazila i bin kisim sampela bagarap long taim bilong trening olsem na em i no ran gut.


Kaiva i bin winim javelin long 46.85 mita na 800 mita resis long 2 minit 18.27 sekens na kamap namba wan. Wanskul bilong em, Richard Gawi i bin ran gut tru long 100 mita resis na taim bilong em i sanap olsem 11.84 sekens.

Ol yangpela bilong Lae haiskul i bin traim strong tru long autim Busu haiskul tasol Busu i soim olsem ol i gat planti stail moa. Tupela skul, Wau na Markham Valley haiskul i no save kisim bikpela nem tumas long ol dispela kain resis. Tasol i ol bin taitim tru masol bilong ol long Fonde na kisim gutpela mak.

Bihain long displea resis, fainal risal bai go long Morobe Atletiks Asosiesen, Asosiesen bai i lukluk long ol dispela risal na makim skwat bilong makim Morobe.



• Kaiva Lerori i rausim tuhat wantaim smail bikos em i winim long-jamp, javelin na 800m resis.




• Yangpela meri bilong Markham Valley haiskul i winim resis bilong ol Junia Gels. Na wanpela studen bilong Lae haiskul i kamap namba tu.

**NEW
NITE TIME
COMPETITION**

**BENSON
CUP**

and HEDGES



**LUKIM OL 8-
PELA TOP TIM
I PILAI LONG
WINIM**

K12,000

PRAIS MONI !

- Semi bai stat...
- Long Trinde 24th Me, wina bilong Paga vs Magani bai pilai wantaim Air Niugini.
- Get bai op long 5.30 pm long Lloyd Robson oval.
- K1.00 fasol long ol arapela ples bilong sindaun. K2.00 long Granstan. Ol memba i fri.
- Gret Tri gem bai stat long 6.00 pm. Main gem bai stat long 7.15 pm.

Bai i gat 5-pela senta tasol i kik long U19 tonamen

NAMBA bilong ol senta bai i pilai long U19 Soka Tonamen long Rabaul i go daun long faiv (5). Pas-taim 10-pela senta i bin givm nem Presiden bilong

Rabaul Soka Asosiesen Maran Nataleo i tok ol i wok long redim ol samting inap long lukautim 10-pela senta tasol nau bai ol i mas senisim ol plen bilong ol gen. Em i tok seketeri

RABAUL soka ripot

bilong Papua Niugini Futbol Asosiesen (PNGFA) Andrew Waho i bin ringim em long Tunde 16 Me na tokim em olsem nau bai i gat 5-pela senta tasol bai i pilai long tonamen. Ol senta ya em Pot Mosbi, Lae, Rabaul, Kokopo na Madang. Mista Nataleo i tok ol ogenaising komiti i

save kibung long olgeta wik long toktok long ol wok redi bilong dispela tonamen. Em i tok tu olsem ol wok i kamap orait tasol.

Dispela tonamen bai i kamap long tripela de olgeta. Pilai bai i stat long Fraide 26

Me long 10 klok long moning na bai pinis long Sande 28 Me.

Mista Nateleo i tok Primia bilong Is Nu Briten Sinai Brown i tokoraut pinis long kamap na opim dispela tonamen. Em i tok ol i wok long wet

yet long tok orait bilong PNGFA petron Sir Julius Chan.

Ples bilong slip bilong ol senta autsait long provins i redi pinis. Tasol Mista Nateleo i tok tim bilong Rabaul na Kokopo bai i painim ples bilong slip.



Trensfe Fi

TRENSEFI em i pe bilong tok orait long ol pilai i trensfe i go long narapela klap insait long wanpela asosiesen yet.

Sampela taim em i pe bilong ol pilai bilong wanpela asosiesen i go long narapela asosiesen insait long wanpela kantri o narapela kantri. Dispela mani i save go long olpela klap bilong pilai na long asosiesen olpela klap i bin memba long en.

Westpac Soka Klap i kamapim pinis wanpela ripot (Polisi Pepa) long sekap sapos PMSA i ken go het wantaim ol Trensfe Fi. Dispela bai min olsem olpela klap na PMSA i mas kisim mani bipo wanpela pilai i ken go kik long nupela tim.

Dispela samting em i gutpela o nogat? Ating, sampela manmeri i wok long tok olsem, bikos ol pilai bilong Westpac i laik lusim klap nau - olsem na Westpac Klap i laik holimpasim ol bek.

Dispela tok em i tok egens long Westpac Klap - ol i no lukluk tru long Polisi pepa. Polisi pepa i tok, wanem pilai i laik go long narapela klap, em i mas peim sampela mani olsem trensfe fi i go long olpela klap na PMSA.

Dispela mani bai karamapim hatwok bilong ol kosa, ol kain kain fri sevis klap i givim long wan wan pilai. Polisi pepa i putim mak bilong mani.

Dispela aidia bilong putim mak bilong mani olsem trensfe fi bai strongim tingting bilong ol bikman bilong wan wan klap long raitim daun olgeta liilik mani na

sevis ol i save tromoi long wan wan pilai.

Rekot i mas gutpela tru. Olsem na long taim ol pilai i laik trensfe, klap na pilai wantaim i ken sindaun na skelim dispela rekot. Skelim pinis na sekap wanem kain mani pilai ya bai peim olsem trensfe fi.

Long taim pilai sindaun skelim rekot bilong klap, em i no ken sindaun nating. Nogat. Em tu i mas gat rekot bilong em yet. Long de em i stat kik long klap, em i mas gat rekot bilong ol samting em i mekim. Ol samting we em i ken tok, dispela gol i helpim tim i winim semi fainal. Olsem na putim K50 long dispela gol bilong mi.

Wanem gutpela samting em i mekim long klap i mas gat prais long en. Dispela em i bikos yumi i no profesenal. Ol klap i no save baim yumi long pilai. Olsem na wanem sevis ol pilai i givim long klap i mas gat prais.

Tupela i skelim i go i go inap tupela i putim wanem kain trensfe fi. Tasol sapos tupela i no wanbel, em nau PMSA i mas kam insait wantaim tupela na kwiktaim stretim tingting.

Mi yet mi ting dispela aidia i gutpela. I gutpela yumi i traime dispela aidia long wanpela o tupela sisen. Traime na lukim ol gutpela samting o samting nogut dispela rot inap kamapim.

Tasol: - PMSA i mas redi gut long traime dispela adia.

- wan wan klap i mas redi gut;

- Wan wan pilai i mas redi gut;

Nogut aidia i kamap na planti kain kain liklik hevi i kamap. Narapela samting mi laik askim Westpac Klap long mekim em long 'rilisim' olgeta pilai laik lusim klap nau. Long dispela we taim aidia i kamap olgeta klap i ken stat long wankain level. Wanpela pilai we i mas kik tasol Westpac i no rilisim em yet em Hamilton Demo.

Mi lusim i stap long han bilong PMSA na olgeta manmeri.

Kas bilong ol



• Man, i luk olsem bal i ronim dispela pilai bilong Difens. Tasol ol pilai bilong Difens i strong na autim Blu Kumuls 1-0 long pilai bilong ol las wik. Poto JOSEPH KAU.

Ol manki Madang redi

MADANG soka ripot

MADANG Soka Under 19 Soka Asosiesen i bin Tonamen long tokaut pinis long Rabaul. Bai ol i Under 19 tim bilong lusim Madang long ol long go pilai long 25 Me.

Goroka Soka Asosiesen Sarere 13th na Sande 14 skoa:

Premiers

Rapatona 3 def Internatinal 0
University 3 def Sunam 2
Murat 5 def Tarangau 0
Buresong 1 def Morobe United 0
Kalibobo 1 def Guria 0

P/Reserve

Rapatona 4 defe Makis 2
Morobe United 2 dro University 2
Internatinal 4 def Sunam 2
Buresong 5 def Goroka Tech 3
Murat 4 drew IMR 2
Tarangau 4 def Guria 2
Milne Bay United 4 def Kalibobo 0

Women

Makis 2 forfeited Rapatona 0
Yuniversity 3 def Morobe United 2
Country Women 2 forfeited Sunam 0
Murat 3 def Kama 0
Kalibobo 2 def Milne Bay United 1
Guria 4 def Tarangau 0

Bai i no gat gem long dispela wiken 20 na 21st Me long wanem bai Nesenel Aletiks Sempionsip bai i kamap long NSI.

Hia em ol nem bilong ol man bai i go pilai long dispela tonamen: Charles Romo, Alphones, Kobo Elisa, Peter Banga, Kublan Siming, Mathew Math, Lambu Kayo, Polas Michale, Semba Avele, John Palu, Sebet, Lawrence Koiyo, Benu Kambuka, Jacob Elapo, Rony Romu, Daniel, Markus na Boti.

Kosa bilong dispela tim em Bebai, tim menesa em Philip Posanau na teknikel menesa em Aron Mungalio. Mista Mungalio i tok bikpela tingting bilong tim em long ol i mas winim Lae o Mosbi.

Em i tok olgeta taim Mosbi o Lae i save winim ol kain tonamen olsem. Mista Mungalio i tok em i gat bikpela bilip olsem ol bai i win long wanem skwat ya i bin trening inap 3-pela mun olgeta long wokim ol manki i redi long dispela tonamen.

Mosbi Soka Lata PORT MORESBY FOOTBALL SOCCER ASSOCIATION INC

PREMIER DIVISION LADDER 16.05.1989

Division	Games Played	Win	Draw	Lose	Goals For	Goals Against	Points
Morobe Utd	6	4	2	0	9	4	14
Rapatona	5	4	1	0	10	4	13
Guria	6	3	2	1	11	10	11
Westpac	6	3	1	2	1	3	10
B Kumuls	6	2	2	2	10	7	8
University	6	2	2	2	11	10	8
GFC	4	2	1	1	6	3	7
Defence	4	2	0	2	10	8	6
Milne Bay	6	2	0	4	10	12	6
Sunam	6	1	2	3	5	12	5
Sobou	5	1	1	3	7	6	4
Wanzesi	6	0	0	6	8	25	0

P/RESERVE DIVISION LADDER 16.05.1989

Division	Games Played	Win	Draw	Lose	Goals For	Goals Against	Points
Guria	6	4	0	2	27	12	12
University	6	3	2	1	13	7	11
Morobe Utd	6	3	1	2	11	8	10
Sobou	5	2	3	0	5	3	9
GFC	4	3	0	1	6	5	9
Milne Bay Utd	5	2	1	2	14	8	7
Rapatona	5	2	1	2	9	5	7
Wanzesi	6	2	1	3	8	25	7
Westpac	6	1	3	2	8	8	6
B Kumuls	5	1	2	2	5	6	5
Defence	4	1	1	2	6	8	4
Sunam	6	0	1	5	1	18	1

FIRST DIVISION LADDER 16.05.1989

Division	Games Played	Win	Draw	Lose	Goals For	Goals Against	Points
Tarangau	7	6	0	1	11	5	18
BFC	7	5	2	0	18	10	17
Verave	7	4	2	1	23	10	14
Golo	7	4	1	2	18	5	13
Nall	7	4	1	2	10	6	13
Air Niugini	7	4	1	2	10	10	13
Steamship	7	4	0	3	16	14	12
Waliya	7	3	1	3	12	9	10
Ela Utd	7	3	1	3	12	9	10
Bornd	7	3	1	3	14	12	10
Maset	7	2	2	3	12	13	8
Wanzesi	7	1	2	4	5	8	5
Katuman	7	1	1	5	12	25	4

Losegu	7	1	1	5	7	20	4
Kula	6	1	9	5	7	19	3
Defence	6	1	0	5	3	15	3

SECOND DIVISION LADDER 16.05.1989

Division	Games Played	Win	Draw	Lose	Goals For	Goals Against	Points
Stone Aze	6	5	0	1	22	8	15
Lukang	6	4	1	1	14	4	13
Elcom	6	4	0	2	12	13	12
Country Ch	5	3	2	0	11	7	11
Pema	6	3	1	2	12	8	10
Tarangau	6	2	2	2	11	11	8
Sapphire	6	2	1	3	7	9	7
Air Niugini	6	2	0	4	12	14	6
BFC	5	1	3	1	9	13	6
Mana	6	1	2	3	15	16	5
Mapos	6	1	2	3	7	9	5
Palif	6	1	2	3	5	9	5
Ese	6	1	2	3	10	16	5
Markham	4	1	0	3	3	12	3

U18 DIVISION LADDER 16.05.1989

Division	Games Played	Win	Draw	Lose	Goals For	Goals Against	Points
University	6	5	0	1	13	6	15
Morobe Utd	5	4	1	0	13	2	13
Defence	5	3	1	1	10	6	10
Guria	6	3	1	2	8	10	10
GFC	5	3	0	2	10	7	9
Sunam	5	3	0	2	8	9	9
Westpac	6	2	1	3	6	9	7
Sobou	5	2	0	3	8	6	6
Milne Bay Utd	6	1	3	2	8	13	6
Wanzesi	6	1	2	3	9	13	5
B Kumuls	6	1	1	4	5	8	4
Rapatona	5	0	0	5	1	10	0

WOMEN DIVISION LADDER 16.05.1989

Division	Games Played	Win	Draw	Lose	Goals For	Goals Against	Points
Guria	5	5	0	0	20	0	15
Wanzesi	5	4	1	0	20	2	13
Morobe Utd	5	3	0	2	9	6	9
GFC	4	1	3	0	7	3	6
Westpac	5	1	2	2	5	7	5
Waliya	5	1	2	2	5	12	5
Kula	5	1	2	2	5	16	5
Milne Bay Utd	5	1	1	3	4	8	4
Sobou	4	1	0	3	3	7	3
Defence	5	0	1	4	1	18	1

PORT MORESBY SOCCER ASSOCIATION Season Proper

SATURDAY 20TH MAY 1989

Time	Division	Ground	Fixture
9.30	2ND	B1	Air Niugini v Mana
11.00	1ST	B1	Tarangau v Waliya
12.30	1ST	B1	Maset v Wanzesi
2.00	1ST	B1	Air Niugini v BFC
4.00	PREM	B1	Rapatona v Milne Bay
9.30	2ND	B2	Country Ch v Pema
11.00	2ND	B2	Markham v BFC
12.30	1ST	B2	Verave v Losegu
2.00	1ST	B2	Golo v Ela United
4.00	PREM	B2	Uni v Morobe Utd
9.30	2ND	GFC	Tarangau v Sapphire
11.00	2ND	GFC	Palif v Mapos
12.30	2ND	GFC	Elcom v Lukang
2.00	P/RES	GFC	Rapatona v Milne Bay
3.30	P/RES	GFC	GFC v Sunam
12.00	U18	DEF	Uni v Morobe
1.30	WOM	DEF	Milne Bay v Guria
3.00	WOM	DEF	Sobou v Westpac
4.20	SEC.	DEF	Stone Axe v Ese

SUNDAY 21ST MAY, 1989

Time	Division	Ground	Fixture
9.30	P/RES	B1	Guria v T Defence
11.00	P/RES	B1	Sobou v Wanzesi
12.30	1ST	B1	Nali v Katumani
2.00	PREM	B1	Guria v T Defence
4.00	PREM	B1	Sobou v Wanzesi
9.30	P/RES	B2	B Kumul v Westpac
11.00	1ST	B2	Kula v Bornd
12.30	1ST	B2	Steamship v Defence
2.00	PREM	B2	B Kumul v Westpac
4.00	PREM	B2	Sunam v GFC
9.30	U18	GFC	Sunam v GFC
11.00	U18	GFC	B Kumul v Westpac
12.30	U18	GFC	Sobou v Wanzesi
2.00	U18	GFC	Guria v T Defence
3.30	U18	GFC	Rapatona v Milne Bay
11.00	WOM	DEF	Morobe v Kula
12.30	WOM	DEF	Waliya v T Defence
2.30	WOM	DEF	Wanzesi v GFC
4.00	P/RES	DEF	Uni v Morobe

Guria i go pas long ol meri Mosbi

DISPELA wik i gutpela wik bilong soka bilong ol meri long Mosbi. Bihain long 5-pela wik nau Guria i soim tru pawa bilong ol na go pas long poin lata bilong ol meri.

Namba wan kik bilong dispela wik long Sarere bai stap namel long Milen Be na Guria. Guria i gat ol intenesenel na nesenel pilai husat i ken helpim tim long win. Ol pilai olsem Lyna Waho, Maggie Moi-he, Wado Bani na tupela susa Rose na Tabitha Suwae.

Guria bai winim yet dispela gem tasol ol i no ken lukdaun long Milen Be. Ol lain Milen Be i strongpela tim husat i save pilai i go inap las wisel i kraik.

Long arapela gem bilong ol meri, Sobou bai bungim ol Westpac. Tupela lapun midfilda bilong PNG bipo, Dorcas Horis na Bospidik Pilakos bai go pas long tim bilong kopa kantri.

Mary Magaru em i

wanpela intenesenel pilai. Em bai go pas long helpim tim bilong em Westpac long autim tiket bilong kopa kantri.

Long Sande Morobe United bai bungim Kula. Morobe i sindaun namba tri long poin lata. Ol i no ken pilai kaskas long ol meri Samarai. Nogut ol i kirap nogut na umben bilong ol bai solap. Ol Morobe meri i bin lus long Wanzesi las wik 2-0. Olsem na ol i no ken pilai kaskas moa. Ol kula i bin dro wantaim Waliya las wik. Ol meri Daru i no save isi ya ol i save givim siksti olsem ol baramundi pis bilong wara Flai.

Insait long namba tu pilai bilong Sande Ana Seto bai go pas long ol meri Difens. Ol meri Difens i mas

tingting gut na pilai. Ol meri Waliya i no inap marimari long yupela. Olsem na bikpela tingting nau i stap long Seto long holim stia bilong Difens.

Seto i mas givim skul long ol liklik poromeri bilong em. Ol i no ken holim bal tumas. Ol i mas tilim bal we i ken helpim ol long daunim Walyia. Strong bilong Walyia i stap long fowat lain.

Long bikpela gem bilong dispela wik Wanzesi bai brukim bun bilong ol meri GFC.

Tupela tim wantaim i gat ol intenesenel pilai. Ernest Edith bai go pas long fowat lain bilong GFC. Em bai kisim helpim long Hilda Petrus, Karen Asugum na Doris Alukes.

Wewak Soka Dro

Sarere 20th Me, 1989

Time	Division	Pool	Fixture
9.00	U16	Pool 2	Tara Yth v Tarangau
10.00	U16	Pool 2	Wewak Utd v Vullet
11.00	U16	Pool 2	Medics v Guria
12.00	U16	Pool 2	GS Kunai v Sunam
12.00	WOM	Pool 2	KTC v Difens
1.10	WOM	Pool 2	Passam v Sandaun
2.30	WOM	Pool 2	Sunam Kanai Utd
3.30	WOM	Pool 2	Tara Yth v Guria
4.40	WOM	Pool 2	GS Kunai v Vullet
9.00	U19	Pool 1	Guria v GS Kunai
10.10	U19	Pool 1	Sul v Vullet
11.20	U19	Pool 1	Tara Youth v Medics
12.30	U19	Pool 1	KTC v Difens
1.40	U19	Pool 1	Passam v Kanai Utd
2.50	U19	Pool 1	Sandaun v Sunam

Sande 21st Me, 1989

Time	Division	Pool	Fixture
11.30	1ST	Pool 2	Medic v KTC
12.40	1ST	Pool 2	GS Kunai v Guria
1.50	1ST	Pool 2	Sunam v Sandaun
3.00	1ST	Pool 2	Vullet v Tarangau
4.10	1ST	Pool 2	Sul v Kanai Utd
12.00	PREM	Pool 1	Wewak Utd v Sunam
1.30	PREM	Pool 1	Difens v Sul
3.00	PREM	Pool 1	Tarangau v Passam
4.30	PREM	Pool 1	Guria v Kanai Utd

Ol Kimbe referi i belpen long pe

KIMBE soka ripot

KIMBE Soka Asosiesen i makim pinis samting olsem 34 pilaia long go kik long dispela Ailans Rijonal Soka Tonamen long Manus long mun Jun.

Tasol seketeri bilong Asosiesn Alfonse

Kurapi i tok dispela i no fainel tim bilong makim Kimbe. "Ol dispela 34 pilaia nau i stap long trening skwat. Mipela bai i katim namba i go daun long 18 bihain long miting bilong mipela long Mande," Mista Kurapi i tok. Mista Kurapi i tok ol

i bin laik kamapim wanpela wokaton long las wiken long kisim sampela mani bilong dispela tonamen. Tasol ol i no bin holim, olsem na bai wokaton i kamap long dispela wiken.

Em i tok, "Mipela bai i wokabaut long Hoskins i go inap long Kimbe taun. Na mipela i lukluk long kamapim K500 olgeta."

Mista Kurapi i tok taim ol i makim 18 pilaia pinis bai ol i tingting long kisim K50 fi long wan wan plaia.

Seketeri i tok ol bai i go long Manus long wanpela bot olsem na bai i no inap tromoi bikpela mani tumas. Em i makim pe bilong dispela bot bai inap olsem K2,500 olgeta.

Mista Kurapi i tok i luk olsem bai i no gat gem long dispela wiken sapos Kimbe Soka Asosiesen i no bungim wari bilong ol referi.

Em i tok ol referi i no bin amamas tumas long pe ol i save kisim long taim bilong gem. Ol i salim komplek leta bilong ol i go long asosiesen na tok ol i laikim bekim bilong askim bilong ol long Fraide.

Kimbe Soka Dro

Sarere 20th Me, 1989 Presidents Cup Draw

Time	Division	Fixture
11.00	U16 G2	Guria v Buresong
11.50	U16 G2	Buresong v South Coast
12.40	U18 G2	VTS v Sunam
1.30	WOM G2	Buresong v South Coast
3.00	WOM G2	VTS v Sunam
4.10	U18 G2	Buresong v South Coast
11.00	P/res G1	Buresong v South Coast
12.30	P/res G1	VTS v Sunam
2.00	Prem G1	Buresong v South Coast
4.20	Prem G1	VTS v Sunam

Sarere 20th Me, 1989

11.00	U16 G2	Guria v Karanas
11.50	U16 G2	Ranger v Tarangau
12.40	U18 G2	Guria v Karanas
1.50	Wom G2	Rangers v Tarangau
2.00	Wom G2	Guria v Karanas
4.10	Wom G2	Rangers v Tarangau
11.00	U18 G1	Rangers v Tarangau
12.30	P/res G1	Guria v Karanas
1.00	P/res G1	Rangers v Tarangau
4.10	Prem G1	Guria v Karanas

Em Bikpela Elastik BAND-AID Plasta bilong Karamapim ol Sua na Yu ken Katim long ol Kain Sais.

- Bilong ol bikpela sua.
- I Elastik na gutpela bilong sua long ol sukuru bilong han na lek.
- Bai i pas hariap long sikin na i no inap long pundaun.

HRD 8822



Johnson & Johnson

WANTOK SOKA NIUS

Yuni bai skelim Morobe United

TUPELA bikpela pilai bilong Mosbi soka long dispela wik bai stap namel long Blu Kumul na Westpac. Narapela gutpela gem tu bai kamap namel long Yunivesiti na Morobe Yunited.

Morobe nau i sindaun antap tru long poin lata na lap i stap. Ol i kisim 14 poin nau bihain long em i dro wantaim Sobou 1-1 las wik. Yuni i wari. Bikos ol i no strong na Rapatona i mekim save long ol 2-1.

Yuni i laik bekim dinau na apim poin bikos ol i sindaun long namba 6 ples long poin lata.

Dispela win bilong Rapatona i soim tru olsem pawa bilong ol i no lus. Selan Polum i no ken amamas tumas bikos em i kisim ol pilai husat i save pilai soka. Em i helpim tasol long aidia long winim dispela gem.

Tupela pilai husat i stiaim Rapatona na win em Alois Wabiniak na pele bilong tim Paschalis. Paschalis i kisim liklik solap long Philip Wori tasol em i strong yet.

Sapos Yuni i laik win em i mas stretim midfil bilong em. Las wik Jasper Patterson i hatwok liklik. Jasper i no kisim gutpela helpim tumas long ol arapela poroman

bilong em.

Yunivesiti i mas stretim midfil bilong ol sapos ol i gat bikpela laik long winim Morobe.

Morobe i bai autim yet prais bilong kamap top tim long namba wan raun ya. Ol i no lus yet. Ol i dro wanpela tupela taim na winim olgeta arapela gem bilong ol.

Yuni i kisim namba tu. Ol i winim tupela gem, lus tupela taim na dro tupela taim nau. Olsem na dispela wik ol i laik bekim tru dinau na winim dispela gem.

Kosa bilong Morobe Robert Popat bai traim strong bilong bos bilong ol Kisakiu Posman long dispela wiken. Tasol Posman i gat sampela trik i stap yet long autim Popat.

Tupela tim i gat wankain strong. Sapos wanem tim i win em bai long strong bilong midfil. Ol pilai bilong midfil i mas strong long winim ol dispela gem bilong tim.

Arapela gutpela pilai em Blu Kumul na Westpac. Dispela gem bai kamap long Sande.

Tupela tim wantaim i bin lus long ol birua bilong ol. Blu Kumul i kaikai das taim Difens i autim tiket bilong ol. Westpac i kisim taim long GFC. Gol bilong Desmond Waku i daunim ol.

Blu Kumul inap long winim Westpac sapos ol i kamap gut long trening. Ol i mas givim moa taim long winim dispela gem.

Las wik, James Tore na ol arapela midfilda bilong ol i sotwin olsem pis karua. Ol i no helpim tumas tim bilong ol. Sapos Tore i givim dispela penalti kik long ol arapela pilai olsem Vicksy Mugago o fulbek bilong em Joe Eladona, Blu Kumul bai dro.

Dispela wik James Tore i mas tingting gut long makim ol pilai long kik egens long Westpac. Westpac em wanpela strongpela tim. Em i namba tu taim nau ol i lus na ol i laik bekim dinau.

Westpac bai kisim strong long yangpela David Geame, Steven



• Fulbek bilong Kumul Joe Eladona i laik stapim straika bilong Difens. Difens i win 1-0. Foto Joseph Kau


Mune na John Watson. Tupela pilai Geame na Mune i no bin pilai las wik. Tupela i bin luk sore stret taim ol GFC i nekim tim bilong tupela.

Beklain bilong Westpac i no strong tumas. Kosa Stalin Jawa i mas traim painim narapela fulbek kisim ples bilong Joe Mamani. I bin gat bikpela spes tru las wik taim Mamani i no was gut long ol Blu Kumul.

Insait long dispela gem, Westpac bai nekim ol boi Blu Kumul. Na

long ol arapela gem, Rapatona bai autim Milen Be, Guria bai bomim ol Difens, Sobou bai winim Wanzeni na GFC bai memeim ol Sunam.

Skoa bilong ol gem i kamap las wik, GFC i autim Westpac 1-0, Sunam i winim namba wan gem bilong ol egens long Wanzeni 2-1. Difens i bomim ol Blu Kumul 1-0, Guria i laki tru long autim Milen Be Yunaited 3-2 na Rapatona i soim pawa bilong em na daunim ol Yuni 2-1.



Pai Baimuru i lap. Em i stiaim Difens na ol i autim Blu Kumul.

Mosbi makim soka trening skwat

MOSBI SOKA i makim pinis trening skwat long kik inisat long Saten Rijonel Soka tonamen. Dispela tonamen bai kamap long Popondetta long Jun 17.

Dispela trening skwat bai stat trening long Mande inap ol i makim fainal 18 pilai long makim Mosbi.

Mausman bilong PMSA William Vui i tokim Wantok olsem olgeta pilai i mas kamap long trening. Sapos ol lain i no kamap long trening bai ol i aut long tren-

ing skwat.

Hia em lista bilong ol pilai: James Bayang, Clifford Simon, Toto Norrie, Chaires Ashley, James Kome, Jack Amana, Joe Turia, Noel Vari, Donai Buai, Mathew Kawei, Vosap Eremas, Elim Mali, Simon Emmanuel, Aisi Gewa, Adam Lema, Adam Wangu, Joe Saleu, Desmond Waku, Eddie Oala, Abel Haita, Polin Kanamon, Twain Pombuai, Daniel Charles, Francis Tapo, Alois Wabianik, Parkop Mauai, Wesley Waiwai, Paschalis Atalou, James Tore,

Joe Eladona, Vicksy Mugago, Peter Mark, Agustin Simon, Steven Hose, John Watson, Koale Binding, Moni Kalong, Savo Paulus, Steven Pauls Baimuru Kairi, Aron Titus, Joe Maise na Terry Sanga

Mista Vui i tok ol pilai i gat bikpela taim long trening. Ol i mas givim ful taim bilong ol. Na ol i noken slek.

Wantok i no inap kisim toktok bilong kosa bilong ol Daimon Korowa na namba tu bilong em William Chillen.

Top tim bilong Mosbi



Baksait: (l-r) Asa Maling (Tim Manesa), John Rutang (Sapota) Yeni Barai, David Natrex, Rosson Matango, James Bayang, Ricky Kondas, Yarawi Duri (Asat T/Manesa), Namel: (l-r) Toto Norrie, Ambros Napoleon, Clifford Simon, Peter Kaumu, Zara Borera. Sindaun: (l-r) Lucas Bazo, Ron Ombi, Samoa Simoi, John Pips, Togi Mandusa.



LEAGUE

Issue Namba 15, Fonde 17-23 Me, 1989

News

SIMBU EM KING LONG HAILANS

SPESEL RLN ripota Aphonse Pui i bungim dispela ripot na raitim. Em i bin lukim dispela Hailans Inta zon ragbi resis i kamap long Hagen las wik.

SIMBU i soim pawa bilong em stret taim em i autim Hagen 1 long gren fainal bilong Hailans Inta zon sempionsip 22-12. Em i namba tri taim nau Simbu i winim dispela taitel.

Simbu i winim namba wan Benson & Hedges prais tu. Mak bilong prais ya inap long K400. Na Hagen 1 i winim K200 na Wabag i winim K100.

Presiden bilong Simbu Ragbi lig Robert Gama i tok em i amamas tru. Em yet i bin lukim olsem ol arapela tim long Hailans i no fit long tim bilong em.

Em i tok Simbu i no olsem Hagen na Goroka. Ol i save strong long eksperiens pilaia. Simbu i gat ol yangpela pilaia husat i ken pilaia ragbi. Ol lapun nau i malolo na ol yangpela i kisim ples bilong ol.

Simbu i semim tru Hagen 1 long winim dispela taitel na karim i go bek long Kundiawa.

Mista Gama i tokaut olsem tupela senta ya i so ol long niuspepa long ol pilaia bilong ol tasol ol i no fit. Simbu i no save wari long biknem. Em i hait tasol na nekim gut tru ol biknem bilong arapela senta.

Presiden ya i tok Simbu i gat ol planti yangpela i stap. Planti ol pilaia husat i memba bilong tim i win i no gat eksperiens. Ol i nupela lain stret long pilia long tim bilong Simbu. Tupela lapun em Bal Numapo na Ifisoe Wanega.

Tupela arapela bai kamapim nem bihain em Goi Waine na Bal Michael. Tupela i wok long go pas long Simbu long taim bikpela pait i kamap namel long Hagen 1.

Ol Simbu i autim tiket bilong Mendi 24-10, na bihain ol i autim Hagen 1, 22-12. Dispela i helpim ol long karim sil i gobek long ples bilong ol.

Goroka i wok long hapim nem na ol i kisim taim stretim. Ol i lus tupela taim olgeta. Ol i lus long Hagen 16-36 na bihain Mendi i autim tiket bilong ol gen 44-18.

Waghi tasol i kamapim gutpela rekot liklik. Ol i autim tiket bilong Wabag 44-4 na tu ol i mekim save long Hagen 2, 12-10.

Presiden bilong Waghi, Clement Korken i tok em i amamas tru long ol boi bilong em. Ol i bin pilai gut tru na hapim nem bilong Waghi insait long Hailans rijon.

Mendi i no wari tumas. Ol i pulim moa sapota. Planti sapota stret i sapotim ol. Bikos planti bilong ol Saten Hailans i wok long sindaun nabaut long ol lain kopi long ol Hagen.

Mendi i gat tupela pilaia long Hailans skwat. Nem bilong tupela em Yawing Joseph na Kore Seto.

Presiden Joe Keviamie i tok em tu i amamas long ol boi bilong em taim ol i pilai. Ol Goroka i kisim taim long han bilong Mendi Muruks.

Em i namba wan taim bilong Minj long pilai long Hailans zon. Tasol ol i opim tru ia bilong ol pipel. Ol i autim tiket bilong Waghi 12-10 na ol i lus long Hagen 2 48-12.


Tasol ol i mekim strongpela tok lukaut i go long ol arapela tim insiat long hailans long was gut. Neks Hailans Zon resis bai i dai long bros bilong ol.

Wabag na Minj i nogat wanpela pilaia long skwat. Tasol wanpela studen bilong Wabag Haikul i winim K50 long kamap namba wan fulbek long sempionsip.


Hailans zone bai bungim Noten Zon long Kundiawa long 3 Jun.

Ol pilaia i stap insait long Hailans skwat em, Ifisoe Wanega (Simbu), Repi Kewa (Hagen), Noah Kool (Simbu), Bal Numapo (Simbu), Michael Kiap (Waghi), Ted Vere (Hagen), Sam Karara (Goroka), Yer Bom (Goroka), Koni Keri (Mendi), Joseph Paraka (Hagen), Maima Kawage (Simbu), Arnold Wanamp (Waghi), Yawing Joseph (Mendi), Ekias Kamiak (Hagen), Robert Kuso (Goroka), Bobby Ako (Hagen), Goi Waine (Simbu), Michael Angra (Hagen) and Bal Michael (Simbu).


Tim menasa em Jackson Apo (Goroka), Trena em Karo Kamu, Kosa em Konze Kara na tim dokta em Dr Ken Bun. Olgeta yet i Simbu.



•Toa Ravu bilong Mosbi i kisim liklik pen long wusket bilong em taim dispela pilaia bilong Tabubil i bamim em. Yu tasol save pilai ragbi. Mi tu ken pilai.



Coleman
continental trading co. pty. ltd.
 (associated with the theodor wille group, hamburg, west-germany)



KISIM WANPELA
 NAU LONG....

EM I SAN BILONG NAIT

IPI - Bldg. P.O. Box 2020, Lae, Papua New Guinea
 Tel: 42 5500 Telefax: 425867

Mosbi i winim planti jesi long Saten Zon

MOSBI i gat planti pilaia insait long Saten zon tim. Ol opisal na selekta bilong Saten zon i bin makim 25 pilaia olgeta insait long ol gem long las wiken.

FRANCIS ULIAU i raitim

Namel long ol dispela 25 pilaia, 19 i bilong Mosbi, 4-pela i kam long Tabubil, wanpela bilong Daru

na arapela bilong Nesenel Kepitel.

Ol lain 4-pela pilaia bilong Tabubil em Philipus Kimala, Sutherland Yore, Ben Kimisive na Michael Danga.

Ol selekta i makim

tu Kiwi Lui bilong Daru na Regi Baga bilong Nesenel Kepitel.

Ol arapela bilong Mosbi em John Oeka, Philip Boge, Stanley Haru, Sawi Kaeta, Tony Kila, Lucas Agi, Mark Ipu, Michael Matmilo, Kes Paglipari, Eri Emei, Evara Mai, Gideon Mati, Danny Moi, Obert Batia, Tom Jones, Jacob Ivaraoa, Eric Akis, Joe Mirisa na Akwila Emil.

Kosa bilong dispela tim em Steve Malum na tren em Jamuga Stone. John Lai i kamap tim menesa na namba tu bilong em Mista Maina bilong Daru bai helpim em.

Presiden bilong Mosbi lig Tony Huai i tok olsem em i gat bikpela bilip tru long dispela tim em ol i bin makim.

"Mi amamas tru long dispela ol pilaia husat ol selekta i makim long skwat. Skwat bilong Saten zon i gat ol ekspiriens pilaia na sampela ol yangpela pilaia.

"Dispela ol lain long skwat inap tru long mekim sampela samt-

ing long taim ol zon i bung. Mi gat bilip tu olsem Mosbi bai strongim yet nem olsem sempion tim long kantri."

Mista Huai i bin tok tu olsem ol yangpela husat i stap insait long skwat i bin pilai gut tru long wiken. Ol i bin soim ol sapota olsem ol inap pilai strongpela 80-minit futbol.

Na wantaim dispela bikpela namba em Mosbi i gat long em, Saten zon bai kamap olsem wanpela top senta gen.

Ol selekta na opisal bai skelim gut tim gen na makim 20 pilaia bilong resis long ol Intazon gem. Dispela ol namba wan 20 pilaia bai bung long Mosbi long 20 na 21 Me long statim trening.

Namba wan bikpela resis bilong Saten zon bai kamap long 4 Jun. Ol bai salensim Hailans zon long 4 Jun, 1989.

Huai i tok tu olsem tim bilong Saten zon i gat ol gutpela pilaia na ol bai soim tru long ol arapela senta olsem ol i sempion yet.



•Poro ya wantaim bal i putim han i go ausait na tokim arapela ya long klia long rot. Man, em i taim bilong resis ya.

PAS I GO LONG EDITA

Ramu lig i bagarap olgeta nau

Dia Edita, Mi save go long ragbi fil long olgeta wiken bilong lukim pilai resis bilong Ramu Ragbi lig. Na mi save lukim planti pilaia bilong

Ramu i soim gutpela pilai tru.

Tasol mi no save amamas tumas olsem ol dispela lain i no save go pilai long ol arapela senta. Dispela kain belpen i stap namel long mipela

planti ol sapota bilong Ramu lig. Dispela i soim olsem ol opisal bilong Ramu lig i no save opim ai na lukluk gut long ol pilaia.

I luk olsem ol dispela lain bilong makim ol pilaia long makim

Ramu long ol arapela senta i no mekim stret wok bilong ol. Bikpela wari bilong mi em long dispela kain seleksen bilong Ramu tim long Noten Zon trails long Madang. Nem bilong planti ol

gutpela pilaia em mipela i ting bai i stap insait long skwat i no bin kamap.

K. J. ROBBIS,
Ramu Sugar,
Madang.

Kundiawa lig i no gat gutpela nius

Dia Edita, Kundiawa ragbi lig i no gat gutpela nius insait long ol niuspepa na redio. Wanem kain ol liklik nius bilong ragbi lig em mipela i save kisim i go insait long niuspepa i soim tru olsem ol opisal bilong mipela i no save mekim gut wok bilong ol.

Kundiawa lig em namba wan lig insait long Hailans zon. Na sapos dispela i tru, ol lig opisal i mas lukim olsem i gat nius bilong dispela lig long olgeta wik. Nius bilong ol pilaia i kamap, pilai bai i kamap, dro bilong ol gem long neks wiken na ol kain samting olsem.

Dispela kain ol samting i mas kamap long niuspepa olsem bai ol sapota na ragbi pilaia long arapela hap i ken save long wanem kain samting em mipela wok long mekim nau long Hailans.

Sapos ol arapela liklik senta olsem Ramu, Wau/Bulolo na Minj inap long putim ol nius bilong ol long pepa, watpo na mipela i no inap. Kundiawa lig em i wanpela olpela lig insait long Hailans na mi no save long wanem as tru na mipela i no inap long putim nius long pepa.

A.H. WAIM, Gon Viles, **Kundiawa.**


Kas bilong yu



NESENEL Ragbi Lig Kosing Darekta Ivan Ravu i givim Setifiket i go long Nathan Mote. Mote em wanpela bilong ol lain husat i bin sindaun long dispela Referi Kos.

Ol referi nau bai kisim ol setifiket.

Setifiket i yusim ol bilas na mak bilong sponsa bilong PNGRFL Asosiesen, Benson na Hedges.



WAGAMBIE'S WHIP

EM i gutpela long lukim ol skoa bilong ol arapela senta i liklik. Bipo Mosbi i save waraim ol stret.

Mi ken tingim long taim bilong mi, Mosbi i save wilwilim tru ol arapela tim bilong Saten rijon. Ol skoa sampela taim i save stap olsem 60-12, 40-2, na 72-6.

Nau planti ol level 1 kosa i tren na sindaun nau long ol arapela senta. Ol i wok long kamapim ol gutpela pilai stret.

Tupela bikpela senta NC Ragbi Lig na Mosbi i mas traim salim ol tim bilong ol i go pilai long ol liklik ples olsem Alotau, Daru, Popondetta Kiunga, Tabubil na Kerema. Dispela i ken helpim ol pilaia long dispela eria long kisim moa save long kain pilai bilong representativ futbol.

Tabubil bai kamap strong tru bihaintaim. Ol i gat kainkain ol wokman i wok long main. Planti ol wokman em ol pilaia bilong ol 4-pela zon. Yu ken lukim Julius Casey na Ted Taru em ol olpela pilaia bilong Noten Zon. Ol i gat save long pilai tasol ol i mas tren moa long kamap fit. Mosbi sait i winim ol Tabubil bikos ol i fit.

Daru em wanpela senta bai kamap strong tu. Em i gat ol yangpela pilaia. Ol i bin pilai gut tru egens long ol Mosbi sait. Dispela i wankain tu long Popondetta na Kerema. Kerema i gat planti ol lapun long tim. Dispela ol lapun i no helpim tru ragbi long Kerema. Ol eksekutiv bilong Kerema i mas traim na makim ol yangpela pilaia husat i ken pilai ragbi. Ol dispela yangpela i ken helpim tru gem na ol lapun em long liklik taim tasol.

Mosbi Ragbi Lig tu i bin kamap long las wik. Ol klap husat i gat ol pilaia long tim bilong Mosbi 1 na Mosbi 2 i bin lus.

DCA i bin autim Paga, Air Niugini i dro wantaim Kone Tigers, Brothers i winim Defence na Tarangau i nilim ol Tarangau.


I gat wanpela wik i stap yet na ol tim bai statim namba tu raun. Brothers nau i stap ples klia tru olsem lida. Ol i mas tok tenk yu long Tarangau. Ol i autim Wests na ol i stap tasol long 10 poin. Wests i dro wantaim Paga, Defence na Air Niugini. Kone Tigers i sindaun long 9 poin, Magani long 8 poin, Tarangau long 6 poin, DCA long 4 poin na Hawks i stap long 2 poin.

I gat ol bikpela gem bilong dispela wikenamel long Kone na Defence, Air Niugini na Wests na bikpela gem bilong dispela wik em namel long Magani na Tarangau.

Tarangau i wok long kisim strong yet. Ol i bin autim Air Niugini na Wests. Dispela em tupela strongpela tim long Mosbi.

Sapos ol Tarangau i win, dispela i soim olsem ol bai stap yet long top 5. Sapos ol i win ol bai dro wantaim ol lain Magani. Tupela tim bai stap long 8 poin.

Dispela gem egens long Defence na Tigers bai gutpela tru. Defence i bin lus long Brothers bikos olgeta pilaia bilong Defence i stap long skwat. Eric Akis na Lukas Agi i bin pilai long skwat na Tigers tu i wankain. Tripela pilai bilong ol Stanley Haru, Michael Matmilo na Gideon Mati i no bin stap.



Mangi Samarai i gat namba ya

PLANTI ol ragbi lig sapota i save long Sandy Campbell. Asples bilong em tru Milen Be. Tasol taim em i liklik yet na wampela famili bilong Australia, Campbell famili i bin lukautim em.

Campbell i bin raun long Mosbi wantaim Wally Lewis - Kepten bilong Australia Ragbi Lig tim. Ol i raun na bihain ol i go bek long Australia.

Campbell i bin kam na go raun long ples bilong em long Samarai na bihain em i go bek long Australia.

TAIM Sandy Campbell i stap skulboi long Toowoomba em i save pilai kainkain spot. Sapos ol i save givim mak long ol spot, Campbell bai kisim namba wan

prais tasol.

Bipo long em i stat pilai ragbi long Winfield Cup, Campbell i bin makim Queensland long 4-pela spot. Ol dispela spot em ragbi lig, baseball, wrestling (spot bilong holim man na tromoi go daun) na atletik.

I tru em i save pilai kainkain spot nau em i tingting strong long pilai ragbi. Las yia em i pilai long Canterbury Risev gret. Tasol nau ol Easts Ragbi Lig tim i kisim em.

Campbell i save pilai long senta. Tasol taim Joe Lydon bilong Wigan long England i joinim East, Campbell bai go pilai long fullbek o bai go pilai long wing. Wing em posisen em i bin pilai taim em i stap wantaim Canterbury.


Em i tok taim em i pilai long

sentia em i pilai narakain. Senta em wampela posisen yu mas was gut taim yu pilai. Em i no hatwok tumas long Campbell i go stat long pilai long dispela posisen.

Tasol taim em i skulboi, em i save pilai long kain kain posisen long ragbi lig. Campbell i tok em i bin pilai senta, five et (5/8) na tu hap bek. Em i pilai long dispela posisen bikos em i liklik tru.

Long 1982, em i makim Maroons long skulboi. Orait long 1984 em i bin pilai long Commonwealth Bank Australia skulbois ragbi resis. Campbell em wanpilai bilong Paul Osborne, Jason Alchin na planti ol arapela pilaia.

Campbell i tok taim yu wokim nem, mi save pilim amamas tru bikos em sans ya.



Commentary

by JOSEPH KAU

Skelim Saten zon resis

LAS wik Saten zon resis i bin kamap long Mosbi. Mosbi klostu kisim taim long Tabubil tasol laki ol i win. Mosbi i win bikos ol i fit long pilai ya.

Tasol Tabubil i no pilai gut tumas. Skoa bilong Tabubil tu i abrusim tru mak.

Taim ol pilai i kamap long Sande, planti pilaia i no bihainim gut tumas rul. Wanwan bilong ol klia tasol sampela i no gat tru save ya. Philip Kimala tasol i orait liklik. Ol pilaia i no tingting long bikpela wok referi i wok long mekim.

Ol pilaia i wok long askim referi long wanem ol disisen em i mekim. Em i luk olsem ol lain Tabubil i save yusim ol referi na winim gem bilong ol.

Sapos wampela pait i bruk, referi Aiwa Olmi bai kisim taim stret. Tasol Aiwa em wampela referi i strong long mekim wok bilong em olsem referi.

Arapela samting i no stretim tumas em ol sapota i go sindaun arere long tas lain na lukluk long gem. Samting olsem 20 minit i stap, ol sapota i surik i go klostu long lain olgeta. I no gat wampela man i stap klostu long lukautim dispela gem.

Olsem toktok bilong ol saveman bilong histori, noken wari tumas long susu i kapsait. Na tu maski long makim pinga long ol arapela man. Yu mas traim long stapim na noken wet.

Olgeta man i laik lukim pilai bilong Saten Zon sempionsip. Nogat wampela man i tingting long laip bilong referi. Ol referi bai i no inap wok sapos ol opisal na pilaia i no stap. Dispela as tasol yu ken lukim ol pilaia na opisal tasol ol referi i no stap. I mas gat as watpo ol referi i sot.

Wok bilong referi i gat mani tasol planti pipel bai tokaut olsem ol i no wari tumas long referi. Arapela toktok gen "You laik helpim Kantri na God o Yu laikim mani tasol"

Mi amamas long tokaut olsem ol lain referi husat i wok long taim bilong sempionsip i soim olsem ol i no tingim mani na wok. Ol i mekim tru wok bilong ol.

Planti ol lain i kamap long lukim dispela gem i soim tru olsem ol i laik pilai ragbi stret. Planti bilong ol i soim olsem ol bai kamap gutpela pilaia long bihain taim.

Ol lain husat i go pas long dispela Saten Zon i mas traim stretim sekyuriti bilong referi. Sapos ol referi i no stap bai i nogat Saten Zon sempionsip na tu bai i no gat sait bilong Saten zon.

Winfield 25's

Government Warning: Smoking is Dangerous to Health



BENSON and HEDGES

WEEKLY POINT LADDER & DRAW TABLE

LEAGUE NEWS

National Capital

National Capital Rugby Football League

Saturday 20th May, 1989

Time	Grades	Matches	Referees
9.45	U17	Waigani v J/Valley	J.Kau
10.50	U17	Korobosea v Hohola	J.Kusa
12.00	U19	Waigani v J/Valley	J.Hakrefa
1.15	U19	Korobosea v Hohola	D.Lupa
2.30	Res	Waigani v J/Valley	S.Tomu
4.00	A	Waigani v J/Valley	A.Soikava

Sunday May 21st.

9.00	U17	Bomana v Tokarara	S.Amkle
10.05	U19	Bomana v Tokarara	J.Yanaga
11.20	Res	Korobosea v Hohola	A.Haro
12.50	Res	Bomana v Tokarara	S.Daniya
2.20	A	Korobosea v Hohola	T.Kuni
4.00	A	Bomana v Tokarara	P.Ninigi

Goroka

Goroka Rugby Football League

Saturday 20th May 1989

Game No. 7

9.00am	U17	Darno	v	Hawks
9.45am	U17	Brothers	v	Tarangau
10.25am	U17	Country	v	United
11.05am	U17	Siane	v	Tigers

11.45am	Res	Darno	v	Hawks
1.10pm	Res	Brothers	v	Tarangau
2.35pm	Res	Country	v	United
4.00pm	Res	Siane	v	Tigers

Sunday 21st May 1989

9.00am	U19	Darno	v	Hawks
9.45am	U19	Brothers	v	Tarangau
10.25am	U19	Country	v	United
11.05am	U19	Siane	v	Tigers

11.45am	A	Darno	v	Hawks
1.10pm	A	Brothers	v	Tarangau
2.35pm	A	Country	v	United
4.00pm	A	Siane	v	Tigers

End of Round One!!!

Presentation of team prizes

Courtesy of Goroka Rugby League

A Grade	K1000.00
A Reserve	K 600.00
U19	K 900.00
U17	K 500.00

K3000.00

Minj

Minj Rugby Football League

Saturday 20th May, 1989

Season Proper Draw -

Grade	Teams	Referees
U19	Hawks v West	
U19	Panthers v Tigers	
U19	Brothers v Bob Eagles	
Res	Brothers v Bob Eagles	
A	Hawks v West	

Sunday 21st May, 1989

Grade	Teams	Referees
Res	Panthers v Tigers	
Res	Hawks v Wests	
A	Hawks v Wests	
A	Brothers v Bob Eagles	

Mendi

Mendi Rugby League Draw

Saturday 27th May, 1989

10.50	U17	Royals	v	Royals
12.00	U17	Brothers	v	Tarakames
1.10	Res	Bulldogs	v	Hawks
2.35	Res	Magani	v	Royals
4.10	A	Brothers	v	Tarakames

Sunday 28th May, 1989

10.50	U17	Bulldogs	v	Hawks
12.00	Res	Brothers	v	Tarakames
1.10	A	Magani	v	Royals
2.35	A	Bulldogs	v	Hawks

Lae

Saturday 13/05/89

OUTSIDE GROUND			Teams	Referees	
9.00AM	U/1	Brothers	v	Royals	Jimmy Nasel
10.00	U19	Brothers	v	Royals	John Albert

INSIDE GROUND			Teams	Referees	
9.00AM	U/17	Tarangau	v	Defence	Gavin Ross
10.00	U19	Tarangau	v	Defence	David Atua
11.30	B	Tarangau	v	Defence	Toea Lahul
1.00PM	B	Brothers	v	Royals	Sasagawa Kawa
2.30	B	Tigers	v	Panthers	Marty Johnson
4.00	A	Tarangau	v	Defence	Francis Matmilo

Sunday 14/05/89

OUTSIDE GROUND			Teams	Referees	
9.00AM	U17	Tigers	v	Panthers	John Albert
10.00	U19	Tigers	v	Panthers	Kire Wapeya

INSIDE GROUND			Teams	Referees	
9.00AM	U17	Spiders	v	Magani	David Atua
10.00	U19	Spiders	v	Magani	Toea Lahul
11.30	B	Spiders	v	Magani	Gavin Ross
1.00PM	A	Brothers	v	Royals	Denis Orne
2.30	A	Tigers	v	Panthers	Robin Yapog
4.00	A	Spiders	v	Magani	Mathew Himsa

RUGBY LEAGUE LADDER

PORT MORESBY	LAE	MINJ	SIMBU	MENDI	MT HAGEN	KAVIENG	BOUGAINVILLE
Brothers _____ 12	Tarangau _____ 12	Royals _____ 8	Tigers _____ 10	Magani _____ 6	Tigers _____ 7	Muruks _____ 8	Muruks _____ 8
Wests _____ 10	Tigers _____ 12	Hawks _____ 6	Brothers _____ 8	Brothers _____ 6	Newton Jets _____ 13	Snafu _____ 5	Seagulls _____ 2
Defence _____ 10	Brothers _____ 13	West _____ 5	Tarangau _____ 6	Hawks _____ 4	Magani _____ 5	Tarakum _____ 4	Barbs _____ 8
Paga _____ 10	Panthers _____ 11	Brothers _____ 3	United _____ 5	Royals _____ 4	Country _____ 10	Sea Eagles _____ 3	Dolphins _____ 0
Air Niugini _____ 9	Spiders _____ 8	Panthers _____ 7	Hawks _____ 4	TaraKames _____ 2	Royals _____ 4	Brothers _____ 0	Panthers _____ 0
Kone Tigers _____ 9	Magani _____ 3	Tigers _____ 4	Panthers _____ 4	Bulldogs _____ 2	Country _____ 10	Brothers _____ 0	Snafu _____ 8
Kone Tigers _____ 9	Defence _____ 4	Eagles _____ 0	Royals _____ 2	Hawks _____ 4	Hawks _____ 4	Brothers _____ 0	Muruks _____ 8
Magani _____ 8	Royals _____ 1		East _____ 0	Hawks _____ 4	Tarangau _____ 12	Brothers _____ 0	Broncos _____ 0
Tarangau _____ 6				Tarangau _____ 4	Tarangau _____ 8		
DCA _____ 4				Tarangau _____ 2	Tarangau _____ 8		
Hawks _____ 2							

PROVINCIAL LEAGUE



•Junia tim bilong NCRFL wantaim kosa bilong ol Tony Kuni, i sanap long lephan.




•Ol sapota i laik pait bihain long pilai namel long Tabubil na Mosbi i win, tasol ol sapota i no hamamas.



•Wanpela pilaia bilong Magani i bamim birua bilong em long Hawks.



PROUD SUPPORTERS OF PNG RUGBY LEAGUE



REFEREES CORNER!

DISPELA em i namba tu hap bilong ol toktok. Mipela bai lukluk long Rul bilong Ragbi Lig. Bihain bai mipela i toktok moa long dispela.

Ol as toktok bilong rul na tu rot bilong karim aut dispela lo em bikpela samting. Mipela i mas save gut. Mipela i laik soim yupela tu TOM BELLEW O.A.M. na buk bilong em "Explanatory Notes on Laws of the Game Rugby League Football".

Sapos mipela i go het, ol rita husat i laik save gut long dispela bai kisim moa save na tok klia long karim aut ol dispela lo olsem wanem.

BEKGRAUN

a) Intanesenel Lo bilong Ragbi Lig.

INTANESENEL Bot em i save lukautim ragbi lig long olgeta hap (wol). PNGRFL i memba bilong Intanesenel Bot. Ol arapela kantri i memba em Australia, Inglan, Nu Silan na Frans.

Intanesenel Bot i save holim kibung long olgeta yia. Dispela kibung i kamap wanpela taim tasol. Kibung bilong dispela yia i kamap long Me 1989. Presiden bilong PNGRFL Sir James Jacobi na Seketeri Martin Adamson i go sindaun long dispela kibung.

Dispela Bot i lukautim olgeta intanesenel lo bilong ragbi lig. Planti taim ol i save kolim dispela lo, intanesenel lo. Intanesenel Bot tasol i ken sensim lo.

I bin gat planti senis long intanesenel lo. Dispela ol lo insait long RLN stori i nupela. Na dispela senis i kamap long Intanesenel Bot miting.

I gat ol liklik toksave bilong Intanesenel Ruls. Ol dispela toksave i kamap olsem opisal tok klia long wok bilong lo.

b) Lokel Ruls

INTANESENEL Rul i larim sampela ol lokal ruls long kamap. I gat sampela ples Intanesenel Rul i larim ol yet i wokim rul bilong ol. Planti hap i save wokim rul long senisim ol pilaia. Mipela bai toktok tu long ol lokal rul taim mipela skelim Intanesenel rul.

c) Kompetisen Rul

INTANESENEL Ruls i toksave tasol long rot bilong gem. Na tu em i tokaut long ol i mas pilai olsem wanem na putim traol olsem wanem. Ol i no save tokaut long rot bilong ranim kompetisen.

Ol wan wan asosiesen o ogenaiesen yet i save wokim rul bilong ol yet long ranim kompetisen bilong ol.

PNGRFL i save helpim long stiaim gut ol na wokim piksa rul bilong lukautim kompetisen.

d) Intanesenel Intpritisen ov Ruls

BIPO Intanesenel Bot tasol i save mekim ol disisen long ol Intanesenel Ruls. Sampela ol toktok i stap long Intanesenel Ruls bilong Ragbi Lig.

Nau Gems Komiti bilong Intanesenel Lo i save mekim disisen sapos i gat wanem kain askim i kamap. Disisen bilong dispela komiti i fainal.

Taim Intanesenel Bot na Intanesenel Ruls Komiti i mekim disisen, mipela tu i save bihainim dispela rul.

e) Lokel Intapritisen ov Ruls

SAMPELA eria, wankain hevi i save kamap oltaim. Nesenel Kontroling Bodi o Nesenel Referis Asosiesen yet i save mekim ol disisen bilong dispela rul. Taim ol i wokim disisen orait olgeta referi i mas bihainim dispela rul.

PNG i no gat dispela hevi tumas. Sapos ol dispela kain hevi i kamap, PNGRFL i save stretim. Sapos em i no inap, ol i save askim Intanesenel Ruls komiti long skelim tu.

f) Ol Rul bilong pilai

EM i bikpela samting tru referi i mas save long rul. Taim referi i save long rul, em i ken wokim rait disisen. Referi i ken wokim disisen long samting em i lukim na tu i ken jasim. Taim em i winim wisil (o em i no winim wisil) em i gat liklik haptaim long wokim disisen. Na bihain em i ken wokim sain. (penalti, skram o wanem kain asua i kamap). Em i mas mekim sain tu long ol pilaia na sapota husat i lukluk long gem.

Ol referi i ken kisim moa save long rul. PNGRFL Referi Asosiesen i save ranim ol kos bilong ol rejista referi. Ol i memba bilong dispela asosiesen.

SECTION 1
THE PLAYING FIELD



I gat arapela rot tu long kisim moa save. Em long ASKIM na BEKIM. Planti ol skul bilong referi i save kam long dispela buk "Explanatory Notes on Laws of the Game of Rugby League Football". Tom BELLEW O.A.M. i raitim dispela buk.

Mista Bellew i bin mekim bikpela wok edministresen long Australia. Na tu em i gat bikpela wok long strongim ragbi lig insait long Papua Niugini.

Em i strongpela sapota tru bilong PNG. Em i save kam raun lukim PNG na tu helpim PNG long kamap memba bilong Intanesenel Bot.

PNGRFL i luksave long wok bilong Mista Bellew olsem na makim em Honareri Memba. Mista Bellew i orait long PNGRFL i ken yusim buk bilong em.

Sampela rita i ting ol askim bilong em i no gutpela tumas. Tasol ol dispela kain hevi bai kamap bihain. Dispela ol kain pasin i save kamap long fil. Referi yet i mas was aut taim em i ran na toktok long ol pilaia. Em bai i no inap mekim sain na tu bai i no inap winim wisil.

INTANESENEL RUL

MIPELA bai putim kamap ol toktok bilong Intanesenel Ruls. Seksen namba 1 i toktok long Playing Fil (ples pilai) Ol arapela toktok i kamap bihain bai toktok long rul.

INDEX

I GAT 17 seksen of Rules. Sampela i gat planti tok klia. Na sampela i nogat.

Seksen 1 - Playing Fil o Ples Pilai.

PLEN bilong ples pilai i mas gat gutpela mak. Ol i save makim lain i soim mak bilong ples pilai. Ol wokman i mas makim gut na stret. Ol lain o mak i mas kamap klia em 22 mita, gol lain, ded bal lain na taslain. Lain o mak bilong 10 mita bai stap long mak.

Ples pilai bilong olgeta sinia gem bai bikpela. Longpela bilong em inap long 11 mita. Bikos rul i tok olsem 13 pilaia olgeta i mas pilai long wanpela fulsais fil.

NOT 1 - Tas Lain em tas. (dispela lain em aut). Sapos ol man i putim trai em aut. Tasol Dead ball eria em in goal eria. Sapos trai i pun-daun long dispela eria em trai. Trai lain em eria bilong putim trai. Sapos trai i kamap stret antap long lain em i trai.

NOT 2 - Kona pos. Sapos bal i paitim kona pos o pilaia i karim bal na tasim kona pos em aut.

Dispela ol rul em bilong lukautim ol pilaia. Olsem na dispela ol kona pos i noken strong. Ol i mas wokim dispela ol kona pos long raba. Na pos ya i noken i gat planti kona long em.

Rugby League

News

Player of the Week



Name: EMIL AQUILA

Age: 22 Weight: 67 kg Height: 164 cm

Club: BROTHERS Division: A GRADE

Position: FIVE-EIGHT (5/8)

Past

representative

appearances: SOUTHERN ZONE-1988, SOUTH SYDNEY PANASONIC CUP- 1989, PRESIDENTS 13.

Major awards: PORT MORESBY PLAYER OF THE YEAR- 1988.

Home Province: NEW IRELAND Village: UMBUICUL (NH).

Number of

brothers/sisters

in the family: 5 BROTHERS & 4 SISTERS

Any family member who

has played rugby in the past? NO!

When did you start playing rugby? BACK IN MY EARLY SCHOOL DAYS. IT WAS AROUND THE YEAR 1979 IN THE UNDER 35 kg FOR UTU HIGH SCHOOL. THAT WAS WHEN I WAS DOING MY GRADE 7.

Past teams and clubs: DEFENCE (VANIMO) - 1986

Advice to up and

coming players: TO STRIVE TO BE THE BEST, YOU CAN BE A DRINKER BUT YOU HAVE TO TRAIN TWO TIMES HARDER THAN EVERYBODY ELSE IN THE TEAM.

Aims: TO BECOME A KUMUL AND LIKE ANY OTHER PLAYERS-TO PLAY FOR THIS COUNTRY. MAN...IT'S A PRIDE.

Current Job/Position: DIVISIONAL CLERK WITH PUBLIC WORKS DEPT (POM).

Person you like

playing alongside

with: TONY KILA- HE IS A GOOD ORGANISOR AND CAPTAIN.

WHEN NOT PLAYING RUGBY, AQUILA LIKES WATCHING SOCCER OR GOING FOR A WOKABOUT OR A SPIN WITH FRIENDS.

Lae laik autim ol Noten zon jesi

LAE Ragbi Futbol lig bai i gat wanpela bikpela tingting long taim ol i kamap long Madang long dispela wiken. Ol bai tingting long winim planti jesi long Noten zon.

Kosa bilong tim, John Mark i bin tok olsem olgeta boi bilong em i stap trening wantaim dispela tingting. Na em i bin mekim bikpela wok long stretim dispela tim olsem bai ol i ken winim planti Noten zon yunifom.

"Mi gat wanpela strongpela sait tru na mi bai mekim ol i wok hat long taim bilong pilai long Madang

long dispela wiken. "Mipela bai i nekim tasol ol wanem tim i laik banisim rot bilong mipela. Na i luk olsem mipela bai painim liklik hevi long Madang," em i tok.

Ol lain bilong Lae i gat tupela Kumul pilaia i stap namel long ol. Dispela tupela man em Ngala Lapan na Andrew Kuno. Na planti bilong ol arapela pilaia long dispela tim tu i bin pilai representativ futbol bipo.

Mark i bin tok tu olsem dispela tim bilong em i gat gutpela spit long beklain na long wing. Dispela ol lain bai lukluk long ol winga bilong ol long

putim trai na winim gem.

Faiv-et (5/8) Simon Elap bai go pas long ol lain boi long baksait. Na Simon bai kisim helpim i kam long Kuno. Na long fowatlain, Ngala Lapan bai lukautim.

Skwat bilong Lae long go resis long Madang long dispela wiken em Esau Balelai, Mathew Elara, Simon Elap (Tigers), John Solomon, John Bob, George Wanepo, Thomas Doki (Tarangau), Mathew Kin, Mave Kaupa, John Lucas (Spiders), Goro Arigai (Brothers), Korul Sinemau (Spiders), John Markaham, Stanley Sevesoa (Magani),

John Timun, Andrew Kuno, Ngala Lapan, Madu Purgo (Panthers), Wilson Karap, Aloise Arebebe (Defence).

Kosa bilong dispela tim em John Mark, Ulea Rolu i kamap olsem Trena na Charlie Aih em Tim Mensea.

Resis bilong LRFL bai i go het yet long dispela wiken. Ol sampela pilaia bai go long Madang tasol biklain bai i stap bek gen na resis bai go het.

Gavin Ross bilong mes komiti i bin tok olsem resis bai i go het yet. Olgeta arapela gem bai i orait tasol



•Dispela pilaia bilong Mosbi i laik abrusim ol birua bilong Tabubil. Kas, yu mas hariap long rausim bal, nogut bai yu kisim bagarap olsem ol arapela. Poto: Joseph Kau.

Vanimo makim Noten zon skwat

ARI HABA i raitim

VANIMO Ragbi lig i makim wanpela strongpela trening skwat long pilai insait long ol pilai bilong Noten Zon resis long Madang dispela wiken.

President bilong lig Daniel Maski i tok olsem planti nupela na yangpela pilaia i stap long dispela skwat na dispela bai strongim tru pilai bilong Vanimo tim.

Mista Maski i tok olsem bipo ol tim bilong Madang na Lae i save mekim save long tim bilong Vanimo.

"Nau ol bai kirapi nogut". I gat 23 man i stap long trening skwat tasol ol bai rausim sampela pilaia na 17 tasol bai go long Madang.

Ol i makim Mark Martin bilong Brothers olsem kepten bilong tim. Martin i tok olsem em i gat sampela gutpela pilaia long tim bilong em na ol bai autim strongpela pilai taim ol i bungim ol biknem tim olsem Madang na Lae.

Ol arapela lain long tim em Magia Torima, Chris Robin, Wamut na Himson (Sea Eagles), Westen Edwin, Elias Jubilee, John Aua, Michael Waluka, Goldie Baki, Francis Sambu na Mond A (Difens), Patrick Rueben, Vitus Danga, John Ilau, Jessie Kairu, Moale Adanga (Hawks), Mathias Alukes, Joe Saula na Martim (Brothers), Patrick Waimo, Francis, Ben Angori na James Sambu (Tigers). Kosa em Veata na Trena em Mond.

NAMBAWAN LIKLIK SOKLET TRU BAI WARANA NATING LONG MAUS....

David kilim Goliath long Nesenel Kapitel

NISSAN Nesenel Kapital lig i bin malolo long wanpela wiken. Ol i bin malolo long wanem resis bilong intra zon seleksen i bin kamap long ples pilai bilong ol, Kone Tigers graun.

Na long dispela wiken, sampela gutpela gem bai kamap gen bihain long malolo las wiken. Bikpela gem bilong dispela wiken bai stap namel long Tokarara na Bomana. Dispela bai i wankain olsem stail bilong 'David i kilim Goliath.'

Tokarara bai traim long strongim yet gutpela nem bilong em egensim ol plisman ya. Na long winim ol plisman, Tokarara bai i gat bikpela wok tru. Sapos nogat bai ol plisman i sutim nus bilong Tokarara.

Tokarara i bin winim tupela gem tasol na i gat 4-pela poin tasol

SUMEO KAKARERE i raitim

long lata. Na Bomana, Hohola na Waigani i stap long 6-pela poin. Bomana nau i gat nupela kain pawa. Ol plisman ya i save spit moa moa yet. Ol i save kamapim gutpela difens tu.

Huka Steven Palisa, seken rowa Steven Marina na lok Ben Goma bai i no inap pilai kaskas. Dispela ol tripela i save kamapim strongpela ron na bagarapim difens bilong ol birua.

Henson Tokali bai i go pas long ol plisman long dispela gem. Ol lain long fowat bai salim bal i go long tupela roket long wing, Henry Mong na Himsen Kiala. Tupela arapela senta tu Morris Lingen na Bruce Amos bai sambai tasol long slip antap long trailain.

Tasol ol lain plisman bilong Bomana i no

ken pilai kaskas tumas long Tokarara. Nogut ol mangi Toks' i tanim na nekim ol. Dispela ol manki Hisiu long Sentrel provins i gen kamapim strongpela pilai long las mimit na tanim tebol.

Em i gat ol sampela gutpela pilai olsem Siten zon representativ, Reggy Baga, Mare Udu na senta Miria Aihi. Dispela ol pilai i save spit gut tru.

Martin Tua long 5/8 i gat stail bilong em yet. Em i save wel gut tru na kamapim gutpela sans bilong skoa. Sapos ol birua plisman ya i no putim gut ai long em, Martin bai salim ol poro bilong em long wing i go slip long trailain. Tasol olgeta i mas pilai olsem wanpela tim. Na ol manki Hisiu bai painim hat liklik long difens.

Wanem samting em ol dispela lain manki Sentrel i mas mekim em long tromoi bal i go i kam.

Long narapela gem, primia bilong las yia, Hohola bai resis wantaim ol lida long poin lata nau, Korobosea. Dispela tu bai i wanpela gutpela gem long wanem tupela strongpela tim bai pait.

Insa it long dispela namba wan gem long Sande, Hohola bai kamap long bekim dinau na givim sampela skul long Korobosea.

Hohola i bin lusim gutpela mak bilong em long lata bihain long Waigani na Bomana i nekim ol. Dispela i bin kamap bipo tasol long Saten zon trials.

Hohola bai kamap long fil wantaim Rodney Sanaka, huka Kila Kiki na Kiyapa Galowa. Skipa Sadi Baga wantaim ol kauboi

Jets pundaun antap long Country

NEW TOWN Jets bai autim tiket bilong Jimi Country long dispela wik. Pilai namel long tupela tim ya bai kamap long Rabiamaul oval. Dispela em bikpela gem bilong Mt Hagen Ragbi Lig resis.

Lapun Kumul fowat long bipo, Joe Tep na Max Tiri bai go pas long ol yangpela. Tupela bai strong long wokim rot bilong Chris Itam na James Pugu long putim trai.

Itam na Pugu em ol

lain nogut bilong beklain. Ol i save go pas long beklain bilong Jets long putim trai. Ol lain bilong Jimi Country i mas was aut long dispela tupela pilai.

Olpela pilai bilong DCA tim long Mosbi, Ted Vere bai go pas long Jimi Country long dispela wik. Jimi Country i mas pilai strong long winim dispela gem.

Jimi Country i gat sik long holim bal tumas. Ol i mas tromoi bal i go i kam long mekim ol lain

bilong Jets i sotwin na winim dispela gem.

Vere em wanpela top gol kika bilong Jimi Country. Em i bin soim tru dispela kain stail na i winim pinis spes long Hailans zon. Sapos Jets i winim dispela gem ol bai win long liklik poin tasol.

Insa it long arapela gem, Tarangau bai mekim save long Tigers. Tarangau bai win isi tru.

Tigers em sempion klap bilong ragbi lig. Em i bin winim Cambridge Kap taitel long 87. Tasol em i no

HAGEN

strong tumas na Tigers bilong Madang i bin autim tiket bilong em.

Tripela man nogut bilong Tarangau, Tene, Poning, Ongogo bai go pas long tim bilong ol. Sapos ol birua lain i no was gut, ol bai kisim taim stret.

Joseph Paraka na Michael Angra bai go pas long lain bilong Tigers. Winga na man nogut bilong Repi Kewa bai putim ol trai bilong Tigers

Malolo liklik



•Tupela man i gat nem long ragbi lig long Mosbi, Rob Cochrane (Lephan-kosa bilong Brothers) na John Wagambie (Namel-kosa bilong Tarangau) i sindaun hait long bikpela san bilong NCRFL las wiken.

Seagulls mas amamasim ol sapota nau

HENRY MORABANG i raitim

LAPUN bilong Niugini Ailan zon Ekon Togolik bai go pas long tim bilong em Seagulls long bikpela gem bilong Bougainvil Ragbi Lig. Dispela pilai bai kamap taim ol i bungim Dolphins long dispela wik.

Seagulls nau i gat 2 poin tasol long poin lata bilong ragbi lig. Ol bai traim strong long winim dispela gem. Ol pilai bilong Seagulls i no amamasim ol sapota bilong ol. Planti sapota i no amams tumas long kain stail na we ol Seagulls i save pilai.

Togolik em wanpela ainman. Em i save go pas na traim long winim gem taim Seagulls i pilai. Ol arapela pilai long fowat na tu beklain bai kisim strong long em long winim gem.

Dolphins i no wari tumas. Ausait senta bilong Kumul Lautu Atoi bai go pas long stretim ol pilai bilong em. Hap bek Joe Aki bai helpim em long kagal bilong Seagulls.

Las wik Aki i strong long traim winim gem bilong Dolphins tasol em i no kisim gutpela sapot tumas.

BOUGAINVILLE

Ol wanpilai bilong em i no sapotim em. Dispela em as bilong lus. Ol Barbarian i nilim ol gut tru 20-14.

Dolphins tu bai kisim strong bilong em long Peter Kilory. Em i bin malolo longpela taim tru bikos em i kisim sampela bagarap long lek bilong em.

Dispela wik planti ol sapota bilong Dolphins bai amamas long lukim pes bilong em gen. Tupela tim i gat wankain strong. Tasol strong bilong ol i stap nau long husat i fit.

Arapela gutpela gem tu bai kamap namel long Barbarians (Barbs) na Muruks. Ol Barbs i mas was gut bikos nau Muruks i kisim wanpela ainman bilong Hailans zon bipo. Nem bilong dispela pilai em Bruce Mondo.

Joe Arti na Sylvester bai go pas long beklain bilong Muruks. Ol bai redi tasol long ol fowat long opim rot bilong tupela long putim ol trai.

• TOKSAVE: Bai i no gat ol pilai bilong ol junia gret. Bikos Bougainvil junia skwat bai redi long pilai long Rabaul long dispela wik.

Aiyo Barramundi!



•Ol manki Daru i bung na redi long og insait long fil las wiken. Ol i bin kamapim gutpela pilai tru egensim ol arapela tim long Saten zon resis. Poto: Joseph Kau.

Ples pilai bilong Kainantu i redi

OL SAPOTA bilong ragbi lig long Kainantu bai redi nau long yusim nupela ples pilai bilong ol. Dispela ples pilai bai redi long 10 Jun.

Man i go pas long dispela ples pilai Tau Amevo i tokim Wantok olsem kos bilong wokim dispela nupela fil inap long K40,000. Kainantu Ragbi Lig asosiesen i givim K3,000 tasol.

Em i tok em i wokim dispela nupela fil long traim hapim stail bilong pilai. Nau yet asosiesen i save yusim olpela ples pilai na dispela i no gutpela tumas.

Ol pilai i mas givim taim bilong ol long pilai ragbi. Na dispela i ken givim sans long ol long pilai insait long dispela nupela ples pilai.

Mista Amevo i tok ol bai yusim dispela graun tu long holim

bikpela resis bilong SP Kap. Dispela ragbi resis bai stat long 24 Me. Dispela resis bai stap namel long Kundiawa, Goroka na Kainantu yet.

Dispela resis tu i kamap gutpela tru. Em bai helpim ol pilai long givim moa taim bilong ol long pilai ragbi. Seleksen bilong dispela ragbi resis bai kamap long olgeta taim.

Mista Amevo i tok em i bin pait hat tru long winim graun na painim mani bilong wokim dispela ples pilai.

Em i tok namba wan hap bilong dispela wok i pinis. Nau ol i painim mani bilong kirapim namba tu hap bilong dispela ples pilai. Ol i bin planim pinis gutpela gras. Ol arapela wok bilong toilet na haus waswas bai redi long tripela wik bihain.

WANTOK

SPAK MAIK!



GOODYEAR
The Choice of Champions

CALL FOR THE BEST PRICES WITH BEST SERVICE AND HAVE A GOOD YEAR WITH GOODYEAR

GOROKA
Ph: 72 1848
Al's Auto Repairs Pty. Ltd

MADANG
Ph: 82 2433

LAE
Ph: 42 1144

KIMBE
Ph: 935540

RABAU
Ph: 92 2757
92 2777

MT HAGEN
Ph: 52 1715

POPONDETTA
Ph 29 7175

PORT MORESBY
Ph: 25 5255

ARAWA
Ph: 95 1566
95 1516

ALOTAU
Ph: 61 1167
Milne Bay Enterprises



BOROKO MOTORS

• PORT MORESBY PH: 255255 • LAE PH: 421144 • RABAU PH: 922777 • MT HAGEN PH 521433 • KIMBE PH 935540
• MADANG PH: 822433 • TABUBIL PH: 583311 • ARAWA MOTORS PH: 951566 • HIGATURU MOTORS PH: 297175

REBO

HARIAP TRU NA REBO RON I GO LONG PLISSTESINLONG SEKAP...

EM KISIM PIKININI BILONG EM NA TOK TENKIU LONG OL PLIS MAN NA GO AUT...

TASOL MERI BILONG REBO I LUKIM NIUS BILONG PIKININI LONG TV LONG MOSBI NA BELHAT NOGUT TRU...

LONG AVINUN REBO WANTAIM PIKININI I GO LONG BIKTAUN NA BAIM OL SAMTING BILONG PIKININI...

TARANGU LONG NEKS DE PIKININI BILONG REBO I PLAI IGO BEK LONG PAPUA NIUGINI...

SIKS MUN BIHAIN REBO LUS TINGTING LONG OLGETA SAMTING NA HATIM RAGBI I STAP...

I GO MOA NEKS WIK!

PINIKI

JOHN TING OLGETA SAMTING I STRET PINIS NA EM GO LONG HAUS BILONG KANDERE BILONG PINIKI BILONG LUKIM TUPELA MAMA PIKININI.

YU KLIA RAUS ,MI NO LAIK LUKIM PES BILONG YU GEN!!!

OLGETA NITE KANDERE SAUVE GO SPAK.WANPELA NITE EM SPAK NA KAM WANTAIM WANWOK BILONG EM PETRUS LONG HAUS.

PINIKI KUKIM RAIS I STAP NA HARIM TUPELA MAN I STORI LONG EM.

GONAU!

WANTAIM SHARPIES Banana Boat

KAM NAU NA LUKIM LONG SO RUM LONG WAIGANI DRIVE KLOSTU LONG ISLANDER HOTEL.

NA TINGIM, MIPELA TU I GAT OL **EVINRUDE** E- OUTBOARD MOTORS I STAP. PRAIS I NO DIA TUMAS

..Long painim pis, kisim kaikai i kam long maket, karim kago, i go piknik long ailan o long raun tasol... Sharpies Banana Boat tu i gat nem long ol kain kain wok long wara.

I KAM LONG

Boroko Motors Marine Division
Phone: 255255 Ext 224.

Askim long Guy Lamont



Toksave i go long ol Seaholda bilong Fan 1988 Dividen


Mi laik toksave long olgeta seaholda bilong Investment Corporation Fund bilong Papua Niugini olsem ol Bot ov Dairekta bilong Investment Corporation i bin kibung long 28 Epril, 1989. Na ol i pasim tok long givim winmani o dividen inap long mak bilong 18 toea long wan wan sea. Dispela winmani bai i go long ol memba bilong Fan em nem bilong ol i bin stap long Fund Registry long 31 Desemba, 1988.

Fan i bin kisim profit inap long mak bilong K4.4 milien long 1988. Em i daunbilo liklik long mak bilong 1987 we Fan i bin kisim K5.5 milien. Tasol Bot ov Dairekta i tok profit bilong 1988 em i orait bikos Fan i bin mekim planti wok we i kostim bikpela mani tru long 1988.

Ol memba bai kisim dispela 18 toea winmani long mun Me, 1989. Mi tok sori long ol Seaholda bilong Fan olsem mipela i no hariap long givimaut winmani bilong dispela yia bikos i bin gat sampela samting i kamap na stapim wok.

Mi makim maus bilong Bot na Manesman bilong Fan na mi tok tenkyu long olgeta wokman na meri bilong Investment Corporation long bikpela wok na sapot ol i givim long mekim 1988 i wanpela gutpela yia bilong ol seaholda.

**Eliakim T. To Bolton,
Manesing Dairekta.**



Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.